


# মায়ের নাম

শ্রীজলধর সেন

১লা শ্রাবণ, ১৩২৮

মূল্য ১।।০ টাকা



প্রিণ্টার—শ্রীশরচন্দ্র চক্রবর্তী,  
কালিকা প্রেস,  
২১, নন্দকুমার চৌধুরীর ২য় লেন, কলিকাতা।


বঙ্গ-সাহিত্যের পরম হিতৈষী, দীনবন্ধু

শ্রীযুক্ত রাজা যোগীন্দ্রনারায়ণ রাও

লালগোলাধিপ বাহাদুরের

করকমলে





## মায়ের নাম

১

বেশ ছিলাম—ত্রিশ টাকা বেতনে মহেশপুর ইংরাজা স্কুলের তৃতীয় শিক্ষক।

আমার বাড়ী নিশিগঞ্জ, মহেশপুর হইতে ৭ মাইল। শনিবার দুইটার সময় স্কুল বন্ধ হইলে বাড়ী যাইতাম, আবার সোমবার বাড়ী হইতেই আহারাদি করিয়া একবারে স্কুলে হাজির হইতাম, বাকী কয়টা দিন স্কুলের বোর্ডিংয়ে কাটাইয়া দিতাম। দরকার পড়িলে সপ্তাহের মধ্যে যে কোন দিনও বাড়ী যাইতাম।

বেতন ত্রিশ টাকা ছিল—‘সপরি’ প্রাপ্তিও কিছু ছিল। একজন অবস্থাপন ভদ্রলোকের ছেলে আমাদের স্কুলে পড়িত এবং বোর্ডিংয়েই থাকিত। আমি তাহার পড়া বলিয়া দিতাম, তাহার তত্ত্বাবধান করিতাম,—ছেলেটির পিতা আমাকে মাসে দশটা টাকা দিতেন।

একরকম বাড়ীতে থাকিয়াই মাসে চল্লিশ টাকা উপার্জন—এলু-এ ফেল ভদ্রলোকের পক্ষে যথেষ্ট; তাহার অধিক আশা করিতে গেলে মুরুব্বীর জোর চাই। আমার তাহা ছিল না,—নিজের কুলে ত নয়ই, খত্তরকুলে বা মাতামহ-কুলেও তেমন কেহ ছিলেন না,—সকলেই আমারই মত পরিব;—আমারই মত কেহ বা স্কুলের মাষ্টার, কেহ বা পণ্ডিত, কেহ বা সামান্ত কেরানী।

আমার সংসারও বড় ছিল না ;—আমার মা, আমার স্ত্রী, আর আমি, এই তিনজন মাত্র। তারপর স্বর্গীয় পিতাঠাকুর যে সামান্য করেক বিঘা জমি রাখিয়া গিয়াছিলেন, তাহাতে নিতান্ত অজন্মা হইলেও সংবৎসরের চা'ল ডা'লের ভাবনা ভাবিতে হইত না। সূক্ষ্মার বৎসরে যে ধান পাইতাম, সংসার-খরচ বাদে তাহা হইতে যাহা বাঁচিত, তাহা গোলায় তুলিয়া রাখিতাম,—বাবার নিষেধ ছিল, কখন যেন ধান বিক্রয় না করে।

এখন, আপনারা দশজনে বলুন ত, এই অবস্থায় আমার সম্বন্ধে থাকা উচিত ছিল কি না? এক, বলিতে পারেন, ভবিষ্যতে ত সংসারে লোক বাড়িতে পারে—পুত্র-কন্যা হইতে পারে। আমার সে আশা নাই ;—আমার বয়স বত্রিশ, আমার দ্বার বয়স ছাব্বিশ! এই দুদাঘ কালের মধ্যে যখন আমরা সন্তানের মুখ দেখিতে পাইলাম না, তখন এ বংশ রক্ষার আর সম্ভাবনা নাই,—আমি শ্রীঅশ্বিনাকুমার বসুই এ বংশের শেষ প্রদীপ ;—এই প্রদীপ নিবিয়া গেলেই নিশিগঞ্জের স্বর্গীয় পিতৃদেব রামধন বসুর বংশ-লোপ। ভবিষ্যতে স্কুল মাষ্টারী করিবার জন্ত এ-বংশে আর কেহই থাকিবে না। কি দুভাগ্য!

কথাটা আবার জিজ্ঞাসা করি, মোটামুটি কিছুরই অভাব ছিল না, ভবিষ্যতে পরিবার বৃদ্ধিরও সম্ভাবনা ছিল না, হঠাৎ কোন বিপদ আপদ কি ব্যাধি পীড়া হইলে যাহা ব্যয় হইতে পারে, সে জন্ত মাষ্টারীর এই বেতন হইতেও, যখনকার কথা বলিতেছি, তখন ছয় শত টাকা ডাকঘরে সেবিংস্ ব্যাঙ্কে জমা ছিল এবং মাসে মাসে পাঁচ সাত টাকা জমা হইতেছে ;—এ অবস্থাতেও কেন আমার অধিক উপার্জনের লোভ হইল? মনস্তত্ত্বের এই কথাটা কেহ আমাকে বুঝাইয়া দিতে পারেন?

এই যে আকাজকা, এই যে অতৃপ্তি, এই যে কি জানি কি—অর্থাৎ এই যে সন্নতান, এ-ই মানুষকে সুখে থাকিতে দেয় না, শান্তিতে বাস করিতে দেয় না। তাহার ফলে মানুষের কি দুর্গতি হয়, কি বিপদ হয়, কি নর্কনাশ হয়, অথবা তাহার অদৃষ্টের জোর আছে, তাহার ~~কোনো~~নাশের সূচনা মাত্র হইয়াই কিরূপে তাহার চৈতন্যোদয় হয়,—সেই কঠোর অভিজ্ঞতার কথাই আজ লিপিবদ্ধ করিব। এই হতভাগ্যের জীবনে সেই অতৃপ্ত সন্নতানের খেলা দেখিতে পাইবেন।

২

মহেশপুর স্কুলের ষিনি সেক্রেটারী, তাঁহার নাম শ্রীযুক্ত হরিহর চট্টোপাধ্যায়। বড় জমিদার, আর লাখ টাকার উপর। পাড়ারগারে লাখ টাকা আয়ের জমিদার রাজার হালে থাকে। হরিহর বাবুর পুত্র নামডাক; প্রতাপও কম নয়;—তবে এখন এই সুশাসিত ইংরাজের মুল্লকে তাঁহার প্রতাপে বাঘে-গরুতে এক বাটে জল খায় না;—জমিদারদের আর সে দিন নাই—পিনাল কোড সব সমান করিয়া দিয়াছে। তবে টাকার কল্যাণে জমিদার মহাশয়েরা এখনও পল্লীগ্রামে একটু-আদটুকু বাদশাগিরি করিয়া থাকেন, আমাদের স্কুলের সেক্রেটারী মহাশয়ও করেন,—তাঁহার কর্মচারারাও কিঞ্চিৎ মেজাজ দেখাইয়া থাকেন; তাহাতেই গরিব প্রজাদের হৃদকম্প উপস্থিত হয়।

আমাদের হেডমাষ্টার ও হেডপণ্ডিত মহাশয়েরা হরিহর বাবুর ষথেষ্ট মন যোগাইয়া চলেন,—প্রতিদিন জমিদার মহাশয়ের খাস দরবারে হাজিরা দেন; একজন বিশ্ববিদ্যালয়ের এম-এ পরীক্ষোত্তীর্ণ, আর এক জন কাব্য, দর্শন ও বেদান্ত এই ত্রি-তীর্থ; তাঁহারা বেঙ্গলজমিদার বাবুর

মোলাহেবী করেন, এমন কথা খার্ড মাষ্টার হইয়া কেমন করিয়া বলিব ? আমি কিন্তু ঐটি পারিতাম না—কোন প্রয়োজনও বোধ কবিতাম না—মহেশপুর স্কুলের তৃতীয় শিক্ককের বেতন ত্রিশ টাকার একপয়সাও বেশী হইবার কোন সম্ভাবনা ছিল না। তবে আর কেন হাজিরা দিয়া মরি ?

হরিহর বাবুর বয়স প্রায় পঞ্চাশ—অনুগত ব্যক্তির বলেন চল্লিশ কি বিরাশি। এত কম ষাঁহার বয়স, এবং লাখ টাকা ষাঁহার জমিদারীর আর, তাঁহার প্রথমা পত্নীর ৮গঙ্গালাভ হইলে এই বছর দুই পূর্বে যে তিনি একটা ষোড়শীর পাণিগ্রহণ করিয়াছেন, তাহাতে নিন্দার কথা মোটেই নাই,—তা থাকুক না প্রথম পক্ষের একটা পুত্র, হউক না তাঁহার বয়স এগার বৎসর। তবে গত কয়েক বৎসর হইতে তাঁহার শরীর একেবারে ‘ব্যাদির্মান্দরম্’, হইয়াছিল—এই যা কথা ; আর তাঁহার চেহারটাও তেমন ভাল ছিল না। কিন্তু তাহাতে কি বড়মানুষের বিবাহ বন্ধ থাকে ? এই বিষম কল্যাণায়ের দিনে, হরিহর বাবু মত রোগে জীর্ণ, পঞ্চাশ বৎসর বয়সের বড়মানুষের হাতে সুন্দরী, ষোড়শী কন্যাকে বলি দিবার লোক বাঙ্গালা দেশে যথেষ্ট—বহু আছে। তুমি নবীন যুবক ‘হরিবোল’ ( horrible ) বলিলে চলিবে কেন ?

সে কথা থাকুক। একদিন স্কুল হইতে আসিয়া বোর্ডিংয়ে বসিয়া আছি, এমন সময়ে শুনিলাম হরিহর বাবুর পুত্র অনিলকুমারের যিনি গৃহশিক্কক ছিলেন, তাঁহার সেই দিনই চাকুরী গিয়াছে এবং সেই দিনই তাঁহাকে মহেশপুর ত্যাগ করিয়া যাওয়ার আদেশ প্রচারিত হওয়ার উদ্দেশ্যে কাহারও সহিত দেখা করিয়াও যাইতে পারেন নাই ; এমন অকস্মাৎ, কি অপরাধে তাঁহার পাঁচ বৎসরের চাকুরীটি গেল, তাহাও বলিয়া যাইতে পারেন নাই।



এ অবস্থায় ঘাণা হয়, তাহাই হইল,—নানা ক্রমে নানা কথা বলিতে লাগিল ; সে সকল জনরব আর বলিয়া কাজ নাই । বড়মানুষের ঘরের কথা, আমরা সামান্য লোক কেমন করিয়া জানিব ; এবং যে সমস্ত জন-বব প্রচারিত হইল, তাহার সত্য-মিথ্যাই বা কেমন করিয়া নির্ণয় করিব ।

তাহার পবই বোর্ডিংয়ের কোন কোন ছাত্র আসিয়া বলিল যে, এইবার হেডমাষ্টার মহাশয়েব অদৃষ্ট খুলিল, তিনিই না কি ১২৫ টাকা বেতনে অনিলকুমারেব গৃহশিক্ষক নিযুক্ত হইবেন ।

আর একজন সে কথার প্রতিবাদ করিয়া বলিল যে, অল্প ব্যবস্থা হইবে , হেডমাষ্টার সকালে ও রাতে পড়াইয়া আসিবেন ; তাহার মত ৫০ টাকা পাইবেন, আর পণ্ডিত মহাশয় বিকালে পড়াইবেন, ৩০ টাকা পাইবেন , বাড়ীতে আর মাষ্টার রাখা হইবে না। এই রকম কত কথাই যে শুনিতে লাগিলাম, তাহা আর কি বলিব ।

৩

সন্ধ্যার পর জমিদার-বাড়ী হইতে একজন ভৃত্য আসিয়া আমাকে সংবাদ দিল যে, হুজুর আমাকে তলব করিয়াছেন ; এখনই যাইতে হইবে ।

এই অসময়ে আমার তলব কেন ? হয় ত ভৃত্য ভুল করিয়াছে, এই মনে করিয়া তাহাকে জিজ্ঞাসা করিতে সে বলিল, “না, আপনাকেই এখনই ডাকিয়া লইয়া যাইবার হুকুম হইয়াছে ।”

আমি ত্ত অবাক্ । আমার তলব ! এত দিনের মাষ্টারীটা ধনিবে না কি ? কি জানি, অদৃষ্টে কি আছে !

দরবারে আর কে কে আছেন, জিজ্ঞাসা করায় ভৃত্য বলিল, “ভূজুর দরবার-ঘরে বসেন নাই, তিনি শয়ন-ঘরে আছেন। শরীর ভাল নাই, তাই যাঁহারা আসিয়াছিলেন, তাঁহাদিগকে বিদায় করিয়া দিয়াছেন। একেলাই আছেন।”

আমি আরও বিস্মিত হইলাম! একেবারে শয়ন-গৃহে আমার তলব! অসুস্থ শরীরে আর কাহারও সহিত দেখা করেন নাই, বাছিয়া বাছিয়া লোক পাইলেন এই অশ্বিনীকুমার বসু!

দুর্গানাম স্মরণ করিয়া যাত্রা করিলাম। জমিদার-বাড়ীতে উপস্থিত হইলে, ভৃত্যটি আমাকে একটা ঘরে বসাইয়া হরিহর বাবুকে সংবাদ দিতে গেল; এবং একটু পরেই আসিয়া আমাকে তাহার অনুবর্তী হইতে বলিল। হরিহর বাবুর বৈঠকখানায় মাঝে মাঝে আসিতে হইয়াছে; কিন্তু আজ আমাকে যে দিকে যাইতে হইল, সে দিকে কোন দিন যাই নাই; সেটা অন্তর মহল কি বাহির মহল, তাহাও জানি না।

ছুই তিনটা ঘর পার হইয়া আমরা একটা ঘরের সম্মুখে উপস্থিত হইলাম। সে ঘরের দ্বার বন্ধ ছিল না, সম্মুখে একটা পর্দা ছিল। পর্দা বাহির হইতেই ভৃত্য বলিল, “ভূজুর, মাষ্টার বাবু এসেছেন।”

গম্ভীর স্বরে উত্তর হইল, “ভিতরে আসতে বল।” সেটা শয়নঘর কি বসিবার ঘর, বুঝিতে না পারিয়া আমি আমার ছিন্ন-পাদুকা বাহিরে রাখিয়া ঘরের মধ্যে প্রবেশ করিলাম।

দেখিলাম, একখানি পালঙ্কের উপর হরিহর বাবু শয়ন করিয়া আছেন। আমাকে দেখিয়াই তিনি বলিলেন, “এস অশ্বিনী, ভাল আছ ত?”

আমি পালঙ্কের নিকট বাইয়া তাঁহার পায়ে হাত দিয়া প্রণাম করিয়া বলিলাম, “আজ্ঞে ভাল আছি। আপনার শরীর কি অসুস্থ হইয়াছে?”

হরিহর বাবু বলিলেন, “হ্যাঁ, আজ শরীরটা তেমন ভাল নেই। তুমি দাঁড়িয়ে রইলে কেন? ঐ চেয়ারখানা টেনে নিয়ে এই দিকে এসে বোসো।”

আমি বিনীতভাবে বলিলাম, “আমি নীচেই বসি।”

তিনি বলিলেন, “না, না, আমার শিয়রের কাছে চেয়ার টেনে বোসো। তোমার সঙ্গে বিশেষ কথা আছে।” আমার সঙ্গে বিশেষ কথা। ব্যাপাব কি?

আমি তখন একখানি চেয়ার টানিয়া লইয়া হরিহর বাবুর শিয়রের নিকট বসিলাম।

তিনি কিছুক্ষণ চুপ করিয়া থাকিয়া বলিলেন, “দেখ অশ্বিনী, আমি খোকার মাষ্টারকে বিদায় কবে দিয়েছি। লোকটা লেখাপড়ায় বেশ ছিল, কিন্তু এদানিক তার যেন স্বভাবটা কেমন বোধ হচ্ছিল। বলতে গেলে এক রকম অন্তরেই থাকতে হয়, আর ছেলের মাষ্টার; তার উপর কোন রকম সন্দেহ হ’লে তাকে কি আর বাখা যায়। কি বল?”

আমি ধীরভাবে বলিলাম, “সে ত ঠিক কথাই।”

হরিহর বাবু বলিলেন, “তেমন কিছু নয়। এই আমার খণ্ডববাড়ীর গাঁ থেকে যে ঝিটাকে এনেছি, মাষ্টারটা তার সঙ্গে তামাসা করত। আমার দ্বন্দ্ব তাই দেখে কা’ল আমাকে বললেন এবং মাষ্টারকে বিদায় করে দিতে বললেন। ঠিক কথাই ত! কি বল অশ্বিনী!”

আমি চুপ করিয়া রহিলাম। তাহার পর হরিহর বাবু বলিলেন, “দেখ, তুমি যদিও সর্বদা আমার এখানে এস না, তবুও তোমার উপর আমার দৃষ্টি বরাবরই আছে। তোমার ঐ হেড্‌মাষ্টারই বল, আর সেকেন মাষ্টারই বল, আর পণ্ডিত মশাই-ই বল, সব খোসামুদের দল।

তাই যদি না বলব, তা হ'লে এত বড় জমিদারীটা চালাই কি করে ? কি বল অশ্বিনী ! তা দেখ, বি এ এম-এ-ই হোক, আর বিদ্যাভূষণ তর্কালঙ্কারই হোক—একই স্বভাব । আর—আর লেখা-পড়া—বিদ্যার কথা যদি বল, তা হলে তোমাকে বলছি, ও সব পাস-ফাস করলেই যে বেশী শ্রিতা হয়, তা আমি মানিনে । এই ধর না তুমি ; তুমি এল-এ ফেল বটে, কিন্তু অমেক বি-একে পড়িয়ে দিতে পার । কি বল ?”

আমি আর কি বলিব, আমি শুধু ভাবিতে লাগিলাম, এ সূচনার উদ্দেশ্য কি ? এত লোক থাকিতে তবে কি আমাকেই ছেলের মাষ্টার করা হইবে ? সত্য কথা বলিতে কি, এ কথাটা ভাবিয়াও মনে আনন্দ হইল ।

হরিহর বাবু একটু চুপ করিয়া থাকিয়া বলিলেন, “তা দেখ অশ্বিনী, আমি ভেবে দেখলাম, কোথা থেকে কোন্ অজানা অচেনা লোককে শুধু মার্কা দেখে আনব, তার চাইতে জানা চেনা লোককেই মাষ্টারীটা দিই । তাই তোমাকে ডেকেছি । ছেলের মায়েরও তাই ইচ্ছা । তোমার বলব কি অশ্বিনী, আমার স্ত্রীর একেবারে ঐ ছেলে প্রাণ ; কারো বলবার ঘোঁ নেই যে ওঁর গর্ভজাত ছেলে নয় । যাক্ সে কথা । দেখ, তোমাকেই এ ভার নিতে হচ্ছে, স্কুলে আর একজন মাষ্টার দেখে নেওয়া যাবে । তুমি ত স্কুলে ৩০ টাকা মাইনে পাচ্ছ, আমরা তোমাকে একেবারে তার ডবল ৬০ টাকা দেব । তা ছাড়া খাওয়া-দাওয়া, খোঁবা নাপিত, সময় সময় কাপড়-চোপড়—সব আমাদের জিন্সা । কি বল অশ্বিনী ?”

আমি বলিলাম, “আমি স্কুলে ৩০ টাকা পাই, আর এটা ছেলে পড়িয়ে দশটাকা পাই । তার পর—”

আমার কথায় বাধা দিয়া হরিহর বাবু বলিলেন, “মোটো কুড়িটা টাকা বাড়ছে বলে’ তোমার আপত্তি ত। যাক, সে মাষ্টারকে যে ৭৫ টাকা দিতাম, তোমাকেও তাই দেব। তারপর ছেলেটাকে যদি মানুষ করতে পার, চিরদিন এ সংসারেই কেটে যাবে। কি বল ?”

আমি বলিলাম, “আমার বাড়ীতে কেউ নেই ; আমাকে প্রতি শনিবারে বাড়ী যেতে হয়, আর সোমবারে আসতে হয়।”

হরিহর বাবু বলিলেন, “সে একটা কথা বটে। তা তুমি একটু বোসো অশ্বিনী. আমি অন্তর থেকে আসছি, এখনই আসব।” এই বলিয়া হরিহর বাবু পালক হইতে নামিয়া অন্তরে চলিয়া গেলেন।

৭৫ টাকা বেতন। কোন খরচপত্র নাই—৭৫ টা টাকাই ঘরে যাহবে ! এ কি কম প্রলোভন ! হিসাব করিলে যে, অগ্ৰহানের এক-শত টাকা বেতনের সমান ! এ কি সামান্য কথা। আমি এল-এ ফেল—মহেশপুর স্কুলের খাভ’ মাষ্টার—ত্রিশটাকা পাই, আর যে দশ টাকা পাই, সে আজ আছে কাল নাই। কোথায় ত্রিশ টাকা আর কোথায় নিখরচা ৭৫ টাকা। ইহার আর বিবেচনার কিছুই নাই—কিছু না ! কত বি-এ এম-এ এই চাকরীর খোঁজ পাইলে একরাশি সার্টিফিকেট আনিয়া ধরনা দিত ; আর আমাকে ডাকিয়া আনিয়া চাকুরী—ইহারই নাম অদৃষ্ট !

আমি নিজেকে মহা ভাগ্যবান মনে করিলাম। হায় প্রলোভন, হায় শয়তান, এমনই করিয়াই মানুষ বিপন্ন হয় ! ভগবান, আমাদের মত অমানুষকে যদি একটু ভবিষ্যৎ-দৃষ্টি দিতে প্রভু, তাহা হইলে, আর কিছু না হউক, অনেক লাঞ্চার হাত হইতে আমরা মুক্তি পাইতাম !

প্রায় দশ মিনিট পরে হরিহর বাবু ফিরিয়া আসিলেন ; তিনি

বলিলেন, “দেখ অশ্বিনী, তোমাকে যখন এক রকম ঘরের ছেলেব মতই থাকতে হবে, তখন এ সব বিষয়ে গৃহিণীর পরামর্শ নেওয়াই দরকার। বিশেষ তাঁর বয়স কম হ’লেও খুব বুদ্ধিমতী। তুমি শুনলে আশ্চর্য্য হবে অশ্বিনী, তিনি যে পরামর্শ দেন, তেমন পরামর্শ খুব পাকা লোকও দিতে পারে না। তা দেখ, উনি বললেন যে, তোমার যখন বাড়ীতে কেউ নেই, আর জমাজমিটাও আছে, তখন তুমি শনিবারে শেষ বেলায় বাড়া যেও ; কিন্তু সোমবারে খুব ভোবে চ’লে এস, যেন সোমবারের সকালেব পড়াটা কামাই না হয় ; কোনও বার বা রবিবারের বিকালেই এলে। কেমন, এতে সম্মত ত ? হেডমাষ্টারের কথাও ভেবেছিলাম, কিন্তু উনি বললেন, ওসব লোক দিয়ে ছেলে পড়ান হয় না, ওরা স্কুলেই পড়াতে পারে। তুমি জানাশুনো লোক, বাড়ীতে একেবারে ছেলেব মত থাকবে ; যখন যা অসুবিধা বোধ হবে, অন্তরে বলে পাঠালেই তখনই তা ঠিক হয়ে যাবে। কি বল ?”

আমি বলিলাম, “আপনি পিতার তুল্য ; আপনি যখন আদেশ করছেন, তখন আমার আর আপত্তি কি ! তবে বাড়ীতে মাকে কথাটা জিজ্ঞাসা করা দরকার।”

হরিহর বাবু বলিলেন, “তা বেশ ত ; কা’ল সকাল সকাল স্কুল থেকে বেরিয়ে বাড়ী যেও, আবার পরশু দিন এসেই একেবারে এখানে কাজে হাজির হবে।”

আমি বলিলাম, “মায়ের এতে আপত্তি হবে না ; তবুও কোন কাজ করতে গেলে তাঁকে জানাতে হয়, তাঁর আশীর্বাদ নিয়ে আসতে হয়।”

হরিহর বাবু বলিলেন, “তা বটেই ত ! আজ-কালকার দিনে এমন কথা কোন ছেলে বড় একটা বলে না। তোমার কথায় আমি বড় সন্তুষ্ট

হ'লাম অশ্বিনী ! আর পাশের ঘর থেকে আমার স্ত্রীও সব কথা শুনেছেন ; তিনিও নিশ্চয়ই খুব খুসী হয়েছেন । তা তুমি এখন এস, অনেক রাত হয়ে গেল । ওরে তিনু, একটা লঠন নিয়ে মাষ্টার বাবুকে বোর্ডিংয়ে রেখে আয়গে ত ! আমি তা হ'লে ভিতবে যাই ।”

এই বলিয়া হরিহর বাবু পাশের ঘরে গেলেন এবং তখনই বাহির হইয়া আসিয়া হাসিতে হাসিতে বলিলেন, “যেও না অশ্বিনী, একটু বোসো । এই দেখ ত, তুমি ভদ্রলোকের ছেলে এতক্ষণ বসে থাকলে, এখন গিয়ে হয় ত ঠাণ্ডা ভাত খাবে । তাই উনি বললেন যে, তোমাকে একটু জল খাইয়ে দিতে । দেখেছ অশ্বিনী, ওঁর কেমন বুদ্ধি-বিবেচনা ! কথাটা আমার মোটেই মনে হয় নি ।”—তিনি যেন খুব আত্মপ্রসাদ অনুভব করিলেন ।

আমি বলিলাম, “জল খাওয়ার দরকার হবে না । আপনাদেরই ত খাচ্ছি ; এর পবে ত দিনরাত্রিই আছি । বাতও বেশী হয় নি, বোধ হয় ন'টা ; আমাদের ন'টাব পরই খাওয়া হয় ।”

হরিহর বাবু বলিলেন, “আরে তা কি হয় ! দেবী হবে না । উনি পূর্বেই সব ঠিক করে রেখেছিলেন ; আমারই মাথায় আসে নি, হাঃ হাঃ হাঃ ।”

কি করি, জল খাইতে হইল । পাশের ঘর হইতে গৃহিণী যে দেখিতে-ছেন, তাহা অলঙ্কারের ধ্বনিতেই বুঝিতে পারিলাম ।

বোর্ডিংয়ে চলিয়া আসিলাম । অতি-ভক্তি যে চোরের লক্ষণ, ৭৫ টাকার প্রলোভনে তখন সে কথা ভুলিয়া গেলাম ।

পথে আসিতে-আসিতে নিজের সোভাগ্যে গর্ক অনুভব করিতে লাগিলাম ; আর মনে হইতে লাগিল, হরিহর বাবুর কথা ;—

ভরুণী জার্মা কে কি. তাহাই ভাবিয়া বেশ আনন্দ অনুভব করিলাম। কিন্তু আমার দিক হইতেও যে কথাটা ভাবা দরকার, তাহা ঐ ৭৫ টাকা আমাকে ভুলাইয়া দিল।

৪

যথাসময়ে নুতন চাকরীতে উপস্থিত হইলাম। অনিল ছেলে ভাল, তাহা পূর্ব হইতেই জানিতাম, কারণ সে স্কুলে পড়ে। এবার তাহার পঞ্চম শ্রেণী; পড়াশুনায় খুব মনোযোগ; বড়-মামুষেব ছেলেদের যে সব দোষ থাকে, অনিলের তাহা কিছুই নাই। সুতরাং তাহার পড়াশুনার জন্ত আমাকে কোন বেগই পাইতে হইল না। আমাকে শিক্ষক রূপে পাইয়া সে খুবই আনন্দিত হইল। আমিও নিশ্চিন্ত হইলাম।

পাঁচ সাত দিন বেশ কাটিয়া গেল। তাহাব পর একদিন যখন অনিল স্কুলে গিয়াছে, আমি কি একখানি বই পড়িতেছি, সেই সময় একটা দাসী একখানি কাগজে জড়ান কি হাতে করিয়া আমার ঘরে প্রবেশ করিল। এ কয়দিন কিন্তু কোন বি-দাসী আমাদের দিকে আসে নাই। অনিলের পড়াব ও আমার থাকিবার জন্ত যে কয়েকটি ঘর নির্দিষ্ট ছিল, তাহা অন্যেরেব সংলগ্ন হইলেও, অন্যেরেব দাসীরা কেহ আমাদের দিকে আসিত না, আসিবার প্রয়োজনও ছিল না।

দাসীকে দেখিয়া আমি বলিলাম, “এখানে কি চাই?”

দাসী একটু মুচকি হাসিয়া বলিল, “মা আপনার জন্ত এই কাপড় পাঠিয়ে দিলেন।”

আমি বলিলাম “আমার ত কাপড় আছে; যখন অভাব হবে,



তখন আমিই কিনে নেব। তুমি কাপড় ফিরিয়ে নিয়ে যাও, আমার দরকার নেই।”

দাসী বলিল, “মা বলেছেন, আপনি যে কাপড় জামা ব্যবহার করেন, তাতে খোকা বাবুর মাষ্টারের মানায় না; কাপড়-চোপড় একটু ভাল চাই। তাই তিনি পাঠিয়ে দিয়েছেন। আপনি না নিলে তিনি বড়ই দুঃখিত হবেন।”

গৃহিণী যে আমার প্রকৃত মনিব, তাহা বুঝিতে পারিয়াছিলাম; সুতরাং তাহার অনুরোধ উপেক্ষা করিতে পারিলাম না; বলিলাম, “তা হলে ঐ টেবিলের উপর রেখে যাও। কর্তী ঠাকুরাণীকে বোলো, আমার এ সব কিছুই দরকার নেই।”

দাসী হাসিয়া বলিল, “আপনার দরকার কি, তা তিনি আপনার চাইতে বেশী বোঝেন। আপনার যাতে কোন রকম অসুবিধা না হয়, তার জন্ত সকলকে সাবধান করে দিয়েছেন”—বলিয়া দাসী চলিয়া গেল।

দাসীর কথা কয়টি আমার ভাল লাগিল না; কাপড় দেওয়াও আমি ঠিক মনে করিলাম না। আমি ছেলের মাষ্টার, মাষ্টারী করিব; সরকারের যে রকম ব্যবস্থা আছে, তাহাই আমার উপর প্রযুক্ত হইবে। আমার অসুবিধার জন্ত এত বড় জমিদাবের গৃহিণীর এ প্রকার আগ্রহের ত কোনই প্রয়োজন অনুভব করিলাম না। তবে পূর্বের মাষ্টারের হঠাৎ বিদায় দান সম্বন্ধে বাহিরের কু-লোকে যে কটাক্ষ করিয়াছিল, তাহার কি কিছু ভিত্তি আছে? ছিঃ, অমন কথা মনেও করিতে নাই। কর্তী ঠাকুরাণী গরিবের ঘরের মেয়ে, গরিবের দুঃখ খুব বোঝেন; আমাকে দরিদ্র মনে করিয়া দয়া-পরবশ হইয়াই তিনি আমার সুবিধা--

অশ্রুবিধার খোঁজ লইয়াছেন এবং কাপড় পাঠাইয়াছেন। সম্ভ্রান্ত ভদ্র-মহিলা সম্বন্ধে এমন অশ্রু কথা, এমন পাপের কথা মনে করিলেও অধর্ম হয়। মনকে তাহাই বুঝাইতে লাগিলাম; কিন্তু—!

৫

পরদিন দ্বিপ্রহরে আবার সেই দাসী আসিয়া উপস্থিত। সে বলিল “মাষ্টার মশাই, যা জানতে পাঠালেন, আপনার ত কোন অশ্রুবিধা হচ্ছে না?”

আমি বলিলাম, “কিছু না। তাঁকে বোলো, আমি গরিব মানুষ, এখানে রাজার হালে আছি; আমার কোন অশ্রুবিধাই নেই।”

কি হাসিয়া বলিল, “আমিও ত সেই কথাই বলি। তিনি কি তা শোনেন! তিনি সাবা দুপুর স্নান করিয়া বসেন ‘যা দেখে আর মাষ্টার কি কবছেন’ ‘যা শুনে আর তাঁর ত অশ্রুবিধা হচ্ছে না’। আমি কি আর সব বার আসি? এদিক-ওদিক ঘুরে গিয়ে যা হয় একটা বলি। তা যা বলুন মাষ্টার মশাই, আপনার অদেষ্ঠ ভাল, মায়ের নজরে যখন পড়েছেন, তখন বুঝে চলতে পারলে আপনাকে পায় কে? কর্তা ত মায়ের হাতের মধ্যে। আর বুড়া-মানুষের কি চোক আছে? যা তাঁকে যে দিক ফেরাবেন, তিনি সেই দিকেই ফিরবেন। যাই, তিনি হয় ত ঐ জানামার ধারেই বসে আছেন।”

কি চলিয়া গেল। আমার মাথায় যেন বজ্রপাত হইল! তাহা হইলে যাহা কা’ল ভাবিয়াছি তাহা ত মিথ্যা নহে। এখন উপায়! হায় আমার দুর্ভাগ্য! ৭৫ টাকার লোভে এ কি করিলাম! যে দিন হরিহর বাবু আমাকে নিযুক্ত করিয়াছিলেন, সেই দিনের সব কথা

আমার মনে হইল। সেই দিনই ত এ সকল কথা আমার বোঝা উচিত ছিল! কিন্তু তখন উন্নতির আশায় আমি অন্ধ হইয়াছিলাম; সম্ভ্রান্ত পৃথের মহিলা সম্বন্ধে কোন অন্বেষণ কথা ত তখন আমার মনেই আসে নাই। এই বত্রিশ বৎসর বয়সের মধ্যে এমন কথা ত কখন শুনি নাই। বইয়ে পড়িয়াছি বটে, কিন্তু তাহা কল্পনা বলিয়াই মনে করিয়াছি। সত্য-সত্যই যে ভদ্র-মহিলা এমন হইতে পারে, তাহা আমি কোন দিনই ভাবি নাই। ছিঃ, এ সব কথা মনে করিলেও যে মন কলুষিত হয়! কিন্তু এখন উপায় কি?

আমি আর স্থির হইয়া বসিয়া থাকিতে পারিলাম না, আমার মনের ভিতর তখন আগুন জ্বলিতেছিল। আমি উঠিয়া ঘরের মধ্যে ঘুরিয়া বেড়াইতে লাগিলাম।

হঠাৎ আমার দৃষ্টি অন্তরের দিকে পড়িল। দেখিলাম অন্তরের দিকে একটা জানালার সম্মুখে এক অপূর্ব সুন্দরী দাঁড়াইয়া আছেন। তাহার দৃষ্টি তখন অন্য দিকে নিবদ্ধ ছিল। কি অনুপম রূপ, কি মোহিনী প্রতিমা! মানুষের যে এমন রূপ থাকে, সে রূপে যে এত মাধুর্য্য থাকে, তাহা ত আমি কোন দিন দেখি নাই। হাঁ, রূপ বটে! দেখিবার বস্তু বটে!

আমি তখন আত্মবিস্মৃত হইলাম; যেখানে দাঁড়াইয়া ছিলাম, সেখান হইতে নড়িতে পারিলাম না। সেই স্থানে দাঁড়াইয়া সেই অতুলনীয় রূপরাশি দেখিতে লাগিলাম।

হঠাৎ তিনি মুখ ফিরাইলেন,—চারিচক্ষু সন্মিলিত হইল। তাহার পরই একটু হাসিয়া, তিনি জানালার অন্তরালে গেলেন। আমার তখন সংজ্ঞা ফিরিয়া আসিল।

আমি আর সেখানে দাঁড়াইলাম না। সরিয়া আসিয়া একখানি

চেয়ারে বসিয়া পড়িলাম। আমার চক্ষুর সম্মুখে সেই রূপই ভাসিয়া বেড়াইতে লাগিল।—হৃদয়ের মধ্যে সেই হাসিই দীপ্তি পাইতে লাগিল।

আমি যেন কেমন হইয়া গেলাম! তাহার পর কত কথা ভাবিতে লাগিলাম, কত সুখের কথা—কত ভোগের কথা—কত মাথামুণ্ড! সে কথা আর প্রকাশ করিয়া কাজ নাই! এখন সে কথা বলিতেও যে আমার প্রাণ কেমন করে!

৩

সে রাত্রিতে আর খোকাকে পড়াইতে পারিলাম না—শরীর অসুস্থ হইয়াছে বলিয়া অনাহারেই শয়ন করিলাম। খোকা বাড়ীর মধ্যে চলিয়া গেল।

আমার আর নিদ্রা নাই। কত কি ভাবিতে লাগিলাম, তাহা এত দিন পরে বলিতে পারিতেছি না।

রাত্রি যখন প্রায় দশটা, তখন সেই দাসী চোরের মত ধীরে-ধীরে আমার শয়ন-ঘরে প্রবেশ করিল এবং আমার বিছানার পার্শ্বে আসিয়া অসুচ স্বরে বলিল, “মাষ্টার বাবু কি ঘুমুচ্ছেন?”

আমি মাথা তুলিয়া বলিলাম, “না, ঘুম হচ্ছে না। তুমি এত রাত্রে কেন?”

দাসী বলিল, “আর এত রাত্রে! এখন বলুন, কি করবেন? কা’ল সকালেই আমাকে খবর দিতে হবে।”

আমি বলিলাম, “কি করব?”

দাসী হাসিয়া বলিল, “কি আর করবেন! নিমন্ত্রণ নিলেন ত?”

আমি বলিলাম, “কৈ, কেউ ত আমাকে নিমন্ত্রণ করে নি!”

দাসী রহস্য করিয়া বলিল, “চোখ দুটো তখন কোথায় ছিল ?”  
আমি বলিলাম, “পত্রের দ্বারায় নিমন্ত্রণ না করিলে, আমি নিমন্ত্রণ গ্রহণ করব না—এই কথা বোলো।”

দাসী বলিল, “বেশ, তাই হবে। কাল নিমন্ত্রণ-পত্র পাবেন।”

তখন কিন্তু নরকের পথে যাইবার জন্য প্রস্তুত হইয়াই নিমন্ত্রণ-পত্র চাহিয়া ছলাম—রূপের মোহে তখন আচ্ছন্ন হইয়া পড়িয়াছিলাম।

কিন্তু ঐ নিমন্ত্রণ পত্রই আমাকে বাঁচাইয়াছিল—আমার রক্ষাকবচ-স্বরূপ হইয়াছিল।

ভালমন্দের দ্বন্দ্বই সমস্ত রাত্রি কাটিয়া গেল; কেহই পরাজয় স্বীকার করিল না; তবে সত্য বলিতে কি মন্দের প্রলোভনের জয়ই অনিবার্ধ্য বলিয়া বোধ হইল।

পরদিন খোকা যখন স্নান-আহাবের জন্য অস্তঃপুরে গিয়াছে, সেই অবকাশে দাসী আসিয়া ‘নিমন্ত্রণ-পত্র’ দিয়া গেল।

রঙীন সুদৃশ্য খামখানি হাতে পড়িতেই একটা সুবাস অনুভব করিলাম। পত্রখানি নাসিকার নিকট লইয়া আসিলাম, গন্ধে ভুবু ভুবু করিতেছে;—এসেন্স-মিশান কালীতে লেখা।

পত্র খুলিলাম। অক্ষরগুলি সুছাঁদ—বানান-ভুলও বেশী নাই। পাঠ করিতে লাগিলাম,—কথাগুলি যেন অদেহিনী সুরা। আমার মাস্তকে প্রবেশ করিয়া আমার পাগল করিয়া, মাতাল করিয়া তুলিল—সুখের আবেশে আমি বিভোর হইয়া পড়িলাম।

পত্রখানির শেষাংশে পৌঁছিয়া, স্বাক্ষর নামটিতে দৃষ্টি পড়িবামাত্র আমার সে সুখের নেশা তৎক্ষণাৎ ছুটিয়া গিয়া, আমার সমস্ত দেহ-মন অসীম লজ্জা ও প্রচণ্ড ধিকারে ভরিয়া উঠিল।

পূর্বে এই সমতানীর নাম আমি জানিতাম না। দেখিলাম, সে নাম—যে নাম ইহজগতে আমার নিকট সর্বাপেক্ষা মূল্যবান, আমার চিরজীবনের সর্বাপেক্ষা ভক্তি শ্রদ্ধা ও পূজার জিনিষ,—  
আমার মায়ের নাম।

পত্রের প্রতি শব্দ যেন তখন আমাকে প্রবলভাবে বেত্রাঘাত করিতে লাগিল।

কর্তব্য স্থির করিতে এক মুহূর্তও বিলম্ব হইল না। কে যেন আমাব হৃদয়ে অমিত বল সঞ্চার করিল—কে যেন আমার গন্তব্য পথ স্থির করিয়া দিল।

আমি তৎক্ষণাৎ জামা চাদর লইয়া একেবারে হরিহর বাবুর নিকট উপস্থিত হইলাম। তিনি তখন কার্যাস্তরে ব্যস্ত ছিলেন। আমার আর অপেক্ষা সহিল না। আমি তাঁহাকে বলিলাম, “আপনাকে একটু উঠে আসতে হচ্ছে ; একটা বিশেষ কথা আছে।”

আমার মুখের দিকে চাহিয়া এবং আমার কথা শুনিয়া তিনি তৎক্ষণাৎ আমাকে লইয়া পাশের ঘরে গিয়া জিজ্ঞাসা করিলেন, ‘কি অশ্বিনী, ব্যাপার কি?’

আমি অতি নম্রস্বরে বলিলাম, “আমি বাড়ী চললাম ; চাকরি কনব না, আর—মহেশপুরে আসব না।”

হরিহর বাবু বলিলেন, “কেন, কেন, হয়েছে কি?”

আমি বলিলাম, “মাতৃ-অাজ্ঞা।”

হরিহর বাবু বলিলেন, ‘এমন হঠাৎ! কারণ কি হল শুনতে পাইনে?’

“আজ্ঞে না”—বলিয়া আমি সেই পাপপুরী পরিত্যাগ করিলাম।

নিজ্জন পথে, পত্রখানা টুকবা টুকরা করিয়া ছিঁড়িয়া, পাশ্চাত্ত একটা পচা ডোবায় ফেলিয়া দিলাম ।

তাহার পর,—তাহার পর সেই জমিদার বাড়ীতে কি হইয়াছিল, সে কথা হিন্দুর ছেলের, সতী মাযের পুত্রের বলিতে নাই ।

—

# স্বাস্থ্যের কোলে

১

স্বাস্থ্য-এ পরীক্ষা 'দিয়া নফর, দীর্ঘ অবকাশে পিতামাতা ও কনিষ্ঠা ভগিনীর সহিত আনন্দে যাপন করিবার জন্য বাড়ী যাইয়া দেখে তাহাব পিতা অরে শয্যাগত ।

“মা, এতদিন স্বাস্থ্য অব জর, আমাকে খবর দেও নাই কেন ?”

“উনি ব্যরণ করেছিলেন, তোমাব পরীক্ষার কতি হবে, তাই খবর দিই নাই, আজ তের দিন অব ছাড়ে না । ডাক্তার কত ওষুদ দিচ্ছে, কিছুতেই কিছু হচ্ছে না ; দিনেদিনেই দুর্বল হয়ে পড়ছেন ।”

নফর একটুও বিশ্রাম না করিয়া তৎক্ষণাৎ ডাক্তারের বাড়ী যাইবাব জন্ত উঠিল ।

মাতা বলিলেন, “উনি ঘুমুচ্ছেন, উঠুন , কেমন আছেন না আছেন, শুনে তার পর ডাক্তারের কাছে যেও । এখন একটু বিশ্রাম কর ।”

নফর সে কথা শুনিল না ; সে তখনই ডাক্তারের বাড়ী উপস্থিত হইল ।

ডাক্তার যাহা বলিলেন, তাহাতে নফর বুঝিতে পারিল, তাহার পিতার জীবন-রক্ষার আর উপায় নাই—এ বয়সে ডবল নিউমোনিয়া হ'লে প্রায়ই রোগী বাঁচে না ।

তাহাই হইল ; নফরের বাড়ী পৌঁছিবার পরদিনই তাহার পিতা বিশ্বনাথ ঘোষ স্ত্রী পুত্র কন্যাকে সত্যসত্যই অকুল সাগরে ভাসাইয়া



লোকান্তরে চলিয়া গেলেন ; সনাতনপুর কুমের বাইশ বৎসরের বেত-পণ্ডিত মহাশয়, গ্রামের সকলেরই শ্রদ্ধাভাজন বিশ্বনাথ পণ্ডিতের পর-লোক গমনে সকলেই শোক প্রকাশ করিতে লাগিলেন ;—আহা, একই নিষিদ্ধ লোক এ অঞ্চলে ছিল না !

পণ্ডিত মহাশয়ের বেতন এই বাইশ বৎসরে আঠারো টাকা হইতে চব্বিশ টাকায় পৌছিয়াছিল । ইহাতেই এই করটি প্রাণীর ভরণপোষণ নিব্বাহ হইত ; তবে এই শেষ দুই বৎসর নফরের কলিকাতার পড়ার খরচ মাসে দশটি করিয়া টাকা পাঠাইতে হইয়াছে, বলিয়া পণ্ডিত মহাশয়ের একটু বেশী টানাটানি পড়িয়াছিল ; শুধু টানাটানি কেন, অনেক সময় বিশেষ অভাবই অনুভূত হইত ।

কিন্তু তা বলিয়া ও নফরের ভবিষ্যৎ নষ্ট করা যায় না । মেয়েটির জন্ম পণ্ডিত মহাশয় মোটেই ভাবিতেন না ; বলিতেন, “চপলা সবে ছয় বছরে পড়েছে, ওর যখন বিয়ের সময় হবে, তখন নফর উপযুক্ত হয়ে উঠবে ; ওর বিয়ের ভাবনা নফর ভাববে ।”

কিন্তু শুধু চপলার বিবাহের ভাবনা নহে, তাহারও অপেক্ষা অধিক গুরুতর ভাবনা উনিশ বৎসর বয়সের ছেলের উপর অর্পণ করিয়া পণ্ডিত মহাশয় সর্বস্বতরহারীর কাছে চলিয়া গেলেন ; নফর অকস্মাৎ দেখিল !

পণ্ডিত মহাশয় কিছুই রাখিয়া যাইতে পারেন নাই ; থাকিবার মধ্যে সামান্য মেটে বাড়ীখানি । নফরের মাতা যখন তাঁহাদের কষ্টের কথা অনাটনের কথা, অনেক দিন একাহারের কথা তাহাকে এই প্রথম জানাইলেন, তখন নফর কাঁদিয়া আকুল হইল । সে ত এত কথা জানিত না । লেখাপড়া শিখিবার জন্ত সে পিতামাতা তিনীকে এত

কষ্ট দিয়াছে ; তাঁহারা একাহারে থাকিয়া তাহার কলিকাতার খুঁচ চালাইয়াছেন ।

নকর কাঁদিতে কাঁদিতে বলিল, “মা, এ কথা এত দিনের মধ্যে আমাকে বল নাই কেন ? আমি জানতাম বাবার হাতে কিছু টাকা আছে ; তাই থেকে তিনি আমাকে মাসে দশ টাকা করে দিতেন । এ কথা জানলে আমি পড়তে যেতাম না মা । এত কষ্ট কাবই বাবার শরীর ভেঙ্গে গিয়েছিল ! আমিই তাঁর মৃত্যুর কারণ ! এ কষ্ট, এ দুঃখ, মা, আমি জীবনে ভুলতে পারব না ।”

মাতা পুত্রের মুখ মুছাইয়া দিয়া বলিলেন, “তিনি তাঁর কর্তব্য করেছেন ; ছেলেকে মানুষ করা, তাকে লেখাপড়া শিখান বাপমায়েব প্রধান কাজ । তা তিনি প্রাণপণে করেছেন । কিন্তু আমি ভাবছি, এখন কি হবে ?’

“কিসের কি হবে মা ?’

“এই তোমার পড়ারই বা কি হবে, আর এই তিনটা প্রাণীবই বা কি হবে ?’

“কেন ? তুমি কি মনে কর মা, আমবা না খেয়ে মরব । কিছুতেই না । আমি লেখাপড়া শিখতে পারলাম না সত্য, কিন্তু আমি কাব ছেলে, তা ভুলে যাচ্চ কেন মা ? কার বুকবুরক্তে আমি বেড়েছি, তা জান ? তোমার শিবপূজা কি ব্যর্থ হবে ? তুমি লেখাপড়া জান, মা, তুমি ভগবানে বিশ্বাস হারিও না । আমি মুর্থ হই আর যাই হই, তোমাদের আশীর্বাদে আমি তোমাদের ভরণপোষণ করতে পারব । তবে বাবার বড় ইচ্ছা ছিল আমাকে লেখাপড়া শেখান,—আমি সব-গুলি পাশ করি । তা আর হোল না । কিন্তু লেখাপড়া শিখবো,

সংসারে উন্নতি করবো, বাবার মহান স্বর্গত্যাগেব পুণো আমার পক্ষে কোনও বাধা-বিঘ্ন দাঁড়াতে পারবে না, তা তুমি ঠিক জোনো।”

পুলের এই আশার বাণী—এই আত্ম-নির্ভরতা জননীর হৃদয়ে গভীর আশ্বাসেব সঞ্চাব কবিল তিনি নফবকে বুকের মধ্যে ধরিয়া বলিলেন,—“বাবা, আশীর্বাদ করছি, তোমাব কামনা পূর্ণ হবে। চিরজীবন এমনই করে ভগবানে বিশ্বাস রেখো—এমনই হবে তোমাব স্বর্গীয় জনকেব কথা মনে রেখো। তোমাব উন্নতি হবে।”

২

পিতার শ্রাদ্ধাদি শেষ করিয়া নফব পবাক্কাব ফলের অপেক্ষা না করিয়াই কলিকাতায় চলিয়া গেল। পবাক্কাব ফল জানিবাব তাহার আর কোনও প্রয়োজন নাই পাশ হইলেও সে পড়িবে না, ফল হইলেও সে পড়িবে না। পূজনীয়া মাতা ও স্নেহমগী ভগিনীর ভরণপোষণ এখন হইতে তাহাকেই কবিতে হইবে।

কলিকাতায় যে ভদ্রলোক দয়া কবিয়া নফবকে আশ্রয় দিয়াছিলেন, তাহার কলিকাতায় অবস্থানেব ভাব গ্রহণ কবিয়াছিলেন, তিনি নফরের পিতৃবিয়োগের সংবাদ শুনিয়া বডই দুঃখিত হইলেন। দুঃখ কবিয়া বলিলেন, “নফর, পড়া-শুনার কোন ব্যবস্থাই হতে পাবে না কি। আমার দৃঢ়-বিশ্বাস, এবার তুমি পাশ হবে, আব যদি পড়তে পার, তবে তুমি সব কটি পবীক্ষাই উত্তীর্ণ হবে।”

নফর দীর্ঘনিঃশ্বাস ফেলিয়া বলিল, “তা আর হয় না, হতে পারে না। এখন আমার উপার্জনের উপরেই আমার মা-বোনের ভরণ-পোষণ নির্ভর করছে। আমি ভগবানের উপর নির্ভর করে আপনার কাছে

কিরে এসেছি। আমি জানি আপনি আমার যেমন-তেমন একটা চাকরী জুটিয়ে দেবেনই।”

জীবন বাবু হাসিয়া বলিলেন, “আমার উপর তোমার এতটা নির্ভর।”

নফর কহিল, “আজ হু’বছর আপনাকে দেখে আসছি, আপনি আমাকে ফেলতে পারবেন না। কে যেন আমাকে বলছে, আপনাকে ধরেই আমার সব হবে।”

জীবন বাবু এই নবীন যুবকের এতখানি দৃঢ়তা দেখিয়া বলিলেন, “বেশ, তাই হবে। আমি তোমায় বলছি নফর, যেমন করে হ’ক আমি তোমার একটা চাকরী করে দেবোই।”

দুই-তিন দিন পরেই তিনি একটি সওদাগরী আফিসে নফরের একটা চাকরী করিয়া দিলেন। বেতন মাসিক পঁচিশ টাকা।

নফরকে এই সংবাদ দিয়া জীবন বাবু বলিলেন, “নফর, তোমাকে একটা প্রতিজ্ঞা করতে হবে। যতদিন তুমি এখানে থাকবে, যতদিন তোমার মা-ভাগিনীকে এখানে এনে স্বতন্ত্র বাসা করতে না পারবে, ততদিন তোমাকে এখানেই থাকতে হবে। এই প্রতিজ্ঞা তোমাকে করতেই হবে। তোমার মত ছেলের গায়ের বাতাসেও আমার বাড়ী পবিত্র হবে।”

নফর অশ্রুপূর্ণ নয়নে জীবন বাবুর পদধূলি গ্রহণ করিল, একটি কথাও বলিতে পারিল না।

৩

যথাসময়ে পরীক্ষার ফল বাহির হইল ; নফর প্রথম বিভাগে উত্তীর্ণ হইয়াছে। সংবাদ পাইয়া নফর একটা দীর্ঘনিঃশ্বাস পরিত্যাগ করিল।

জীবন বাবু এই সঙ্কীর্ণ গুনিয়া বলিলেন,—“দেখ নফর, ছুমি চাকরী ছাড়িয়া দাও। আমি তোমার পড়ার খরচ চালাব; আর তোমার বাড়ীর খরচ আমিই মাসে দশ টাকা করে দেব।”

জীবনবাবুর কথা গুনিয়া নফর কাঁদিয়া ফেলিল। কিছুক্ষণ চুপ করিয়া থাকিয়া বলিল, “আপনার ঋণ আমি এ জীবনে শোধ করতে পারব না, কিন্তু আমি আর ও-পথে যাব না। আপনি আশীর্বাদ করুন, আমি পাশ না করিয়াও আপনার আশ্রয়ে থেকে লেখাপড়া শিখতে পাবব।” জীবনবাবু আর অসুরোধ করিলেন না; যাহাতে নফরের চাকুরীর উন্নতি হয়, তাহাবই চেষ্টা তিনি করিতে লাগিলেন।

নফর পঁচিশ টাকা বেতন পায়, তাহার কুড়ি টাকাই সে প্রতি মাসে বাড়ীতে পাঠাইয়া দেয়, অবশিষ্ট পাঁচ টাকা নিজের কাছে রাখে।

চৈত্র মাসে চাকুরীতে প্রবিষ্ট হইয়াছে; পূজার সময় বাড়ীতে বাইতে হইবে; সে সময় চপলা ও মায়ের জন্ম কাপড় কিনিতে হইবে, চপলার জন্ম আরও কত কি কিনিতে হইবে; তাই সে পাঁচ টাকার একটী পয়সাও নিজের জন্ম ব্যয় করিত না। প্রতিদিন পদব্রজে গ্রামবাজার হইতে ক্লাহত ষ্ট্রীটে অফিসে যাতায়াত করিত; ক্ষুধা পাইলে এক পয়সার কিছু কিনিয়াও সে খাইত না। তাহার মনে হইত, তাহাকে লেখাপড়া শিখাটবার জন্ম তাহার পিতা অর্দ্ধশনে কত দিন কাটাইয়াছেন। সে মন্থভেদী কথা কি সে ভুলিতে পারে?

প্রতি সপ্তাহে নফর মায়ের নিকট হইতে পত্র পায়; চপলাও তাহার সেই ভাঙ্গা-ভাঙ্গা অক্ষরে, তাহার সেই দেব-ভাষার দাদাকে পত্র লেখে। সে পত্রে বালিকা কত কথা লেখে; বাড়ী যাইবার সময় দাদা তাহার জন্ম কি কি দ্রব্য দিয়া যাইবে, তাহার ফর্দ পাঠায়। নফর প্রতি মাসেই

এটা-ওটা কিনিয়া সংগ্রহ করিতে লাগিল—পূজার ছুটিতে বাড়ী যাইয়া চপলাকে দিবে। চপলা এই সকল দ্রব্য পাইয়া কত আনন্দ করিবে, তাহার মুখে কেমন হাসি ফুটিয়া উঠিবে, শ্যামবাজারের এক নিভৃত কক্ষে বসিয়া নফর চক্কর সম্মুখে সেই মনোমোহন দৃশ্য দেখিতে থাকে, তাহার হৃদয়ে অভূতপূর্ব ভাবের সঞ্চার হয়।

পূজার তিন চারি দিন পূর্বে আফিসে নোটিস বাহিব হইল যে, কাজের বড় ভিড়, এবার কম্বচারীদিগকে মোটেই ছুটি দেওয়া হইবে না, বিজয়ার দিন মাত্র আফিসের কাজ বন্ধ থাকিবে। তবে সকল কম্বচারীই পূজার খরচ বলিয়া এক মাসের বেতন অতিরিক্ত পাবে।

এই সংবাদ পাইয়া নফর অধীর হইয়া উঠিল। পূজার সময় বাড়ী যাইতে পাইবে না; মায়ের পায়ে প্রণাম করিয়া আশীর্বাদ লাভ করিতে পারিবে না, চপলার হাসিমুখ দেখিতে পাইবে না। সে কি করিয়া হইবে? সে যে এই কম্বচারী ধরিয়া চপলার জন্ত কত কি সংগঠ করিয়াছে, মায়ের জন্ত কাপড় কিনিয়াছে, সংসারের জন্ত কত ক্ষুদ্র ক্ষুদ্র দ্রব্য গোছাইয়াছিল—বাড়ী যাইতে পাইবে না। হিন্দুর ছেলে—বিধবাব সন্তান,—বিজয়ার দিন সাক্ষাৎ দেবীকৃপিনী মায়ের পদধূলি গ্রহণ করিতে পাইবে না। সে কি কথা?

নফর সামান্য কম্বচারী; বড় সাহেবদের সঙ্গে তাহার সাক্ষাৎ-সংস্পর্শে কিছুই করিতে হয় না; তাহার মাথার উপর প্রায় কুড়ি জন বাবু।

নফর প্রথমেই তাহার ডিপার্টমেন্টের বড়বাবুব কাছে গেল এবং ছুটির প্রার্থনা করিল। বড়বাবু রাশভারি লোক, মেজাজও খুব উচু। তিনি কর্কশস্বরে বলিলেন “না হে বাবু, ছুটি মিলবে না। আমি সাহেবকে বলিতে পারব না। তিন দিন মাত্র কাজে এসেছ। এরই

মধ্যে ছুটী। ও-সব হবে না, যাও। আগে চাকুরী, তারপর বাপ-মা।”

বড়গাবুব নিকট কোন আশাই নাই, দেখিয়া নফর মলিন মুখে চলিয়া অসিল। দুইদিন পর্য্যন্ত সে ভাবিল, কিন্তু কোন পথই সে পাইল না। চাকুরী ত্যাগ! সে কথা নফর মনেও আনিতে পারিল না; চাকুরী ত্যাগ করিলে যে মা-বোনের অনাভাব। কিন্তু বাড়ীতে না গেলে মা যে বিজয়ার দিন চক্ষের জল ফেলিবেন, চপলা যে দাদাকে না দেখিয়া মলিন মুখে দিন কাটাইবে। নফর কাতর হৃদয়ে অফিস যাইতে লাগিল।

সপ্তমী গেল, অষ্টমী গেল,—নফর অফিসে যাতায়াত করিতে লাগিল। বাড়ীতে কোন সংবাদ দিল না, জিনিষ-পত্রগুলি পাঠাইবাবও লোক পাইল না।

নবমীর দিন পাঁচটার সময় অফিস বন্ধ হইলে নফর চিৎপুর রোড দিয়া শ্রামবাজারের দিকে আসিতেছিল, জোড়াসাঁকোর নিকট একটি বাড়ীতে পূজা দেখিবাব জন্য অনেক লোক প্রবেশ করিতেছে দেখিয়া নফর দ্বাবেব পাশ্বে দাঁড়াইল।

একটু পরেই দেখিল, একটা বিধবা বমণী ছয় বৎসরের একটা মেয়েকে ঠাকুর দেখাইবাব জন্য সেই বাড়ীতে প্রবেশ করিতেছেন। নফর দেখিল, মেয়েটি ঠিক তার ভগিনী চপলার মত,—তেমনই সুন্দর মুখ, তেমনই ভাব-ভঙ্গী। নফরের বুকের মধ্যে কেমন করিয়া উঠিল; সে আর সেখানে দাঁড়াইতে পারিল না।

তাহার মনে হইল, এই মেয়েটি চপলার রূপ ধারণ করিয়া তাহাকে ডাকিতে আসিয়াছে;—আর ঐ অবগুণ্ঠনাবৃত্তা বিধবা বমণী যেন তাহারই জননী।

নফর বাসার আসিয়া দেখিল জীবনবাবু নিমন্ত্রণ-রক্ষা করিতে কোথায় গিয়াছেন। তখন আর তাহার অপেক্ষা করিবার সময় নাই। সে মনস্থির করিয়াছে। যা থাকে অদৃষ্টে—যার চাকুরী যাহবে—সে এই মাড়ে সাতটার ট্রেনে বাড়ী যাইবে। এ ট্রেনে গেলেও পরদিন অগ্নয়্য চারিটার মধ্যে সে বাড়ী পৌঁছিতে পারিবে।

সে তাড়াতাড়ি জিনিসপত্র গোছাইয়া ফেলিল; আহার করিবার আর সময় ছিল না। অফিসের বড়বাবুর নামে একখান চিঠি লিখিয়া রাস্তার ডাকবায়ে ফেলিয়া দিয়া সে উর্দ্ধ্বাসে শিয়ালদহ স্টেশনে উপস্থিত হইল। বড়বাবুকে সে অকপটে সমস্ত কথা লিখিয়া গিয়াছিল।

পরদিন প্রাতঃকালে যখন সে গোয়ালন্দে নামিয়া ষ্টিমারে উঠিল, তখন আকাশ মেঘাচ্ছন্ন।

নফর বড়ই ভীত হইল,—মেঘ দেখিয়া নহে, যাদ ঝড়বৃষ্টি আরম্ভ হয় তাহা হইলে ষ্টিমার হইতে নামিয়া পাঁচ ক্রোশ পথ সে কেমন করিয়া যাইবে;—বাড়ীর কাছেই আর একটা নদী পার হইতে হইবে।

বেলা একটার সময় নফর ষ্টিমার হইতে নামিল। ঘাটে মুটে মিলিল না, বিশেষ প্রয়োজনও ছিল না। সে তাহার বোচকা মাথায় করিয়া যাত্রা করিল; আকাশে তখনও খুব মেঘ, কিন্তু বৃষ্টি আসে নাই। নফর দ্রুতবেগে পথ চলিতে লাগিল। পাঁচ ক্রোশ পথ—সে তিন ঘণ্টার নিশ্চয়ই যাইতে পারিবে, তাহার পর নদী পার হইলেই ত তাহার বাড়ী।

ক্রোশ দুই পথ যাইবার পরই বৃষ্টি আরম্ভ হইল। মাঠের মধ্যে আশলের উপর দিয়া পথ, তাহার পর এই বৃষ্টি। কিন্তু সে তাহার গতি সংযত করিল না; জুতা জামা চাদর তাহার বোচকায় বাধিয়া লইয়া সে



প্রাণপণ বেগে চলিতে লাগিল। সঙ্গে ছাতা ছিল না; সর্বত্র রুটিতে  
খিজিয়া গেল; কাদায় দেহ বিভূষিত হইয়া গেল। কোন দিকেই  
দৃষ্টিপাত নাই!

যখন সে নদীতীরে উপস্থিত হইল, তখন ভরাবক ঝড় উঠিয়া আসিল  
—যেমন ঝড়, তেমনই রুটি। বেলাও তখন প্রায় শেষ। সে মনে করিয়া-  
ছিল, তিন ঘণ্টায় বাড়ী পৌঁছিতে; কিন্তু রুটির জন্য সে প্রায় ছয়টার  
সময় নদীতীরে পৌঁছিল।

তাহার পর বিপদ,—খেয়া-নৌকা এ পারে নাই, ঝড়ের একটু  
পূর্বে নৌকা ও-পারে গিয়াছে, আর ফিরিতে পারে নাই। পাটনীর  
ঘরে একটি ছেলে বসিয়া আছে, পাটনীরই ভ্রাতুষ্পুত্র।

নফর পাটনীর সেই ঘরে আধঘণ্টা অপেক্ষা করিল। সন্ধ্যার  
অন্ধকার ঘনাইয়া আসিল, ঝড় আর ধামে না। নফর ছটফট করিতে  
লাগিল।

সে আর অপেক্ষা করিতে ত পারে না। তাহার মায়ের মুখ তখন  
মনে পড়িল। সে ছেলেটিকে বলিল, “দেখ, আমার এই বোচকাটি  
তোমাদের এখানে রেখে যাই; কাল এসে নিয়ে যাব।”

ছেলেটি বলিল, “তুমি যাবে কোথায়?”

“পারে!”

“পারে!—খেয়া-নৌকা ত নেই। এ ঝড়ে কি করে যাবে?”

“আমি সাতার দিয়ে যাব ভাই! আমার মা যে আমার পথ চেয়ে  
বসে আছেন।”

ছেলেটা হা করিয়া চাহিয়া রাহিল।

নফর তখন পাগলের মত নদীতীরে উপস্থিত হইল এবং একটুও শঙ্কা

না করিয়া 'মা, মা' বলিয়া নদীতে ঝাঁপ দিল। তাহার পর সেই উন্মত্ত নদীতরঙ্গের সহিত যুদ্ধ করিতে করিতে সেই অন্ধকারে সঁতার কাটিতে লাগিল।

নফরের মাতা ও ভগিনী বিষম মনে ঘরের দ্বারের সম্মুখে বসিয়া ছিল, এমন সময় কম্পিত-কলেববে প্রান্ত ক্লান্ত নফর প্রাঙ্গণে উপস্থিত হইয়া সমস্ত শক্তি কণ্ঠে কেন্দ্রীভূত করিয়া ডাকিল "মা।"

মাতা এই শব্দ শুনিয়া তাড়াতাড়ি বাহিবে আসিয়া পুলকে জড়াইয়া ধরিলেন;—নফর অতি কাঁতব স্বরে বলিল, "মা, বিজয়ার প্রণাম করতে—" সে আর কথা বলিতে পারিল না, মায়ের কোলে অবসন্ন হইয়া পড়িল।

-----

## উৎসর্গ

মোলবী মহম্মদ ইব্রাহিম সাহেব আমাদের গ্রামের উচ্চ ইংরাজী বিদ্যালয়ের হেড-মাষ্টার। তিনি আজ ২০ বৎসর ধরিয়৷ এই হেড-মাষ্টারী করিতেছেন ; যে কয়দিন শরীরে শক্তি থাকে, কাজ করিবার সামর্থ্য থাকে, এই হেড-মাষ্টারীই করবেন, ইহাই তাঁহার সঙ্কল্প। তিনি যে সময় বি-এ পাশ করিয়াছিলেন, তখন একটু চেষ্টা করলে, দুই চারিখানি সুপারিশ সংগ্রহ করিয়া, অন্নায়াসেই ডিপুটীমিঃ লাভ করতে পারিতেন ; বড় একটা চাকুরী যে পাইতেন, তাহাতে সন্দেহ মাত্র ছিল না। কিন্তু, ভগবান তাঁহাকে সে যতি দেন নাই। আমবা সে কথা তুলিলে তিনি বলিতেন, “আমি গরিবের ছেলে, অনেক কষ্টে সামান্য একটু লেখাপড়া শিখিয়াছি ; এ শিক্ষা যদি নিজের বৈষয়িক উন্নতির জগুই নিযুক্ত করি, তাহা হইলে আর কি হইল। আমি আমার গ্রামের ছেলেদের লেখাপড়া শিখাইবার জগুই জীবনপাত্ত করিব। আমার জীবনের ইহাই উদ্দেশ্য।”

যাঁহার জীবনের ইহাই উদ্দেশ্য, তিনি যে দারিদ্র্যকে বরণ করিয়া লইবেন, তাহাতে আর আশ্চর্য্য কি ! আমি তাঁহার শিক্ষাধীনে থাকিয়াই প্রবেশিকা পরীক্ষার উত্তীর্ণ হইয়াছি ; তাঁহারই আশীর্ব্বাদে আই-এ পাশ করিয়া এখন বি,এ পাড়িতেছি। তাঁহার কাছে হিন্দু মুসলমান ভেদ ছিল না, এখনও নাই ; তিনি পুত্রাধিক মেহে সকল ছাত্রেরই

উন্নতির জন্য চেষ্টা করিতেন। এমন শিক্ষক লাভ করা বিশেষ সৌভাগ্যের কথা।

শিক্ষা-বিভাগের কর্তৃপক্ষগণ অনেকবার তাঁহাকে গবর্ণমেন্ট স্কুলে উচ্চ বেতনে নিযুক্ত করিতে চাহিয়াছিলেন, কিন্তু তিনি গ্রাম ছাড়িয়া, গ্রামের শিক্ষকতা ত্যাগ করিয়া কোথাও যাইতে সন্মত হন নাই। আমাদের স্কুলে যখন তিনি প্রথম কর্ম গ্রহণ করেন, তখন তাঁহার বেতন হইয়াছিল ৬০ টাকা, এখন তিনি ৮০ টাকা পান। ভদ্রলোক ইহাতেই সন্তুষ্ট। কলিকালে এমন নিস্পৃহ মানুষ হিন্দু-মুসলমান কাহাবও মধ্যে দেখিয়াছি বলিয়া মনে পড়ে না। দুই একজন থাকিলেও তাঁহাদের সন্ধান কে বাধে? তাঁহাদের স্বার্থত্যাগের পবিচয় কয়জন জানে?

মৌলবী সাহেবের পরিবারেও বেশী লোক ছিল না, তিনি, তাঁহার সহধর্মিণী, একটা পুত্র ও একটা কন্যা। পুত্র মহম্মদ আলিমদ্দীন আমার সহপাঠী। আমরা এক সঙ্গে ক, খ, পড়িতে আরম্ভ করি, একসঙ্গেই প্রবেশিকা পরীক্ষায় উত্তীর্ণ হই। আমরা দুইজনই প্রথম বিভাগে পাশ হইয়াছিলাম; আমি বৃত্তি পাই নাই, আলি বৃত্তি পাইয়াছিল। এ বৃত্তি মুসলমানদিগের জন্য বিশেষ নহে, প্রতিযোগিতার বৃত্তি।

আমি হিন্দুর ছেলে, আর আলি মুসলমানের ছেলে; কিন্তু আমরা একদিনও এ প্রভেদের কথা ভাবি নাই, মাষ্টার মহাশয় আমাদের দুইজনকে একসূত্রে বাধিয়া দিয়াছিলেন, আমাদের ধর্ম পৃথক ছিল বটে, কিন্তু আমাদের হৃদয় এক ছিল। মাষ্টার মহাশয় বাল্যকাল হইতেই আমাদের শিক্তা দিয়াছিলেন “খোদা ও ঈশ্বরে প্রভেদ নাই। যার যে নামে রুচি, সেই নামে ডাকিলেই তিনি সাড়া দেন।” আমরা

তাঁহার এই উপদেশ গুরুমন্ত্ররূপে গ্রহণ করিয়াছিলাম। তিনি আশ্রম একটা কথা আমাদের হৃদয়ে বদ্ধমূল করিয়া দিয়াছিলেন। তিনি বলিতেন “‘বিশ্বাসে পাইবে বস্তু, তর্কে বহুদূর।’ তোমরা ধর্ম লইয়া তর্ক করিও না। আমি তর্কের বিরোধী। আমি সংস্কারের পক্ষপাতী। তোমাব-আমাব পূজনীয় পিতৃ-পিতামহ যে ধর্ম পালন করিয়া গিয়াছেন, তাহার উপর কিছুতেই আস্থাশূন্য হইও না। হিন্দুর ছেলে হিন্দু-শাস্ত্রের আদেশ পালন করিও। কখনও মনে সংশয় আনিও না। ইহাকে যিনি গোড়ামি বলিতে চান, বলুন, তোমরা তাহাতে কণপাত করিও না। আমি এ কথা খুব মানি—স্বধর্ম নিধনও শ্রেয়ঃ। বাপ পিতামহের ধর্মত্যাগ করিও না—কিছুতেই না।” আমাদের শিক্ষাগুরু এ উপদেশ আমরা—অন্ততঃ আমি ও আলি গ্রহণ করিয়াছিলাম; তাই আমরা দুইজন এখনও ভাই-ভাই আছি।

আমার শিক্ষাগুরু মৌলবী সাহেবের গুণ বর্ণনা করিবার অশক্তি লেখনী ধারণ করি নাই, অশক্তি একটা কথা বলাই আমাব উদ্দেশ্য; কিন্তু সে কথা বলিবার পূর্বে শিক্ষক মহাশয়ের পবিচয় দিবার অশক্তি এই কয়েকটি কথা বলিলাম।

পূর্বেই বলিয়াছি, মৌলবী সাহেবের একটি পুত্র আলিমদ্দিন, আর একটি কন্যা। কন্যাটি আলির কনিষ্ঠা, তাহাব নাম লয়লা, আমরা তাহাকে ‘লিলি বেগম’ বলিয়া ডাকিতাম। আমাদের দেখাদেখি আর সকলে, এমন কি মৌলবী সাহেব পর্য্যন্তও তাহাকে লিলি বলিয়া ডাকিতেন। ‘লিলি বেগম’ আলির পাঁচ বৎসরের ছোট ছিল।

মৌলবী সাহেব ছেলে ও মেয়েকে সমানভাবে দেখিতেন। প্রতিদিন তিনি যেমন ছেলেকে পড়াইতেন, মেয়েকেও তেমনই পাঠ দিতেন।

ছেলে স্কুলের পড়া পড়িত, মেয়েকেও তিনি ঠিক স্কুলের পড়ার মত ইংরাজী, বাঙ্গালা, সংস্কৃত পড়াইতেন। ছেলেকে যেমন উর্দু শিক্ষা দিতেন, মেয়েকেও তেমনই উর্দু শিখাইতেন।

আলি যখন প্রবেশিকা পরীক্ষা দিল, তখন তাহার বয়স ১৭ বৎসর, লয়লা তখন ১২ বৎসরে পড়িয়াছে। কিন্তু এই বার বৎসর বয়সের মেয়ে পিতার শিক্ষাগুণে তখনই প্রবেশিকা পরীক্ষার পাঠ শেষ করিয়া ফেলিয়াছিল। আমরা বেশ বুদ্ধিতে পারিতাম, ইংরাজী ও বাঙ্গালায় সে আমাদের অপেক্ষা অধিক ব্যুৎপত্তি লাভ করিয়াছিল; ইহা ছাড়া উর্দু সে কতটা শিখিয়াছিল, তাহা আমি বলিতে পারিব না; কিন্তু মৌলবী সাহেব বলিতেন যে, লয়লা তাহাদের ধর্মশাস্ত্র বেশ বুদ্ধিতে পারে।

আমরা কলিকাতায় পড়িতে গেলাম; মৌলবী সাহেব তখন একমাত্র কলিকাতার শিক্ষা-বিধানের জন্ত অধিকতর বড় ও চেষ্টা করিতে লাগিলেন। তাহার সহধর্মিণী কিন্তু যখন-তখনই বলিতেন “মেয়েকে যে এত লেখা-পড়া শিখাইতেছ, তাহার পর।”

মৌলবী সাহেব বলিতেন “তাহার পর কি?”

গৃহিণী বলিতেন “এত লেখাপড়া-জানা মেয়ের উপযুক্ত জামাই কোথায় পাইবে?”

মৌলবী সাহেব বলিতেন “সে যা হয় হইবে; তা বলিয়া কি মেয়ের জ্ঞানসঞ্চয়ে বাধা দিতে পারি। খোদার যা মর্জি হয়, তাহাই হইবে। তুমি আমি কি কর্তা!”

মৌলবী সাহেবের সহধর্মিণী এ কথার আর কি উত্তর দিবেন। স্বামীকে তিনি দেবতা বলিয়াই জানিতেন। তিনি যাহা ভাল বিবেচনা করিবেন, তাহা ভালই হইবে। তবুও স্ত্রীলোকের মনবোঝে না, পাড়ার

দশজনেও ঐ কথা বলে ; তাই তিনি স্বামীকে কথাটা শ্রবণ করাইয়া দিতেন ।

লয়লা যখন ১৪ বৎসরে পড়িল, তখন মৌলবী সাহেবের আত্মীয়-স্বজন সকলেই মেয়ের বিবাহ দিবার জন্য তাঁহাকে তাগাদা করিতে লাগিলেন । মৌলবী সাহেবের স্বশুর-মহাশয় তখনও বাঁচিয়া ছিলেন । তিনি এই ব্যাপারে বিশেষ উদ্বোধী হইলেন ; কারণ তিনি তাঁহার জামাতাকে নিতান্ত না-লায়েক, অপদার্থ, বিষয়-বুদ্ধিহীন স্থির করিয়া রাখিয়াছিলেন । যিনি ইচ্ছা করিলে এতদিনে বড় একটা ডিপুটী হাকিম হইতে পারিতেন, একটা খাঁ-বাহাদুর খেতাব পাইতে পারিতেন, বাড়ীতে কোঠা-বালাখানা করিতে পারিতেন, দাস-দাসীতে গৃহ পরিপূর্ণ করিতে পারিতেন, তিনি কি না পাড়াগাঁয়ে ছেলে ঠেকাইয়াই জীবনপাত করিলেন, বাড়ীতে একখানি ইটও বসাইতে পারিলেন না ; নিতান্ত গরিবের মতই রহিলেন ; দশজনে চিনিলও না, মানিলও না । এমন লোক কি পুরুষ বাচ্চা ! স্বশুর জামাইকে মানুষের মধ্যেই গণ্য করিতেন না । তাঁহার নিজের অবস্থাও তেমন ভাল ছিল না ! জামাইয়ের হাতে যে টাকাকড়ি বিশেষ নাই, তাহাও তিনি জানিতেন । আশি টাকা বেতন ; তাহার মধ্যে হইতে ছেলেকে মাসে দশ পনের টাকা পাঠাইতে হয় । আর যাহা থাকে, তাহাতে সংসার-খরচই চলিবে, না মাসে-মাসে কেতাব কেনাই হইবে । মৌলবী সাহেব স্ত্রী বা কস্তায় গায়ে একখানি অলঙ্কারও দেন নাই ; কেহ সে কথা বলিলে তাঁহার পুস্তকরাশি দেখাইয়া বলিতেন—“এদের চাইতে সেরা জহরৎ নবাব সাহেবের তোষাখানাতেও নেই ।”

এ হেন বিষয়-বুদ্ধিহীন, না-লায়েক জামাইয়ের উপর কি আর নির্ভর

করা চলে ? তিনি আলিকে লয়লার বিবাহ সম্বন্ধে পত্র লিখিলেন । ছেলেও বাপেরই মত । আলি আমাদের মেনে আসিয়া সেই পত্র আমাকে দেখাইল এবং তাহার কি উত্তর দিতে হইবে, আমাকে জিজ্ঞাসা করিল । আমি বলিলাম “তুমি কি বল ?”

সে বলিল “আমি বলি, এ সম্বন্ধে বাবা যাহা করিবেন, তাহাই হইবে । তবে এক কথা এই যে, কোন মুর্খের হাতে লয়লাকে দেওয়া হইবে না ।”

আমি বলিলাম “সেই ভাল কথা ; তাহাই লিখিয়া দেও ।”

আলি আমার পরামর্শ-মত তাহাই লিখিল ; অধিকন্তু, এ কথাও লিখিল যে, আর মাসখানেক পরেই তাহার পরীক্ষা শেষ হইয়া যাইবে. সে মুখেই অবসর পাইবে ; সেই সময় সেও ভাল বর অনুসন্ধানের সহায়তা করিতে পারিবে , ইতিমধ্যে তাঁহারাও যেন নিশ্চেষ্ট না থাকেন । আলি তাহার পিতাকেও এই মর্মে পৃথক পত্র লিখিল ।

মৌলবী সাহেবের স্বপ্ন-মহাশয় ও অন্যান্য আত্মীয়বর্গ ভাল ছেলের সন্ধানের ক্রটি করিলেন না ; কিন্তু তাঁহারা যে সকল ছেলেকে ভাল বলিয়া উপস্থিত করিলেন, তাহার একটীও মৌলবী সাহেবের পছন্দ হইল না । একজন আত্মীয় একটি ছেলের সম্বন্ধ লইয়া আসিলেন ; তিনি মৌলবী সাহেবকে বলিলেন “এমন ছেলে জামাইরূপে পাওয়া পরম সৌভাগ্যের কথা । ছেলেটি ইংরাজী জানে, উর্দু জানে, বাপের বেশ বিষয়-আশয় আছে ; চা'লচলনও ভাল ; বেশ বনিয়াদি স্বর । তারা কি সাদি দিতে চায় ? আমি অনেক বলিয়া-কহিয়া তাহাদের সম্মত করিয়াছি । তা' যাই বল ইব্রাহিম তাই, তুমি লেখাপড়াই শিখিয়াছ, কিন্তু কাজে ত কিছু করিলে না ; তোমার অবস্থাও ভাল নয় । বড়-



ঘরাণা ছেলে তোমার মেয়েকে সাদি করিবে কেন ? লেখাপড়ার কথা বলছ ; তা মেয়েদের 'লেখাপড়ার দরকার কি ? জেনানার মধ্যে লেখাপড়া শিখেও যা, না শিখেও তাই । কি বল ?”

মৌলবী সাহেব বলিলেন “ছেলেটা কতদূর পড়াশুনা করেছিল ?”

আত্মীয় বলিলেন “সে ঢাকা মাদ্রাসার ফোর্ধ কেলশ পর্য্যন্ত পড়েছিল । তার পর তার বাবা বললেন, ‘ঐ যথেষ্ট, আর পড়িয়া কাজ নাই । যা বিষয় আশয় আছে, তাই দেখে শুনে চলতে পারলে আমীরের মত দিন গুজরাণ হবে ।’ তাই ছেলেটি পড়াশুনা ছেড়ে দিয়েছে । এখন বাড়ীতেই থাকে, কাজকর্ম দেখে-শোনে । শোন ইব্রাহিম তাই, ছেলেটা খুব চৌকশ ; আদব-কায়দা খুব দোরস্ত । দেখলে আমীর-ওমরাহের ঘরের ছেলে ব’লেই মনে হবে । ছেলের বাপও গাঁয়ের পঞ্চায়েত । দারোগা বাবু না কি বলেছেন, অল্পদিনের মধ্যেই তাঁকে অনাহারী মেজেষ্টর করে দেবেন । এমন সম্বন্ধ ছেড়া না, ইব্রাহিম তাই !”

মৌলবী সাহেব বলিলেন “বিষয়-আশয় সম্বন্ধে বিশেষ জান্বার তেমন দরকার নেই ; তবুও জিজ্ঞাসা করি তাদের আয় কত ?”

আত্মীয় বলিলেন “আয় যেমন করে হোক সালিরানা নিট আট নর শত টাকা । তাতেই বেশ চ’লে যায় ।”

মৌলবী সাহেব বলিলেন “বছরে আটনর শত টাকা আয়, তাইতে তারা আমিরী করে ; কৈ, আমি ত ঐ আয়ে কিছুই করতে পারিনে । ধার-কর্জ আছে কি ?”

আত্মীয় বলিলেন “আরে, আজকালকার দিনে কোন্ বড় মানুষের ধার-কর্জ নেই । আদব-কায়দা রক্ষা করতে গেলে, চা’ল ঠিক

স্বাধীনতায় গেল, অনেক মিঞাকেই ধার-কর্জ করতে হয়। বিশেষ ছেলে লেখাপড়া শিখেছে, তারপর একটু সাহেবী কায়দা আছে; ইয়ার-দোস্ত আছে, খরচপত্র একটু বেশী হয়ই ত।”

মোলবী সাহেব বলিলেন “আচ্ছা, দেখি বিবেচনা করে।”

আমি বলিলেন “অমন ছেলে কি বসে থাকে; কত বড় বড় ব্যয়সা থেকে কথাবার্তা আসছে। তুমি আর সময় নষ্ট কোরো না, এইটেই ঠিক করে কেল।”

মোলবী সাহেব বলিলেন “আর কয়দিন পরেই আলি বাড়ী আসছে। সে এলেই সব ঠিক করা যাবে।”

কয়েকদিন পরে আমি ও আলি আই এ পরীক্ষা দিয়া বাড়ী আসলাম। যে দিন বাড়ীতে পৌঁছলাম, সেই দিনই অপরাহ্নকালে মোলবী সাহেবের বাড়ী গেলাম।

কুশল জিজ্ঞাসাদির পর আমি বললাম “লয়লার বিবাহের কিছু ঠিক করতে পারলেন কি?”

মোলবী সাহেব বিষমুখে বলিলেন “কিছুই ত ঠিক করতে পারি নাই; পাঁচ-ছয়টা ছেলের সন্ধান পাওয়া গিয়াছে; কিন্তু কোনটাই পছন্দ হচ্ছে না।”

আমি বললাম “আমি একটা ছেলের সন্ধান দিতে পারি। সে এবার বি-এ পরীক্ষা দেবে। ছেলে খুব ভাল, পশ হবেই। আলির সঙ্গেও তার জানাশুনা আছে। রামচন্দ্রপুরের আজিম খন্দকারের ছেলে। আমি একদিন তার কাছে কথাটা তুলেছিলাম; লয়লার লেখাপড়া ও গুণের কথা শুনে সে স্বীকার করেছে। কিন্তু, তার বাপের অমতে ত সে বিবাহ করতে পারবে না।”

মোলবী সাহেব বলিলেন “যে ছেলে পিতার অমতে বিবাহ করতে প্রস্তুত হয়, সে ছেলের সঙ্গে আমি মেয়ের বিবাহ কিছুতেই দেব না সতীশ !”

আমি বলিলাম “তা হলে রামচন্দ্রপুরে লোক পাঠালে হয় না ?”

মোলবী সাহেব বলিলেন “আমাকে যদি যেতে বল, আমি রাজী আছি ।”

আমি বলিলাম “আগেই আপনার গিয়ে কাজ নেই ; তারা যদি বিবাহ না দিতে চায়, তা হলে আপনার মনে কষ্টও হবে, অপমানও বোধ হবে ।”

মোলবী সাহেব হাসিয়া বলিলেন “সতীশ, মান-অপমান নিজের কাছে । লোকের কথায় কি কারও মান যায় । তা বেশ, আমি না হয় নাই গেলাম, আলিকেই পাঠিয়ে দেব ! কিন্তু আমার মনে হয়, আর দিন-দশেক পরে গেলেই ভাল হয় ; সে সময় ছেলেটাও পরীক্ষা দিয়া বাড়ী আসিবে । ছেলের পিতা যদি ছেলের মতের অপেক্ষা করেন, তা হ’লে এখন গিয়ে ত বিশেষ কাজ হবে না ।”

তাহাই স্থির হইল । কিন্তু এ কয়দিনও আলি চুপ করিয়া বসিয়া থাকিল না ; যেখান-যেখান হইতে সম্বন্ধ আসিয়াছিল, তাহার দুই তিনটা দেখিয়া আসিল, কোনটাই তাহার পছন্দ হয় না, তাহার পিতার কথা ত দূরে থাকুক । তাহাদের এই প্রকার বাছ-বিচার দেখিয়া আত্মীয়-স্বজনেরা মহা বিরক্ত হইয়া পাড়লেন ; মোলবী সাহেব নীরবে তাহাদের বাক্যবাণ সহ করিতে লাগিলেন ।

বিশেষ আশা করিয়াই আলি রামচন্দ্রপুরে গিয়াছিল । লক্ষ্মীপুর হইতে রামচন্দ্রপুর অনেক পথ, প্রায় সাত ক্রোশ । এই সাত ক্রোশ পথ

অতিক্রম করিয়া একদিন অপরাহ্নকালে আলি রামচন্দ্রপুরে আজিম খন্দকারের গৃহে উপস্থিত হইল। খন্দকারের পুত্র তাহাকে পরম সমাদরে অভ্যর্থনা করিল; খন্দকার সাহেবও আলির পরিচয় পাইয়া এবং তাহার পড়াশুনার কথা শুনিয়া তাহাকে যথেষ্ট আদর করিলেন।

সন্ধ্যার পর আলি খন্দকার-সাহেবের নিকট বিবাহের প্রস্তাব করিল। খন্দকার সাহেব মেয়ে সম্বন্ধে সমস্ত কথা শুনিয়া অতি গভীর-ভাবে বলিলেন “দেখ বাবা, তোমার ভগিনীর কথা যাহা বলিলে, তাহাতে তাহাকে আমার পুত্রবধু করিতে পারিলে আমি খুবই সৌভাগ্য বোধ করিতাম। আমি মেয়েদের লেখাপড়া শিক্ষার পক্ষপাতী। আমি তেমন লেখাপড়া না জানিলেও বিদ্যার কদর বুঝি। কিন্তু বাবা, কথাটা কি জ্ঞান? আমার অবস্থা তেমন ভাল নয়; পোষ্য অনেকগুলি। তারপর এ অঞ্চলে একটু মান-সম্মতও আছে। এ সব রক্ষা করিতে গেলে আজকালকার দিনে একটু সহায় দরকার। ছেলেটি খোদার মেহের-বাণীতে এবার পরীক্ষায় পাশ হবে ব’লে খুব আশা করছি। বি-এ পাশ হ’লেই তাকে একটা ডিপুটীগিরিতে বাহাল করবার আমার ইচ্ছা। তুমি ত জ্ঞান, মুরব্বীর জোর না থাকলে, জবর সুপারিশ না থাকলে ডিপুটীগিরি হয় না। তুমি মনে কিছু কোরো না, তোমার বাবার সুপারিশে কি আমার ছেলের ডিপুটীগিরি হবে? আমি খোলাখুলিই বলি, আমি ছেলের বিবাহ, একটা ডিপুটী কি-সদর আলা কি মুনসেফ, নিতান্ত পক্ষে কোন জজ আদালতের বড় উকিলের মেয়ের সঙ্গে দেব। ভবিষ্যৎ ত ভাবতে হবে।”

আলি এ কথার কি উত্তর দিবে। সে মস্তক নত করিয়া কথাগুলি শুনিল। একবার তাহার মনে হইল, খন্দকার সাহেবকে বলে,

“সাহেব, আমার পিতার কথা একবারও ভাবিলেন না ! তিনি কি ইচ্ছা করিলে ডেপুটী কি-মুনসেফ হইতে পারিতেন না ? কিন্তু তাহা তিনি হন নাই । তিনি সাধারণ মানুষের মত নহেন । দেশের ছেলে-দের জ্ঞানে ধর্মো বিভূষিত করিবার জন্ত এমন মহান্ স্বার্থত্যাগের কি কোন মাহাত্ম্যই নাই ? শুধু ধন-জন, শুধু পদ-প্রসার ! আমার পিতার মত দেব-হৃদয় কার আছে ?” কিন্তু যুবক আলি এই বৃদ্ধ বন্দকার সাহেবের সম্মুখে এ সব কথা বলিতে পারিল না ; তাহার পিতার নিকটে এমন শিক্ষা সে পায় নাই ; সে গুরুজনের সম্মান করিতে জানে ।

তাহাকে নীরব দেখিয়া বন্দকার সাহেব বলিলেন “বাবা, মনে কিছু কোরো না । আমার যা অভিপ্রায়, তা তোমাকে স্পষ্ট করিয়া বলিয়ায় । তোমার পিতার প্রতি আমি অশ্রদ্ধা প্রকাশ করিতেছি না ; কিন্তু আমি আমার সম্মানগণের ভবিষ্যৎ উন্নতির জন্ত খোদাতালার কাছে দায়া । তোমার ভগিনীর ভাল সম্বন্ধই হইবে, খোদার কাছে এই প্রার্থনা করি ।”

আলি আর কি করিবে ; সে-রাত্রি সেখানেই থাকিয়া পরদিন এই সুদাঘ পথ হাঁটিয়া বাড়ী চলিয়া আসিল । পথে আসিতে-আসিতে কেবলই তাহার মনে হইতে লাগিল, হায় আঞ্জা, আমার পিতাকে কেহ চিনিল না ! এ ছনিয়ায় কি প্রকৃত সদ্গুণের আদর হইবে না । আমার সন্দগুণ-সম্পন্ন ভগিনীর কদর কি কেহই বুঝিবে না ।

বাড়াতে আসিয়া আলি সমস্ত কথা তাহার পিতাকে বলিল ; আমিও তখন সেখানে উপস্থিত ছিলাম । মৌলবী সাহেব আলির বিবাদমাথা কথা শুনিয়া ও তাহার মালন মুখ দেখিয়া ক্রণকালের জন্ত যেন কাতর হইয়া পড়িলেন । তাহার পরই তাহার মোহ কাটিয়া গেল । তাহার

মুখে তখন যে দিব্য জ্যোতিঃ দেখিয়াছিলাম, তাঁহার মুখ হইতে তখন যে দেববাণী নির্গত হইয়াছিল, তেমন জ্যোতিঃ কখনও দেখি নাই, তেমন কথা মানুষের মুখে কখনও শুনি নাই,—এ জীবনে শুনিব কি না বলিতে পারি না। তিনি অতি ধীর গভীর স্বরে বলিলেন “আলি, আমার কথা শোন। তুমি লেখা-পড়া শিখিয়াছে। আল্লার কাছে কায়মনোবাক্যে প্রার্থনা করি, তোমার শিক্ষা সম্পূর্ণ হউক। কিন্তু আজ খোদাতালার নাম স্মরণ করিয়া, হজরতকে সম্মুখে উপস্থিত জানিয়া, আমার কাছে প্রতিজ্ঞা কর, এ জীবনে কখনও পরের দাসত্ব করিবেন না; মুসলমান বালক-বালিকার শিক্ষা-বিধানের জন্ত জীবন উৎসর্গ করিবে। দারিদ্র্যকে ভয় করিও না। যে খোদাতালা তোমাকে পয়সা করিয়াছেন, তিনি দয়াময়; তিনি তোমার দিনান্তে শাকারের ব্যবস্থা করিবেন। এই শাকারে সন্তুষ্ট থাকিয়া তুমি আমার স্বজাতীয় মুসলমান বালক-বালিকাগণকে জ্ঞান-ধর্ম্মে বিভূষিত করিবার জন্ত জীবনপাত করিও। আর এক কথা। এ কথা কোন পিতা কোন সন্তানকে বলিতে পারেন না। আমি কিন্তু বলিতেছি আলি, তুমি জীবনে বিবাহ করিও না; চিরকুমার থাকিয়া এই শিক্ষাবিধানব্রত উদ্‌যাপন করিও। ছনিয়ার যিনি মালিক, সকল সংকল্পের যিনি সহায়, তাঁহারই দোয়া প্রার্থনা করিও। মানুষের অনুগ্রহ চাহিও না। তোমার পিতার এই আদেশ প্রতিপালন করিয়া আমার জীবনব্যাপী সাধনার পুরস্কার দিতে কি তুমি, আলি, পরাভুত হইবে?”

আলিমদ্দীন উপযুক্ত পিতার উপযুক্ত পুত্র; সে তখনই পিতার সম্মুখে নতজানু হইয়া বলিল “আপনার আজ্ঞা শিরোধার্য্য!” সে আর কথা বলিতে পারিল না।

তখন মৌলবী সাহেব বলিলেন “বল আলি! লা ইলাহা ইল্লাহা, মহম্মদর্ রসুলুল্লা !”

পিতা-পুত্রে তখন তারস্বরে ভক্তিগদগদ-কণ্ঠে হিন্দু মুসলমানের যিনি দেবতা, তাঁহার পবিত্র নাম উচ্চারণ করিলেন। আমি এ দৃশ্য দেখিয়া মুগ্ধ হইয়া গেলাম। আমি তখন ভুলিয়া গেলাম, আমি হিন্দু আর ইঁহারা মুসলমান; আমি মৌলবী সাহেবের পদধূলি গ্রহণ করিতে গেলাম। তিনি আমাকে আলিঙ্গন-বন্ধ করিয়া বলিলেন, “সতীশ, তুমিও আমার ছেলের মত। জীবনের কর্তব্য স্থির করিয়া লইও বাবা! তোমাকে আশীর্বাদ করিতেছি; তোমার আদর্শ-জীবন হইবে।” আমি নত মস্তকে তাঁহার এই আশীর্বাদ গ্রহণ করিলাম।

তাহার পর তিনি বলিলেন “দেখ আলি, আমার আর একটা কথা আছে। লয়লার বিবাহ। আমার মনের কথা শোন; আমি কেমন জামাই চাই, শোন। আমি ধনদৌলত চাই না; আমার মেয়েকে আমি যে ভাবে শিক্ষা দিয়াছি, তাহাতে সে দরিদ্রের কুটীরে শাক-অন্ন খাইয়া, কোন রকমে লজ্জা নিবারণ করিতে সক্ষম হইবে না। আমি বি এ, এম-এ পাশ করা জামাই চাই না। যে ছেলে প্রকৃত জ্ঞান লাভ করে নাই, তাহাকে আমি জামাই করিব না; যে ছেলে বিলাস-ব্যসনকে দূরে পরিহাব করে নাই, তাহাকে আমি জামাই করিব না; যে মুসলমানের সন্তান হইয়া আমাদের ধর্ম্মানুমোদিত আচার-অর্চন করে না, পাঁচ-ওয়াক্ত নামাজ করে না, খোদাতালার উপর বিশ্বাসবান্ নহে, তাহাকে আমার জামাই করিব না; যে মুসলমানের সন্তান হইয়া আমাদের ধর্ম্মশাস্ত্র অধ্যয়ন করে নাই, তাহাকে আমি জামাই করিব না; যে বাঙ্গালী মুসলমান হইয়া বাঙ্গালা ভাষাকে তাহার মাতৃভাষা

বালিয়া গ্রহণ করে নাই, তাহাকে আমি জামাই করিব না ; যে দেশ-বিদেশের জ্ঞান-ভাণ্ডার হইতে অমূল্যরত্ন সংগ্রহ করে নাই, তাহাকে আমি জামাই করিব না ; সর্বশেষ কথা, যে মুসলমানের সম্মান হইয়া মুসলমানের সম্মানরক্ষায় পরাজুখ, তাহাকে আমি জামাই করিব না । এমন ছেলে যদি না পাওয়া যায়, আমার কন্যা চিরকুমারী থাকিবে ; তোমার পবিত্র ব্রতের সহকারিণী হইবে । তাহা যদি সে না পারে, তাকে বলিও, সে আমার কন্যা নহে ; বৃথা এতকাল তাহার শিক্ষা-বিধান করিয়াছি । বৃথা তাহার মাতা তাহাকে——”

তাঁহার কথা অসমাপ্ত রহিয়া গেল । লয়লা ও তাহার মাতা আসিয়া মৌলবী সাহেবের পদযুগল ধারণ করিলেন । লয়লার মাতা বলিলেন “প্রভু, আমার পুত্র-কন্যাকে তোমার চরণে উৎসর্গ করিলাম ।”

আমি দেখিলাম, পৃথিবীতে স্বর্গ নামিয়া আসিল ।





## শ্রায়বায়ীশের মন্ত্রদান

বাসুদেবপুরের রামতনু শ্রায়বায়ীশের নাম এক সময়ে বাঙ্গালা দেশের পণ্ডিত-সমাজের সকলেই জানিতেন । তিনি শ্রায়শাস্ত্রে মহাপণ্ডিত ছিলেন ; কত দূরদেশ হইতে কত ছাত্র তাঁহার চতুর্পাশীতে শ্রায়শাস্ত্র অধ্যয়ন করিতে আসিত ; তিনিও অকাতরে ছাত্রগণকে অন্তদান করিতেন এবং শ্রায় শাস্ত্রে পণ্ডিত করিয়া দিতেন ।

বাড়ীতে তাঁহার ব্রাহ্মণী বাসিত আর কেহই ছিল না । ব্রাহ্মণ-কন্যা একাকিনী সমস্ত গৃহকাৰ্য্য করিতেন এবং অন্তপূৰ্ণার মত প্রতিদিন অনেকগুলি ছাত্রের দুই বেলা অন্ত-পানের ব্যবস্থা করিতেন । বাহিরে শ্রায়বায়ীশ মহাশয় যেমন মহাদেবের শ্রায় ছিলেন, বাড়ীর প্রান্তরে তেমনই তাঁহার গৃহিণী জগদ্ধাত্রীর মত বিরাজ করিতেন ।

শ্রায়বায়ীশ মহাশয়ের বিষয়-আশয় ছিল না বলিলেই হয়, সামান্য দশ বার বিষা ব্রহ্মোত্তর মাত্র তাঁহার সম্বল ছিল ; কিন্তু দেশের সম্পন্ন ব্যক্তিগণ তাঁহার চতুর্পাশীর সমস্ত ব্যয় চালাইতেন ; কেহ মাসে যত চাউল লাগে, তাহার তার লইয়াছিলেন ; কেহ বা দৈনিক বাজার-খব-চের ব্যয় নির্বাহ করিয়া দিতেন । শ্রায়বায়ীশ মহাশয় এ সকল ক্ষুদ্র বিষয়ের চিন্তা মোটেই মনে স্থান দিতেন না ;--গৃহস্থালী আছে, আর গৃহিণী আছে ; তিনি ছাত্রদিগকে লইয়া শাস্ত্রালোচনাতেই সময় অতি-বাহিত করিতেন ।

সংসারের কোন অভাবের কথাই তাঁহার মনে উঠিত না, সুধু মধ্যে

মধ্যে একটি অতৃপ্ত বাসনা তাঁহাকে পীড়া দিত। তিনি যখন ভাবিতেন যে, তাঁহার সহিত স্বর্গীয় রামলোচন ভট্টাচার্য্যের নাম লোপ হইবে, তখন তিনি বড়ই বিমর্ষ হইতেন। গৃহিণীর বয়স ৪০ পার হইয়া গেল, তিনিও বৃদ্ধ হইলেন—আর তাঁহাদের সন্তান হইবার সম্ভাবনা নাই। প্রতিবেশী অনেকে নানাপ্রকার শাস্তি-স্বস্ত্যয়নের কথা বলিতেন, কিন্তু শ্রায়বাগীশ মহাশয় সে সকল কথায় কর্ণপাত করিতেন না; তিনি বলিতেন, ও সবে কিছু হয় না।

শ্রায়বাগীশ মহাশয়ের ব্রাহ্মণীকে কিন্তু কেহ কখন এজ্ঞা দুঃখ-প্রকাশ করিতে শোনে নাই। কেহ তাঁহার বক্ষ্যাভের কথা বলিলে, তিনি বলিতেন “তোমরা বল কি? আমার কত ছেলে আছে। এক সঙ্গে ২৫।৩০টা ছেলে যে আমাকে মা বলে ডাকে, আমি বুঝি বক্ষ্যা! নয় বছর বয়সে এই বাড়ীতে এসেই আমি মা হয়ে বসেছি। আমার মত ভাগ্যবতী কে? না, না, আমার আর ছেলেতে কাজ নেই; যারা আছে, তারাই বেঁচে থাক, আমায় মা বলবার লোকের অভাব কি।”

কথাটা বড়ই ঠিক। এই যে ছাত্রের দল—ইহারা শ্রায়বাগীশের গৃহে পুত্র-স্নেহেই প্রতিপালিত হইত;—এই দূরদেশে আসিয়াও কেহ কোনদিন জননীর অভাব অনুভব করে নাই। এতগুলি সুসন্তানের ভঞ্জির অর্ঘ্যে তাঁহার মাতৃহৃদয় তৃপ্ত হইয়া বাইত।

বিধির বিধান কে খণ্ডন করিতে পারে? এই বৃদ্ধ বয়সে শ্রায়বাগীশ মহাশয়ের ভাগ্য প্রসন্ন হইল, একটি সুকুমার শিশু শ্রায়বাগীশের গৃহিণীর কোল জুড়িয়া বসিল। সকলেই ইহাতে আনন্দিত হইলেন;—ভট্টাচার্য্য-বাড়ীর বংশ-লোপ হইবার যে আশঙ্কা ছিল, তাহা দূর হইল।

বৃদ্ধ বয়সের সন্তান;—শ্রায়বাগীশ মহাশয় এই সন্তানের মায়ায় বদ্ধ

হইয়া পড়িলেন। তাঁহার শাস্ত্রালোচনার আগ্রহ ক্রমে কমিতে লাগিল ; পূর্বে যে প্রকার উৎসাহ ও একাগ্রতার সহিত ছাত্রগণকে পাঠ দিতেন, গভীর তত্ত্বের আলোচনা করিতেন, তাহা ক্রমে কমিয়া যাইতে লাগিল। এখন টোলগৃহে তিনি ছেলেকে কোলে লইয়া উপবিষ্ট হইতেন ; ছেলে হয় ত শ্রীযুক্তদর্শন পুঁথির পাতার উপর কোমল পদদ্বয় স্থাপন করিত, কখন বা ছাত্রদিগের পাঠের নানা বিষয় জন্মাইত ; শ্রীযুক্তবাগীশ সহাস্ত বদনে বালকের খেলা দেখিতেন। রামপ্রসাদের সামান্য একটু অসুস্থ হইবার যো ছিল না ; রামপ্রসাদ একটু কাঁদিলেই শ্রীযুক্তবাগীশ ব্যস্ত হইয়া বাডীর মধ্যে ধাবিত হইতেন এবং ছেলের কান্না নিবারণের জন্য নানা উপায় অবলম্বন করিতেন।

এত আদরে যাহা হইয়া থাকে, তাহাই হইল। রামপ্রসাদ যখন দশম বর্ষে পদার্পণ করিল, তখনও তাহার লেখাপড়া মোটেই অগ্রসর হইল না। সেই যে যথারীতি বিদ্যারম্ভ হইয়াছিল, সেই পর্য্যন্তই। পণ্ডিত-গৃহিনী মধো মধো স্বামীকে এ কথা বলিতেন ; ছেলে যে তাঁহার আদরে নষ্ট হইয়া যাইতেছে, এ কথাও তিনি স্বামীকে জানাইতেন ; কিন্তু শ্রীযুক্তবাগীশ এ সকল কথায় মোটেই কাণ দিতেন না ; বলিতেন “আহা ছেলেমানুষ, একটু আবদার করবে না ! আর দেখ গিন্নী, ঐ যে চাকলা দেখ্চ, ওটা তেজীমান পুরুষের পূর্বাভাস। রামপ্রসাদ কালে যে খুব তেজস্বী হবে, এ তারই লক্ষণ। এর জন্য তুমি ব্যস্ত হোয়ো না। আমি ওর কোষ্ঠী গণনা করে দেখেছি, ও কালে একটা মানুষের মত মানুষ হবে। জ্যোতিষশাস্ত্র কখন মিথ্যা বলে না। পড়াশুনার কথা বল্ছ—তার জন্য ভেব না। হোক না বয়স দশ বৎসর। কার ঔরসে ওর জন্ম, সেটা প্রণিধান কর্ছ না গিন্নী। আর সকল ছাত্র দশবৎসরে

যা শিখতে পারবে না, আমার রামপ্রসাদ ছ-মাসে—বুকেছ গিন্নি, এই ছটা মাসে তা শিখে নেবে। সেই জন্তই ত আমি ওকে পড়ার জন্ত তাড়না করি না। তুমি দেখে নিও, তোমার এ ছেলে কি হয়?”

গৃহিণী শ্রায়বাগীশ মহাশয়ের বাক্য বেদবাক্য বলিয়াই বিশ্বাস করিতেন স্মৃতরাং তিনি নীরব হইতেন ; কিন্তু মধ্যে-মধ্যে রামপ্রসাদের ছটামি, তার কাণ্ডকারখানা দেখিয়া, তার অবাধাতায় বিরক্ত হইয়া তিনি বেদবাক্যের উপরও সন্দেহ করিতে লাগিলেন।

রামপ্রসাদের বয়স যখন সতর বৎসর হইল, তখন শ্রায়বাগীশ মহাশয় বুঝিতে পারিলেন যে. ছেলেকে এতদিন আদর দিয়া তাহার মস্তক চর্কণ করিয়াছেন ; এত বড় ধীমান পণ্ডিতের পুত্র কি না এই এত বয়সেও কিছুতেই মুকুবোধের সঙ্কর গণ্ডী অতিক্রম করিতে পারিল না ; এদিকে কিন্তু অজ্ঞান বিদ্যায় সে গ্রামের অতি বড় বয়াটে ছেলেকেও অতিক্রম করিয়া গিয়াছে। ষণ্ডামি গুণ্ডামিতে রামপ্রসাদ অদ্বিতীয় ; তামাকের শ্রেণী হইতে প্রোমোসন পাইয়া এখন সে গঞ্জিকার ক্লাশে প্রবিষ্ট হইয়াছে, এ সংবাদও শ্রায়বাগীশ মহাশয়ের কর্ণে পৌছিল ! কিন্তু কি মায়াতেই তাঁহাকে অভিভূত করিয়া ফেলিয়াছিল যে, এত দেখিয়া, এত শুনিয়াও তিনি রামপ্রসাদকে শাসন করিবার জন্ত অগ্রসর হইতে পারিলেন না।

রামপ্রসাদের মাতা পুত্রের গুণের কথা শুনিয়া মধ্যে মধ্যে তাহাকে তিরস্কার করেন ; কিন্তু শ্রায়বাগীশ মহাশয় সে কথা শুনিয়া দুঃখিত হন। এখন তাঁহার সুর নামিয়া গিয়াছে ; তিনি গৃহিণীকে বলেন “শোন গিন্নী, যার অদৃষ্টে যা আছে, তা কেউ ধঙাতে পারে না,—স্বয়ং বিধাতারও সে ক্ষমতা নেই। দুঃখ কোরে কিছু লাভ নেই, উপদেশেও কিছু হয় না। ওর অদৃষ্টে যদি ভাল কিছু লেখা থাকে, তা হলে দেখতে পাবে গিন্নি,

তোমার ঐ ছেলেই দিগ্বিজয়ী হবে। আমার ত মনে হয়, ওর স্বভাব এমন থাকবে না। জ্যোতিষ শাস্ত্র কি মিথ্যা হ'তে পারে। আর গণনায় কিছু ভুল হয় নি গিনি, কিছু ভুল হয় নি। এখন যাই হোক, পরে আমার রামপ্রসাদ মানুষের মত মানুষ হবে। তবে যা ছুঃখ এই যে, আমরা আর তখন বেঁচে থাকব না।”

শ্রায়বাগীশ-গৃহিণী বিষণ্ণবদনে বলিতেন “তোমার কথা যে মিথ্যা হবে না, এ বিশ্বাস ত এতদিন করে এসেছি। কিন্তু তুমি আমার অপরাধ নিও না, এখন সময়-সময় মনে হয়, তুমি হয় ত গণনায় ভুল করেছ; নইলে তোমার ছেলে এক এমন হতে পারে।”

শ্রায়বাগীশ বলিলেন “না গিনি, রামতনু শ্রায়বাগীশ এত কালের মধ্যে কোন দিন ভুল করে নাই। তুমি দেখে নিও, আমার কথা ঠিক হবে। তুমি রামপ্রসাদকে তাড়না কারো না। জান ত প্রাপ্তেতু ষোড়শে বর্ষে পুত্রং মিত্রবদাচবেৎ।”

গৃহিণী বলিলেন “তা দেখ, একটা কাজ কর। যে রকম দেখছি, তাতে ওর যে আর বেশী বিদ্যা হবে, তা মনে হয় না। তুমি ওকে ধরে-বেধে এই দশকর্মটা শিখিয়ে দেও, আর ঘব-কয়েক যজমান করে দেও, তা হলেই ওর একটা পণ হবে। নইলে ছুদিন পরে ও কি ক'রে থাকবে। ঐটে কর, আর ওর একটা বিয়ে দিবে দাপ্ত।”

শ্রায়বাগীশ বলিলেন, “গিনি, ও-ছইয়ের একটাও আমার দ্বারা হবে না। স্বর্গীয় রামলোচন ভট্টাচার্য্যের পৌত্র, আমার পুত্র যে যজনকার্য্য করবে, তার ব্যবস্থা আমি করতে পারব না। আর, বিবাহের কথা যা বলছ, তাতেও আমি সন্মত নই। পুত্র উপার্জনক্রম হয়ে নিজের কর্তব্য বুঝে বিবাহ করবে, এই আমার মত, এই আমার উপদেশ। আমি

ইহার অন্তর্গত করিতে পারিব না। এ অনুরোধ তুমি আমাকে কোরো না। ওর অদৃষ্টে বিবাহ থাকে, হবে। আর যদি যজনকার্য্য করে পিতৃপুরুষের নাম ডুবাতে চায়, ডুবাবে, আমি তার সহায়তা করিতে পারিব না—সে কিছুতেই হবে না।”

এই কথোপকথনের দুইমাস পরে একাদশ শ্রায়বাগীশ মহাশয় জ্বর পড়িলেন। দুই দিন লজ্জন দিলেন; জ্বর ছাড়িল না। তৃতীয়দিন কবিরাজ ডাকা হইল,—ডাক্তারী ঔষধ ত তিনি সেবন করিবেন না। কবিরাজ মহাশয় রোগীর নাড়া পবাঙ্কা করিয়া এবং নানা প্রশ্ন করিয়া অনেক চিন্তার পর দুইটি ঔষধ বাহির করিলেন।

শ্রায়বাগীশ মহাশয় একটু হাস্য করিয়া বলিলেন “রাধাবল্লভ বাড়ি ছুটি কেন নষ্ট করবে? গৃহিণী তোমাকে ডাকতে পাঠিয়েছিলেন, আমি জানলে নিষেধ করতাম। আমার পক্ষে এখন নারায়ণের নামই একমাত্র ঔষধ।”

রাধাবল্লভ কবিরাজ বলিলেন, “খুড়ো ঠাকুর, আপনি বলছেন কি? এ অতি সামান্য জ্বর, নাড়ীর অবস্থাও খারাপ নয়। আপনি অমন নিরাশ হচ্ছেন কেন?”

শ্রায়বাগীশ উচ্চ হাস্য করিয়া বলিলেন “নিরাশ কি রাধাবল্লভ! আমি ত যাবার জন্য প্রস্তুত হয়েছি। তুমি নাড়ীতে কিছু পাচ্ছ না, কিন্তু আমি বুঝতে পারছি, আজ দিবা দ্বিতীয় প্রহর অন্তে আমার দেহান্ত হইবে। তুমি ঔষধপত্রের আয়োজন না করে সকলকে সংবাদ দাও। খাওয়ার সময় একবার সকলের মুখ দেখে যাই;—কি মায়ার বন্ধন রাধাবল্লভ!”

তাহার পর পুত্র রামপ্রসাদের দিকে একবার সতৃষ্ণনয়নে চাহিলেন;

কিন্তু তাহাকে কিছু না বলিয়া গৃহিণীকে উদ্দেশ্য করিয়া বলিলেন “গিন্নি, তোমার কোন সাধই পূর্ণ হোলো না ব’লে দুঃখিত হয়ো না। ব্রহ্মবাক্য অগ্রথা হয় না—জ্যোতিষ কখন মিথ্যা বলে না,—আমার গণনা ভুল হয় নাই গিন্নি! তোমায় ত কতবার বলেছি, রামপ্রসাদ মাহুৰ হবে—মাহুৰের মত মাহুৰ হবে, তবে আমি তা দেখে যেতে পারব না। আমি যে ঘোর মায়াজালে বদ্ধ হয়ে পড়েছিলাম গিন্নি। তাই তোমার মনে এতদিন কষ্ট দিবেছি। আমি যে বহুপূর্বেই কার্য স্তম্পন্ন করতে পারতাম; কিন্তু তোমার দিকে চাহিয়াই গিন্নি, আমি আজ পাঁচ বৎসর কিছুই করি নাই। তাই রামপ্রসাদের ব্যবহাবে তুমি এত কাতর হয়ে পড়েছ। আজ আমার যাবাব দিন;—আর ত বিলম্ব করলে চলবে না।” বাধাবল্লভের দিকে চাহিয়া বলিলেন “রাধাবল্লভ, আজ অষ্টমী তিথিটা কতক্ষণ আছে, পাঁজিখানা দেখ ত। আমার যেন বোধ হচ্ছে ছাব্বিশ দণ্ড তিতাল্লিষ পল। যাক, তুমি একবার ভাল কবে দেখ। প্রসাদ, পঞ্জিকাখানা এনে দাও ত তোমার দাদাকে।”

রামপ্রসাদ পঞ্জিকা আনিয়া দিলে রাধাবল্লভ দেখিয়া বলিলেন “খুড়া-ঠাকুর, আপনার কথা কি ভুল হয়, অষ্টমী ছাব্বিশ দণ্ড তিতাল্লিষ পলই আছে।”

শ্রায়বাগীশ মহাশয় ঈষৎ হাস্ত করিয়া বলিলেন “এতকাল ত ভুল হয় নাই; তবে আজ মৃত্যুশয্যায় কি না, তাই তোমাকে দেখতে বললাম। দে কথা থাকুক।” এই বলিয়া তিনি নীরবে কি চিন্তা করিতে লাগিলেন।

তিন চারি মিনিট পরে বলিলেন “প্রসাদ, একটু বিলম্ব হয়ে গিয়েছে বাবা! তা হোক, সব কাজেরই সময় আছে ত! পূর্বেও একবার সময়

এসেছিল ; কিন্তু আমি তখন মায়ার বশীভূত হয়ে সে সময়টা যেতে দিয়েছিলাম । দেখ বাবা প্রসাদ, তোমাকে কোন দিনই কিছু বলি নাই । তুমি যে বিজ্ঞান করলে না, কুসঙ্গে প'ড়ে উচ্ছ্বল হয়ে গেলে, তোমার যে পানদোষ পয্যন্ত হ'ল, এ সব দেখে-শুনেও আমি কিছু বলি নাই—কোন উপদেশ দিই নাই । এ সব যে তোমার চাই, তা আমি জান্তাম । পাঁচ বৎসর পূর্বেও যদি তোমাকে সেই শুভদিনে দীক্ষা প্রদান করতাম, তা হ'লেও তার পরে তোমাকে এই দুভোগ ভুগতে হতো । তা সেটা মেরে নেওয়াই গেল । আজ প্রসাদ, তোমাকে আমি দাক্ষিত করব । আজ অষ্টমী ; আগামী অষ্টমীই মহাষ্টমী—মহামায়ার মহাপূজা । আমি আজ তোমাকে মন্ত্রদান করব ; আগামী মহাষ্টমীতে মহা-সন্ধিক্ষণে তুমি সিদ্ধিলাভ করবে । যাও বাবা, শীঘ্র স্নান করে এস । অধিক বিলম্ব কোরো না,—আমার আর বেশী সময় নাই । যাও বাবা, বিষম্ব হোয়ো না—কাতর হোয়ো না, যাও ।”

রামপ্রসাদ চলিয়া গেলে শ্রায়বাগীশ মহাশয় গৃহিণীকে বলিলেন “গিন্নি, আমি আজ তোমার পুত্রকে মহামন্ত্র দান করব । সম্মুখে মহাপূজা ! মহাষ্টমীর সন্ধিক্ষণে তোমার পুত্র সিদ্ধিলাভ করবে । সোদন গিন্নি ! তোমার ছেলেকে সারাদিন উপবাসী থাকতে বোলো । সন্ধ্যার পর সে যেন আমার বিল্ববৃক্ষমূলে বসিয়া আমার প্রদত্ত মন্ত্র জপ করে । তারপর যা হয় দেখতেই পাবে গিন্নি ! আমার জন্ম বেশী দিন ভাবতে হবে না—অতি কম সময় গিন্নি ! অতি কম সময় । তোমার কিঞ্চিৎ বৈধব্য যোগ আছে যে ।”

এই কথা বলিয়া শ্রায়বাগীশ মহাশয় চক্ষু মুদ্রিত করিলেন । কবিরাজ উঠিয়া গেলেন ।



কথাটা গ্রাম্যময় প্রচারিত হইল। ছাত্রগণ, আত্মীয়-বন্ধু-বান্ধবগণ যে যেখানে ছিলেন, সংবাদ শুনিবাখাত্র শ্রীমদ্ভাগবতমহাপুরাণের গৃহে উপস্থিত হইলেন। শ্রীমদ্ভাগবতমহাপুরাণ সকলের সহিতই কথা বলিতে লাগিলেন; যত্নের কোন লক্ষণই কেহ দেখিতে পাইলেন না।

একটু পরেই বামপ্রসাদ মন করিয়া বাড়ীতে আসিল। শ্রীমদ্ভাগবতমহাপুরাণ বলিলেন “বেলা বোধ হয় ছা. শ দণ্ড পাব হয়েছে।”

একজন ছাত্র বলিলেন “ইয়া, দ্বাদশদণ্ড অতিক্রান্ত হইয়াছে।”

শ্রীমদ্ভাগবতমহাপুরাণ তখন গৃহিণীকে বলিলেন “সখি, আর ত বিলম্ব নাট। আমাকে একখানি কুশাসন পাতয়া দাও। না না, আমাকে ধরিতে হইবে না; আমার দেহ ত দুর্বল বা অবসন্ন হয় নাই।”

গৃহিণী তাড়াতাড়ি কুশাসন পাতয়া দিলেন। শ্রীমদ্ভাগবতমহাপুরাণ কাহারও সাহায্য গ্রহণ না করিয়া শয্যা হইতে নামিয়া, বস্ত্র পরিবর্তন করিলেন; উত্তরীয় গ্রহণ করিয়া যোগাসনে বাসলেন।

গৃহিণী বলিলেন “আত্মিকের আয়োজন কাঁচিয়া দিব কি?”

শ্রীমদ্ভাগবতমহাপুরাণ সহাস্ত বদনে বলিলেন “দেবি, সন্ধ্যা-আত্মিকের আয়োজন শেষ হইয়াছে; আর নয়। বামপ্রসাদ, আমার কাছে এস।”

বামপ্রসাদ পিতার সম্মুখে বাসলে শ্রীমদ্ভাগবতমহাপুরাণ বলিলেন “বামপ্রসাদ, এখন আর আমি তোমার পিতা নহি, তুমি আমার পুত্র নহ,—এখন আমি গুরু, তুমি শিষ্য। আমি আজ তোমাকে মন্ত্র দান করিব। ইহার পর কি কাঁচিতে হইবে, তাহা মন্ত্রই তোমাকে বলিয়া দিবে; আর যদি কিছু জানিবার আয়োজন বোধ কর, তোমার জননীকে জিজ্ঞাসা করিও। তিনি সব জানেন” এই বলিয়া গৃহিণীর দিকে উৎফুল্ল নয়নে চাহিলেন।

তাহার পর শরীর ঈষৎ সঞ্চালিত করিয়া তিনি আসন সুদৃঢ় করিয়া ধ্যানমগ্ন হইলেন। সমাগত জনমণ্ডলা' একদৃষ্টিতে তাঁহার দিকে চাহিয়া রহিল।

প্রায় পাঁচ মিনিট পরে তিনি নয়ন উন্মীলন করিয়া অতি গম্ভীর স্বরে বলিলেন “শিষ্য, অগ্রসর হও।”

শ্রীমদ্ভগবদ্গীতা মহাশয়কে এমন ভাবে, এমন স্বরে কথা বলিতে কেহ শোনে নাই; সকলে একেবারে স্তম্ভিত হইয়া গেল।

রামপ্রসাদ আরও একটু অগ্রসর হইলে শ্রীমদ্ভগবদ্গীতা মহাশয় তাহার মস্তক নিজের বক্ষে ধারণ করিয়া তাহার কর্ণে মন্ত্র প্রদান করিলেন।

রামপ্রসাদ কাঁপিয়া উঠিল; শরীরের মধ্যে হঠাৎ বিদ্যুৎ-প্রবাহ সঞ্চালিত হইলে, দেহ যেমন কাঁপিয়া উঠে, রামপ্রসাদের ঠিক সেই ভাব হইল; পরক্ষণেই সে মুচ্ছিত হইল। শ্রীমদ্ভগবদ্গীতা মহাশয় তাহাকে ভূমিতলে শয়ন করাইয়া দিলেন।

তাহার পর পুনরায় ধ্যানস্থ হইলেন। দুই তিন মিনিট পরে একবার মাত্র গম্ভীর স্বরে উচ্চারিত হইল—

ওঁ

তাহার পরই সব শেষ। শ্রীমদ্ভগবদ্গীতা মহাশয়ের পার্শ্ব লীলার অবসান হইল

\* \* \* \* \*

বত্রিশ বৎসর পূর্বে গঙ্গোত্রীর পথে এক সন্ন্যাসীর আশ্রমে এক রাত্রি অতিবাহিত করিবার সৌভাগ্য আমার হইয়াছিল। সন্ন্যাসী আমাকে

বান্দালী দেখিয়া সেই রাত্রিতে তাঁহার জীবন-কথা যতটুকু বলিয়াছিলেন, তাহাই এতকাল পবে লিপিবদ্ধ করিলাম। তিনি পরবর্তী ঘটনার বিবরণ অসমাপ্ত রাখিয়াছিলেন ; আমাকেও অসমাপ্ত রাখিতে হইল।

ছয় সাত বৎসর পূর্বে একদিন সেই সন্ন্যাসীর সহিত আমার এই কলিকাতাতেই সাক্ষাৎ হইয়াছিল। আমি তাঁহাকে চিনিতে পারি নাই ;—আমার মত বিষয়াসক্ত সংসারীর পক্ষে তাহা অসম্ভব। কিন্তু তিনি বিপুল জনসংখ্যার মধ্য হইতেও আমাকে চিনিয়া বাহির করিয়া-ছিলেন।

শ্রীমদ্ভগবদ্গীতার মন্ত্রদানের কথা ফলিয়াছে। তাঁহার পুত্র রামপ্রসাদ সত্য-সত্যই এখন দেশবিখ্যাত ব্যক্তি,— একজন প্রধান সন্ন্যাসী। তাঁহার অসংখ্য শিষ্য। তাঁহার নাম, তাঁহার কার্তিকাহিনী অনেকের মুখেই শুনিতে পাওয়া যায়। এই বান্দালী দেশেও তাঁহার অনেক শিষ্য আছেন—পশ্চিমাঞ্চলে তা শিষ্যের অভাবই নাই। দেশ ও জনহিতকর কার্যের অগ্রণীভূতদের মধ্যে তিনি একজন। তাঁহার নাম আমি বলিব না,—সাধু সন্ন্যাসীর গৃহস্থান্তরের কথা বলিতে নাই,—সে পরিচয় গোপন করিতে হয়।

# প্রারম্ভিক ।

১

আইন-ক্লাশের পড়া শেষ করিয়া বেলা এগারটার সময় অক্ষয় তাহার শির্জাপুর ট্রিটের ঘেসে আসিয়া দেখিল, তাহার টেবিলের উপর একখানি ডাকের চিঠি রহিয়াছে । খামের উপর তাহারই গ্রামের পোষ্ট-আফিসের ছাপ-মারা ; কব্জ হাতের লেখাটা এহার সম্পূর্ণ অপরিচিত । বাড়ীর চিঠি, অথচ লেখা অপরিচিত হাতের,—অক্ষয়ের মনে ভয়ের সঞ্চার হইল । দুইমাস পূর্বেই টেলিগ্রাম পাইয়া তাড়াতাড়ি বাডাতে বাইয়াও সে তাহার মাতাকে জীবিতা দেখিতে পায় নাই—মায়ের মৃতদেহ পুত্রের অগ্নি-সংস্কারের অপেক্ষা করিয়াছিল । আবার আজ এ কি ?

অক্ষয় কম্পিত-হস্তে পত্রখানি খুলিয়া পড়িতে আরম্ভ করিল । একটু পড়িয়াই অক্ষয়ের মুখ লজ্জাধ, ঘৃণায় ও ক্রোধে যেন কেমন হইয়া গেল ; সে পত্রখানি টেবিলের উপর রাখিয়া মাথায় হাত দিয়া বসিয়া পড়িল ।

মিনিট দুই তিন স্থিরভাবে বসিয়া থাকিয়া সে পুনরায় পত্রখানি ছুলিয়া লইল । পত্র-খানিতে অল্প কয়েকটা কথাই লিখিত ছিল । যিনি পত্র লিখিয়াছেন, তিনি নাম প্রকাশ করেন-নাই,—লিখিয়াছেন—“কোন আত্মীয় ।” অনেকক্ষণ ধরিয়া দেখিয়াও অক্ষয় হাতের লেখা চিনিতে পারিল না ।

তাহার পর সে পকেট হইতে বাক্সের চাবী বাহির করিয়া পত্রখানি রাখিবার জন্য বাক্স খুলিল ; এবং বাক্স-বোঝাই কাপড়-চোপড় ছুলিয়

তাহার নীচে পত্রখানি বাধিয়া দিয়া বাক্স বন্ধ করিল, এবং তৎক্ষণাৎ ছাত্রাবাস হইতে কাহির হইয়া গেল।

হারিসন-রোডের ডাকঘরে উপস্থিত হইয়া অক্ষয় বাড়ীতে পিতাব নিকট টেলিগ্রাম করিল যে, সে বিশেষ কারণে অপরাহ্ন ১টার লোকাল ট্রেনেই বাড়া যাইতেছে ; ষ্টেশনে যেন পাল্কী-বেহারা উপস্থিত থাকে।

অক্ষয়ের যে গ্রামে বাড়ী, তাহাব নাম—ঠিক নামটা না হয় না-ই বলিলাম—এই ধরিয়া লউন—সে গ্রামের নাম রহিমপুর ; ইষ্টইন্ডিয়া রেলের শক্তিগড় ষ্টেশন হইতে এষ্ট গ্রাম তিন মাইল দূরে। অক্ষয়ের পিতা শ্রীযুক্ত রামকমল ঘোষ বর্ধমান-বাজের একজন বড় পত্তনীদার। অবস্থা খুব ভাল। সন্তানের মধ্যে ঐ একটু ছেলে অক্ষয়কুমার। অক্ষয় এম-এ পাশ করিয়া বি এল পাডিতেছে। বড়মাতৃষের এম-এ পাশ, একমাত্র পুত্র—কিন্তু এখনও বিবাহ হয় নাই—হঁহাই তাহার প্রতিজ্ঞা। পিতামাতা আত্মীয়-স্বজন কেহই সে প্রতিজ্ঞা ভাঙিতে পারেন নাই। মায়ের অন্তরে পুত্রবধুর মুখদর্শন ছিল না—তিনি স্বর্গে চলিয়া গেলেন।

অক্ষয় কলিকাতার মেসে শাকিয়া আইন পড়িয়া জ্ঞান-সঞ্চয় করে, আর তাহার পিতা দেশে বাসিয়া আইন-বিরুদ্ধ কাজ করিয়া অর্থ ও অধর্ম সঞ্চয় করেন ; পুত্র পিতার এ কার-অত্যাচারের কথা শুনিয়া নীরবে অশ্রুবিসর্জন করে, আর পিতা সেই একমাত্র পুত্রের ভবিষ্যৎ সুখের জন্য প্রজা-পীড়ন করিয়া কোম্পানীর কাগজে লেটার সিন্দুক পূর্ণ করেন।

অন্দর-মহলে ছেলে মায়ের কাছে কাঁদিত—মা ছেলের কাছে কাঁদিত ; কিন্তু কর্তাকে কোন কথা বলিতে কাহারও সাহসে কুলাইত না ;—রামকমল ঘোষ তেমন বাপের বেটাই ন'ন যে, স্ত্রী-পুত্রের কথা শুনিয়া জমীদারী চালান।

দুইমাস পূর্বে মাতা স্বর্গে গেলেন—ছেলের কাঁকিবার স্থানও থাকিল না। মাতার শ্রাদ্ধাদির পর অক্ষয় যখন কলিকাতায় আসে, তখন সে মনে মনে স্থির করিয়া আসিয়াছিল যে, শীঘ্র আর বাড়ীতে যাইবে না। কিন্তু এই বেনামী চিঠি পাইয়া সে বাড়ী যাইতে প্রস্তুত হইল। চিঠিতে কি লেখা ছিল, তাহা যখন সে কাহাকেও বলিল না, তখন গল্প-লেখক সর্বজ্ঞ হইলেও সে কথা পাঠকগণের গোচর করা সঙ্গত মনে করিতেছেন না।

( ২ )

শক্তিগড় ষ্টেশনে নামিয়া অক্ষয় দেখিল ; বাড়ী হইতে পাল্কী-বেহারা আসিয়াছে ; সঙ্গে আসিয়াছে বাড়ীর বৃদ্ধ ভৃত্য কালিদাস।

কালিদাস অক্ষয়কে জিজ্ঞাসা করিল “দাদাভাই, হঠাৎ এলে যে ? শরীর ভাল আছে ত ?”

অক্ষয় শুদ্ধকণ্ঠে কহিল “শরীর ভাল আছে কালিদা ! মনটা কেমন খারাপ ঠেকল ; তাই একবার তোমাদের দেখতে এলাম।”

কালিদাস অনেক-কালের চাকর ; অক্ষয়কে কোলে-পিঠে করিয়া মাতুষ করিয়াছে ; অক্ষয়কে সে ভালরূপই চেনে। সে বলিল, “না দাদাভাই, তোমার শরীর-মন দুই-ই খারাপ হোয়েছে। বুড়োর কাছে গোপন করো না। তা, এখন থাক, চল বাড়ী যাই, তার পর সব শুন্বে।” এই বলিয়া অক্ষয়ের সঙ্গে সঙ্গে সে ষ্টেশনের বাহিবে আসিল।

তখন সন্ধ্যা হইয়াছে ; বেহাবাবা লঠন জালাইয়া লইল। একজন বলিল “কালিদা, তুমি একটা লঠন নিয়ে পিছনে এস, আমরা একটা আলো নিয়ে চলে যাই।”

কালিদাস বলিল “আমাকে আর ফেলে যেতে পারবি নে ; তোরা য’ন দোড়েই যাস না কেন, কালিদাস তোদের সঙ্গে চলতে পারবে।”

কালিদাস পাল্কীর সঙ্গে-সঙ্গেই চলিল। পাল্কী যখন গ্রাম পার হইয়া মাঠের মধ্যে পড়িল, তখন কালিদাস গলা ছাড়িয়া গান ধরিল—

“আমার মন কেন উদাসী হ’তে চায় ;

ও গো দরদী গো—।”

কালিদাসের এই ককণ সুর অক্ষয়েব হৃদয় স্পর্শ করিল ;—তাহার মনও যে আজ সত্য-সত্যই উদাসী হইতে চাহিয়াছিল। কালিদাস কি তাহার মনের বেদনা বুঝিতে পারিযাই এমন করুণ-সুরে, ঐ গানটি গায়িতেছে ? কালিদাস গায়িল—

“সে যে এমন করে দেয় গো মন্ত্রণা,

ও সে উড়িয়ে দেয় প্রাণের পাখী, মানা মানে না ;

সে উড়ে যায় বিমানেরি পথে,

শীতল বাতাস লাগে গায়।”

অক্ষয় পাল্কীর মধ্যে শয়ন করিয়া অতৃপ্ত-হৃদয়ে কালিদাসের গান শুনিতেছিল ; তাহার প্রাণ-পাখী আজ শীতল বাতাসের জন্তই ব্যাকুল হইয়াছিল। কিন্তু সে শীতল বাতাস ত সে বাড়ী ঘাইয়া পাইবে না ;—আজ ত আর তাহার স্নেহময়া জননী তাহার পথের দিকে চাহিয়া বসিয়া নাই ;—আজ সে নবকের অগ্নিতে দগ্ধ হইবার জন্ত বাড়ী ঘাইতেছে !

কালিদাস গান শেষ করিয়া নীরব হইতেই একজন বেহারা বলিল, “ও কালদা, আর একটা ভাল গান ধর না।”

কালিদাস বলিল, “আর গান-টান ভাল লাগে না তাই !” এই বলিয়াই সে গান ধরিল—

“রবে না দিন চিরদিন, সুদিন কুদিন,  
 একদিন দিনের সন্ধ্যা হবে ।  
 এতকাল করে খেলা, গেছে বেলা,  
 এই সন্ধ্যাবেলা আর কি হবে ,  
 জগতের কাবণ যিনি, দয়াব খনি,  
 তিনিই মশার ভরসা ভবে ।”

অন্ধকার রাত্রি, মাঠ নির্জন ; তাহার পর কালিদাসের মধুব কর্ণ-  
 স্বর—অক্ষয় আর পালুকার মধ্যে থাকিতে পারিল না—তাহাব প্রাণেব  
 মধ্যে কেবলই ধ্বনিত হহতে লাগিল—

“ওরে, একদিন দিনের সন্ধ্যা হবে ।”

সে তখন বেগারাদিগকে পালুকা খামাইতে বলিল । বাহকেবা  
 পালুকী নামাইলে সে বাহির হইয়া বলিল “তোরা পালুকী নিয়ে চল,  
 আমি কালিদাসের সঙ্গে একটু হাট । ঐ ত গ্রাম দেখা যাচ্ছে, আমি  
 এ পথটুকু হেঁটেই যেতে পাবব ।”

কালিদাস আপত্তি করিল । বাহকেবা বলিল “কর্তা শুনলে বাগ  
 করবেন ।”

অক্ষয় সে কথায় কর্ণপাত করিল না । বাহকেবা পালুকী লইয়া  
 অগ্রসর হইল ।

তখন কালিদাস বলিল “দাদাভাই, এখন বল-ত, তুমি পড়া কামাই  
 করে কেন হঠাৎ বাড়ী এলে । নিশ্চয়ই তোমার মনে কিছু আছে ।”

অক্ষয় বলিল “কালিদা, তোমার কাছে গোপন করব না আমি  
 বাবার একটা ব্যবস্থা করবার জ্ঞান এসেছি ।”

“বাবার ব্যবস্থা । তুমি কি পাগল হয়েছ দাদাভাই ।”



“না কালিদা, আমি পাগল হইনি এখনও, কিন্তু হবারও দেরী নেই।”

‘কেন, কি হয়েছে, আমাকে খুলেই বল না ভাই !’

অক্ষয় বলিল “কালিদা, সে কথা বলতেও আমার কষ্ট হচ্ছে। তুমি কি বাবাকে জান না যে, আমার মুখ দিয়ে পিতৃনিন্দা শুনবে ?”

কালিদাস বলিল “তা হ’লে কথাটা তোমার কাছেও গিয়েছে। কে তোমাকে এসব কথা লিখেছে ?”

“কে লিখেছে, তা জানিনে ; সে নাম প্রকাশ করে নাই। কি লক্ষ্য, কি ঘণার কথা কালিদা। কি আমার হৃদৃষ্ট ! ছেলেকে বাপে শাসন করে, এই ত এতদিন জান্তাম ; আমার অদৃষ্টে তার উলটো হলো।”

কালিদাস বলিল “তা কি করবে মনে কবেছ ? কর্তাকে ত জান ; আর তুমি কি-ই বা বলবে তাঁকে ? বলতেই বা পারবে কেন ? না দাদা-ভাই, ওসব ব্যাপারের মন্যে তোমার গিষে কাজ নেই। আর যা হচ্ছে, সে ভাই করুক। তুমি কালই কল্কাতায় ফিরে যাও। যে দিন মা-লক্ষ্মী আমাদের ছেড়ে গিয়েছেন, সেইদিনই—আর সেই দিন-ই বা কেন, আমি অনেক আগে থেকেই সব জানি।”

অক্ষয় বলিল “সে কি আর আমিই জান্তাম না, কালিদা ! কিন্তু মায়ের ভয়ে, তারই অনুরোধে আমি চুপ করে ছিলাম। আর বাড়ীর মধ্যে যা হচ্ছিল, তা হচ্ছিল, এখন যে বাহিরে গেল। ছিঃ ছিঃ, কালিদা, আমার যে মরতে ইচ্ছা করে।”

কালিদাস বলিল “তা তুমি যে বাড়া এলে, কি মতলব কোরে এসেছ বল দেখি। জান ত, কর্তার মেজাজ !”

“সব জানি কালিদা ! কিন্তু আমার প্রতিজ্ঞা এই যে, হয় বাবাকে কাশী যেতে হবে, আর না হয় ত আমার সঙ্গে চিরদিনের মত সম্বন্ধ ত্যাগ করতে হবে । এই দুইয়ের এক আমি করে বাবই !”

এই সময় তাহারা বাড়ীতে আসিয়া উপস্থিত হইল । কালিদাস অক্ষয়কে বলিল “দেখ দাদা-ভাই, আমার সঙ্গে পরামর্শ না করে হঠাৎ কোন কাজ কণো না । জান ত, তোমার বাবাকে । সাবধান !”

অক্ষয় কোন কথা না বলিয়া বাড়ীতে প্রবেশ করিল ।

( ৩ )

কর্তা রামকমল ষোষ মহাশয় পুত্রের প্রতীক্ষায় বৈঠক-খানাব বারান্দার বসিয়া ছিলেন । অক্ষয় বারান্দার উঠিয়া তাহাকে প্রণাম করিলে তিনি কহিলেন “তোমার কলেজ কি এরই মধ্যে বন্ধ হোলো অক্ষয় !”

অক্ষয় বলিল “না, কলেজ বন্ধ হয় নাই । মনটা ভাল ছিল না, তাই একবার বাড়ীতে এলাম ।”

“তা এসেছ, বেশ করেছে । তবে কলেজ কামাই করাটা বোধ হয় ভাল নয় ; পড়াশুনার বোধ হয় তাতে ক্ষতি হয় । তা হোক ; যখন এসেছ, তখন, আজ হোলো বৃহস্পতিবার, কাল-পরশু দুটো দিন থেকে রবিবারে বোধ হয় কলকাতায় গেলেই ভাল হয় ।”

অক্ষয় ‘ষে আজ্ঞা’ বলিয়া বাড়ীর মধ্যে চলিয়া গেল ।

সারারাত্রি অক্ষয় কত কথা ভাবিল ; সে মনে-মনে যে পছন্দ হইয়া আসিয়াছিল, বাড়ী আসিয়া ভাবিয়া দেখিল, তাহার কোনটাই অবলম্বন করা তাহার পক্ষে সম্ভবপরও নহে, কর্তব্যও নহে । কিন্তু সে যে এ অবস্থায় কি করিতে পারে, পিতাকে কুপিত হইতে ফিরাইবার জন্য কি করা যাইতে পারে, তাহা সে মোটেই ভাবিয়া পাইল না ।

সুধু নিজের উপরই তাহার ধিকার জন্মিতে লাগিল। আর মনে হইতে লাগিল তাহার সেই স্নেহময়ী, সাক্ষাৎ দেবীরূপিণী জননীর কথা। আজ তাহার মা বাচিয়া থাকিলে, তাঁহার কাছে সে মনের বেদনা জানাইতে পারিত। এখন তাহার একমাত্র পরামর্শদাতা বৃদ্ধ কৃত্য কালিদাস—তাহার পরম সুহৃৎ কালিদাস!

প্রাতঃকালে উঠিয়া অক্ষয়ের গৃহে মন টাঁকল না। ইতিপূর্বে বাড়ী আসিয়া সে প্রায়হ গ্রামের কোথাও বাইত না। আজ তাহার কাছে বাড়ীতে বসিয়া থাকা ভাল লাগিল না; সে রাত্তর বাহির হইল।

অল্পদূর যাওয়ার পর সে দেখিল যে, অলঙ্কৃত ভাবে সে পীতাম্বর ভট্টাচার্য্যের বাড়ীর সম্মুখেই আসিয়া উপস্থিত হইয়াছে। ভট্টাচার্য্য মহাশয় তখন পূজার ফুল তুলিবার জন্ত সাজি-হস্তে বহির্বাটীর প্রাঙ্গণে দাঁড়াইয়া ছিলেন। অক্ষয় তাড়াতাড়ি বাড়ীর সম্মুখ হইতে চলিয়া যাইবার চেষ্টা করিল; কিন্তু সে ভট্টাচার্য্য মহাশয়ের দৃষ্টি অতিক্রম করিতে পারিল না।

তিনি বলিয়া উঠিলেন “এই যে অক্ষয়, কবে বাড়ী এলে বাবা? শরীর ভাল আছে ত?”

অক্ষয় তখন কি করে, ভট্টাচার্য্য মহাশয়ের প্রাঙ্গণে উপস্থিত হইয়া তাঁহার পদধূলি গ্রহণ করিয়া বলিল “আজ্ঞে কাল এসেছি।”

“হঠাৎ কি মনে করে বাড়ী এলে বাবা?”

অক্ষয় বলিল “এমনি দুই-এক দিন ঘুরে যাবার জন্ত এসেছি। রবি-বারেই আবার কালকাতায় ফিরে যাব।”

ভট্টাচার্য্য মহাশয় একটু চুপ করিয়া থাকিয়া একটা দীর্ঘ-নিঃশ্বাস ফেলিয়া বলিলেন “বাবা অক্ষয়, তোমার সঙ্গে—” কথাটা অর্ধপথেই

বন্ধ হইল। ভট্টাচার্য্য মহাশয় আত কাতর-নধনে অক্ষয়ের মুখের দিকে চাহিলেন। সে চাহনিতে বিষাদ-মাখা; সে চাহনি যেন একটু সহানুভূতি লাভের আকাঙ্ক্ষায় পূর্ণ!

ভট্টাচার্য্য মহাশয়কে এমন করিয়া কথাটা অসমাপ্ত রাখিতে দেখিয়া অক্ষয়ও কাতর হইল, বুঝিতে পারিল, ভট্টাচার্য্য মহাশয় কেন এমন করিয়া তাহার দিকে চাহিলেন, কেন দীর্ঘনিঃশ্বাস ত্যাগ করিলেন! রামকমল ঘোষের ছেলের সঙ্গে তাহার কি দবকাব, তাহাও অক্ষয়ের বুঝিতে যাকী রহিল না। তাহার মনে হইল, কেন সে মুখের মত তাড়াতাড়ি বাড়ী আসিয়াছিল? কেন সে প্রান্ত্র মণে বাহির হইয়া এ পথে আসিয়াছিল? অক্ষয়ও চুপ করিয়া বাহল। সে কি বলিবে? তাহার কি কিছু বলিবাব মুখ আছে?

একটু চুপ করিয়া থাকিয়া ভট্টাচার্য্য মহাশয় বাললেন “তুমি এখন কোথায় যাচ্ছ অক্ষয়?”

অক্ষয় বলিল “বিশেষ কোথাও নয়, এই এং টু বেড়াতে বোংয়েচ্ছ।”

“তুমি রবিবারে কল্কাভায় যাবে বল্ছিলে না?”

“আজ্ঞা, রবিবারেই যাব মনে করেছি।”

ভট্টাচার্য্য মহাশয় আবার একটু চুপ করিয়া থাকিয়া থামিয়া-থামিয়া বলিলেন “তা—দেখ—এই যাবাব আগে,—নাঃ, আর কাজ নেই। তুমি এখন যাও বাবা। আমাবও বেলা হোলো। যা জগদম্বা!”

অক্ষয় এইবার আর চুপ করিয়া থাকিতে পারিল না; অতি সঙ্কোচের সহিত বলিল “যাবার আগে কি আপনার সঙ্গে একবার দেখা করবার কথা বল্ছেন?”

ভট্টাচার্য্য মহাশয় বলিলেন “হ্যা—;—না, তা আর কাজ নেই।”

ভট্টাচার্য্য মহাশয়ের মলিন মুখ ও তাঁহার ব্যাকুলতা দেখিয়া অক্ষয়ের বুক ফাটিয়া যাইতে লাগিল। সে বলিয়া উঠিল “আপনাকে আর কিছু বলতে হবে না, আমি সব জানি, আমি—”

ভট্টাচার্য্য মহাশয় অক্ষয়ের কথায় বাধা দিয়া তাঁহার হাত চাপিয়া ধরিয়া “বাবা—” বলিয়া কাঁদিয়া ফেলিলেন ; আর একটি কথাও তাঁহার মুখ দিয়া বাহির হইল না।

অক্ষয় তখন বলিল “সে সব কথা আর আপনার ব’লে কাজ নেই। এখন বলুন ত, এর উপায় কি ? আমি তারই জন্তই বাড়ী এসেছি।”

ভট্টাচার্য্য মহাশয় কাঁদিতে-কাঁদিতে বলিলেন “আমি গরিব ব্রাহ্মণ, তোমরা বড়মানুষ ; আমি কি বলব। কথাটা ত আর গোপন নেই ; আমি যে আর মুখ দেখাতে পারিনে বাবা ! উপায়ের কথা বলছ ? একমাত্র উপায় আছে। নিজের হাতে মেয়েটার মুখে বিষ তুলে দেওয়া। তা ছাড়া আর কোন পথ নেই ; তারপর সেই পাপের প্রায়শ্চিত্ত করবার জন্ত আমার আর ব্রাহ্মণীর আত্মহত্যা ! বাবা, এ সংসারে ঐ বিধবা মেয়েটির মুখ চেয়েই আমরা বেঁচে ছিলাম। শেষে কি না এই হোলো। ব্রাহ্মণের মেয়ে—কি বলব বাবা ! তোমরা গ্রামের জমিদার ; তোমরা গরিবের ধর্মরক্ষা করবে, না তোমরাই এমন কাজ করলে। অভিশাপ দেব না বাবা, কিন্তু বলতে পার, কি পাপে আমার এই শাস্তি।”

অক্ষয় বলিল “তা বলতে পারিনে ; কিন্তু, আপনারা উচিত প্রতীকার করলেন না কেন ?”

ভট্টাচার্য্য মহাশয় বলিলেন “বাবা, তাতে কি হতো ;— তাতে

কি আমার এই জাতিনাশের প্রতীকার হতো ; অপমান যে আরও বেড়ে যেত । না বাবা, সে দুর্ন্যতি আমার হয় নাই ।”

অক্ষয় বলিল “বেশ । আমি কি করতে পারি, তাই বলুন । আমি প্রতিজ্ঞা করছি, আমি তাই করব । এদেশে আর আমি মুখ দেখাব না ; বিষয়-সম্পত্তি কিছু আমি চাই না । আপনার জগ্ন কি করতে পারি, তাই বলুন ; সেই কাজ শেষ করে আমি জন্মের মত গ্রাম ছেড়ে চলে যাব ।”

ভট্টাচার্য্য মহাশয় কা হব কণ্ঠে বলিলেন “তোমার অপরাধ কি বাবা, তুমি যে সোণারচাঁদ ছেলে । তুমি তোমার জন্মদাতাকে অপমান কোরো না । জান ত আমাদের শাস্ত্রে আছে, পিতা ধর্ম, পিতা স্বর্গ ।”

“ঠাকুর মশাই, আমার ধর্মও নাই, আমি স্বর্গও চাই না । সে ষার আমার কাছে বন্ধ হয়ে গিয়েছে ; এমন পিতার পুত্র কিছুরই অধিকারী নয় ।”

“তা হ’লে তুমি কি করতে চাও ?”

“সেই কথাই ত আপনাকে জিজ্ঞাসা করছি ।”

“আমি কি বলব বাবা !”

অক্ষয় একটু চুপ করিয়া থাকিয়া বলিল “দেখুন, আমি একটা কথা বলি । আপনি সপরিবার কাশী চ’লে যান । যা খরচ লাগে, আমি আজই আপনাকে দিয়ে যাচ্ছি । তারপর সেখানে আপনাদের যা ব্যয় হবে, সে সব আমি দেব ।”

“বাবা অক্ষয়, মনে কিছু কোরো না । আমার কণ্ঠাকে যে ধর্ম-পার্থল্য করেছ, তারই অর্থে আমি কাশীবাস করব ; সে আমি পারব না বাবা ! সে কিছুতেই না ।”

অক্ষয় বলিল “তঁার অর্থ নয় ঠাকুর মশাই ! আমার যোগার্জিত টাকা আছে, আমার পরীক্ষার জলপানির টাকা । তাই আমি আপনাকে দিতে চাচ্ছি । তবে আমি তঁার পুত্র , এই বলে যদি আপনি আমার সাহায্য না নিতে চান, তা হলে ত আর কোন উপায় দেখি না । কিন্তু আপনার পারে ধ’রে বলছি, আমার এই অসুস্থতা রক্ষা করুন । পাপের সামান্য প্রায়শ্চিত্ত—অতি সামান্য প্রায়শ্চিত্ত আমাকে করতে দিন ।” এই বলিয়া অক্ষয় ভট্টাচার্য্য মহাশয়ের পা জড়াইয়া ধরিল ।

অক্ষয় ও ভট্টাচার্য্য মহাশয় যখন কথাবর্তা বলিতেছিলেন, তখন অন্তরে যাইবার দ্বারের পাশ্বে দাঁড়াইয়া আব একজন তাঁহাদের কথা শুনিতেছিল । সে আর কেহই নহে—ভট্টাচার্য্য মহাশয়ের বিধবা কন্যা তারা । তারা যে ঘরে ছিল, তাহার পশ্চাতে বহির্কাঠীর অঙ্গনে দাঁড়াইয়া এই সকল কথা হইতেছিল । তারা প্রথমে দুইচারিটি কথা অল্প শুনিতে পাইয়াছিল, তাহার পরই সে উঠিয়া আসিয়া দ্বারের পাশ্বে দাঁড়াইয়াছিল ।

অক্ষয় যখন ভট্টাচার্য্য মহাশয়ের পা জড়াইয়া ধরিল, তখন তারা উন্মাদিনীর মত বাহির হইয়া আসিয়া চীৎকার করিয়া বলিল “না,—না বাবা—না না, আমার পাপের প্রায়শ্চিত্ত আমিই করছি ।” তাহার পরই সে মুচ্ছিতা হইয়া ভূমিতে পড়িয়া গেল ।

ভট্টাচার্য্য মহাশয় তাড়াতাড়ি যাইয়া কন্যাকে কোলে লইয়া বসিলেন ; দেখিলেন তাহার সংজ্ঞা নাই ।

অক্ষয় দৌড়িয়া বাড়ীর মধ্যে যাইয়া জল লইয়া আসিল এবং তারার মুখে জলের ছিটা দিতে লাগিল । কিন্তু সকলই বৃথা ! তারার স্থগিত, অতিশয় প্রাণ বাহির হইয়া গিয়াছে ।

ভট্টাচার্য্য মহাশয় তারার মুখেব দিকে চাহিয়া অবিচলিত স্বরে বলিলেন “জীবনদানে এ পাপের প্রায়শ্চিত্ত হয় না। মহৎ জীবন নরকভোগেও নয় তাবা—কিছুতেই নয় ; - এ পাপের প্রায়শ্চিত্ত নেই।”

তারার অকস্মাৎ দেহত্যাগে অক্ষয় স্তম্ভিত হইয়া গেল। সে এক-দৃষ্টিতে তারার দিকে চাহিয়া রহিল।

ভট্টাচার্য্য মহাশয় অক্ষয়কে এইভাবে দাঁড়াইয়া থাকিতে দেখিয়া বলিলেন “বাবা অক্ষয়, আর কি দেখ্ছ, এখন বাড়া যাও।”

অক্ষয় কাতর স্বরে বলিল “এ জীবনে আব নয়।”

“সে কি কথা অক্ষয় ? তুমি বাড়া যাবে না কেন ?”

অক্ষয় বলিল “আমার পাপেরও ত প্রায়শ্চিত্ত নেই।”

ভট্টাচার্য্য মহাশয় বলিলেন “তোমার পাপ ! তুমি ত কোন অপরাধই কর নাই বাবা।”

অক্ষয় ভীত্র কঠোর স্ববে বলিল, “অপরাধ করি নাই ? আপনি কি বল্ছেন ঠাকুর ? আমি মহা অপবোধী। আমার অপরাধ—আমি রামকমল ঘোষের পুত্র,—এ অপরাধেরও প্রায়শ্চিত্ত নেই।” এই বলিয়াই অক্ষয় উন্মাদের মত দ্রুতনেগে বাহির হইয়া গেল।

\* \* \* \* \*

তাহার পরে অক্ষয় যে কোথায় গেল, কেহই এত কালের মধ্যে সে সন্ধান দিতে পারিল না।



## প্রবাসের কথা

• যাহার জীবনের অধিকাংশ প্রবাসে অতিবাহিত হইয়াছে, তাহাকে অনেক সময় অনেক কষ্ট, অনেক বিপদ অনেক অসুবিধাও ভোগ কবিতে হইয়াছে। আমি ত চিব প্রবাসী। কখন বিষয়কর্মোপলক্ষে, কখন শুধু ভ্রমণের জন্ত, আবার কখনও বাকোন প্রকারে, মাকুবের পক্ষে যে সময় অমূল্য, তাহা নষ্ট কবিবার জন্ত নানাস্থানে বেড়াইয়াছি। এই শেষোক্ত অবস্থায় অনেক দিন পূর্বে আমি একবার হিমালয়-ক্রোড়স্থিত দেবানুনে নির্মিষ্ট হইয়াছিলাম। সে সময়ে আমার মাথায় অনেক খেয়াল চাপিয়াছিল, সে সকল কথা আঁব এখন বলিব না। একদিনের একটি ঘটনা নিয়ে লিপিবদ্ধ করিলাম।

আমি দেবানুনে থাকি সামান্য কাজকর্মও করি, আর অবশিষ্ট সময় পাহাড়ে পাহাড়ে ঘুরিয়া বেড়াই।

এই সময়ে একদিন বিনা-সংবাদে আমার দেশের একটি যুবক আমার নিকট উপস্থিত হইলেন। তাহাকে দেখিয়া ত আমি অবাক। তাহার পব শুনিলাম, যুবকটি বাড়ীতে বগড়া কবিয়া সন্ন্যাসী হইবার শুভ অভিপ্রায়ে আমার নিকট উপস্থিত হইয়াছেন।

তাহাকে দশ পনের দিন আমার নিকট রাখিলাম, ক্রমে তাহার বাগ কমিয়া গেল, সন্ন্যাসী হইবার অভিপ্রায়ও সে ত্যাগ করিল। তখন বাড়া যাহবার জন্ত তাহার আগ্রহ প্রবল হইল। আমার নিকট আসিবার সময়ে সে একাকা আসিয়াছিল, কিন্তু যাইবার সময় তাহাকে একাকা পাঠাইতে আমার ইচ্ছা হইল না।

তখন দেরাছনে রেল হয় নাই ; দেরাছন হইতে ৪২ মাইল দূরে সাহারণপুরে গেলে তবে রেল পাওয়া যাইত। এই ৪২ মাইল পথ অপরিচিত একাওয়ালার সঙ্গে তাহাকে যাইতে দিতে আমার সাহস হইল না, কি জানি পথের মধ্যে যদি তাহার সন্ন্যাসী হইবার বাসনা আবার জাগিয়া উঠে। সেই জন্ত সাহারণপুর পর্য্যন্ত তাহাকে রাখিয়া আসিবার ব্যবস্থা করিলাম ; এবং একদিন প্রাতঃকালে অনিন্দ্যসুন্দর একরাত্রি আরোহণ করিয়া আমরা সাহারণপুর যাত্রা করিলাম।

যথাসময়ে সাহারণপুরে পৌঁছিয়া মনে করিলাম, এতটা পথই যখন আসিয়াছি, তখন যুবকটির সঙ্গে গাজিয়াবাদ পর্য্যন্ত যাইয়া তাহাকে একেবারে ইষ্ট-ইন্ডিয়া রেলের গাড়ীতেই তুলিয়া দিয়া আসি। যুবকটির জন্ত একখানি মধ্যম শ্রেণীর হাবড়া পর্য্যন্ত যাইবার টিকিট এবং আমার জন্ত একখানি গাজিয়াবাদের রিটার্ন টিকিট কিনিলাম।

আমাদের গাড়ী যখন গাজিয়াবাদ ষ্টেশনে পৌঁছিল, তখন হাবড়ার গাড়ী ছাড়ে-ছাড়ে হইয়াছে। আমি তাড়াতাড়ি আমার সঙ্গীটিকে সেই গাড়ীতে তুলিয়া দিতে গেলাম। প্রবেশ দ্বারের নিকট একজন টিকিট-সংগ্রাহক ছিল ; সে 'জলদি যাও' বলিয়া আমার টিকিটের অঙ্কেক ছিঁড়িয়া লইল ; আমার আর তখন টিকিটখানি দেখিয়া লইবার অবকাশ ছিল না, টিকিট-সংগ্রাহক মহাশয়ও টিকিটখানির দিকে চাহিয়া দেখি-লেন না। সঙ্গীটিকে গাড়ীতে তুলিয়া দিলাম। গাড়ী আমার দেশের দিকে ছুটিয়া চলিল ! আমি একটি দীর্ঘনিঃশ্বাস ফেলিয়া গাড়ীর দিকে চাহিয়া রহিলাম।

কত কথা তখন মনে হইল ; মনে হইল এই গাড়ী সুজলা সুফলা শস্যশাখলা আমার জন্মভূমির দিকে যাইতেছে। একদিন পরেই এই

গাড়ী আমার দেশে উপস্থিত হইবে। তখন মনে পড়িল, আমার সেই ছায়ানীতল ক্ষুদ্র গ্রামের কথা,—মনে পড়িল আমার আত্মীয়-স্বজন, বন্ধু-বান্ধবের কথা,—মনে পড়িল আমার বালাখেলার কুটীর,—মনে পড়িল আমার ছেলেবেলাব কথা। আরও কত কথা মনে পড়িল। একবার মনে হইল, কি জগৎ এমন করিয়া পথে-পথে বেড়াইতেছি, যাই—দেশে ফিরিয়া যাই; আমার সেই পল্লীভবনে ফিরিয়া যাই। এত দেশ গুরিলাম, এত পাহাড় পর্বত দেখিলাম, শান্তির অন্বেষণে দেশ-দেশান্তরে বেড়াইলাম; কোথাও শান্তির সন্ধান পাইলাম না। আর না, দেশে চলিয়া যাই। কিন্তু পরক্ষণেই মনে হইল, কোথায় যাইব, কাহার কাছে যাইব। একটা দীর্ঘনিঃশ্বাস ফেলিয়া প্ল্যাটফর্মের এক-পার্শ্বে একখানি বেঞ্চে বসিয়া পড়িলাম।

রাত্রি তখন এগারটা। শেষ-রাত্রিতে তিনটার পর এলাহাবাদ হইতে যে গাড়ী আসিবে, সেই গাড়ীযাত্রী নইয়া তবে আমাদের সাহারণ-পুরের গাড়ী ছাড়িবে। ততক্ষণ ষ্টেশনেই থাকিতে হইবে।

প্রায়কাল, জ্যেষ্ঠা-রাত্রি। আমি সেই বেঞ্চে বসিয়াই রাত্রি কাটাইবার অভিপ্রায় করিলাম। দেখিলাম আরও দুই চারিজন যাত্রী আর কয়েকখানি বেঞ্চে বসিয়া আছে। কতক্ষণ চুপ করিয়া বসিয়া থাকি য়! ধীরে ধীরে আমার চক্ষু বুজিয়া আসিল, আমি নিদ্রিত হইলাম।

কতক্ষণ ঘুমাইয়াছিলাম, বলিতে পারি না; হঠাৎ একটা শব্দে আমার ঘুম ভাঙ্গিয়া গেল। আমি চাহিয়া দেখি, আমার পার্শ্বেই একটি লোক বসিয়া আছে। আমি জাগিয়াছি দেখিয়া লোকটি উঠিয়া দাঁড়াইল এবং ধীরে ধীরে চলিয়া গেল। আমি তাহার দিকে চাহিলাম না, তখনও নিজের অলস ভাব আমাকে পরিত্যাগ করে নাই।

একটু পরেই একজন পুলিশম্যান আসিয়া আমাকে আমার গন্তব্য স্থানের কথা জিজ্ঞাসা করিল। আমি বলিলাম, আমি সাহারণপুর যাইব। তখন সে বলিল, সাহারণপুরের গাড়ী ও দিকের প্লাটফর্মে গিয়াছে। আমি তখন যাইয়া সেই গাড়ীতে আরোহণ করিয়া পুনরায় নিদ্রার আয়োজন করিলাম।

গাড়ী তখন ছাড়িয়াছিল, তাহা জানিতে পারি নাই। একটু বেলা হইলে আমার নিদ্রাভঙ্গ হইল। তখন দেখিলাম গাড়ী চলিতেছে। একটু পরেই গাড়ী মিরাত ষ্টেশনে উপস্থিত হইল। মনে কবিলাম এই স্থানে একটু বেশী সময় গাড়ী দাঁড়ায়; এইখানে প্রাতঃকৃত্য সমাপন করিয়া কিঞ্চিৎ জলযোগ করিয়া লই। এই মনে করিয়া প্রথমেই পকেটে হাত দিলাম; দেখি আমার রুমালখানি অন্তর্হিত হইয়াছে। আমার সঙ্গে দশটা টাকার একখানি নোট ও নগদ দুইটা টাকা ছিল। তাহা ঐ রুমালেই বাঁধা ছিল। কখন কেমন করিয়া রুমালখানি কে হস্তগত করিয়াছিল, তাহা স্থির করিতে পারিলাম না।

বিষম বিপদ! পকেট অনুসন্ধান করিয়া দেখিলাম ছয়টা পয়সা মাত্র সম্বল রহিয়াছে, বকের পকেটে হাত দিয়া দেখিলাম রিটার্ন টিকিটখানাও রহিয়াছে। তবুও রক্ষা! টিকিটখানি অপহৃত হইলে আরও মঙ্গল হইত!

কি করি, ষ্টেশনে হাত মুখ ধুইয়া গাড়ীতে আসিয়া বসিলাম। ছয়টি পয়সা সম্বল, যাঁতে হইবে দেরাছন পর্য্যন্ত। মনে করিলাম পয়সা ছয়টা আর এখন খরচ করিব না—একবারে নিঃসম্বল হওয়া কিছু নয়। ভগবান্ আজ অনাহাবত ব্যবস্থা করিয়াছেন; কিন্তু অদৃষ্টে যে ইহা অপেক্ষাও অধিকতর লাঞ্ছনাভোগ লিখিত ছিল, তাহা তখনও বুঝিতে

পারি নাই মনকে প্রবোধ দিলাম যে, সাহারণপুরে নামিয়া একা ভাড়া করিব, বাসায় যাইয়া তাহাকে টাকা দিব ; আর সঙ্গে যে ছয়টি পয়সা আছে, তাহারই দ্বারা সাহারণপুরে জলযোগ করিব । এক দিনের অনাহারে মারা যাইব না ;—জীবনের অনেক দিন অনাহারে কাটিয়াছে ।

মধ্যাহ্নকালে সাহারণপুরে গাড়া ধামিল । আমা গাড়ী হইতে নামিয়া গেলের নিকট টিকিট দিতে গেলাম । টিকিটখানি বাহির করিয়া টিকিট-সংগ্রাহক মহাশয়ের হস্তে দিলে তিনি টিকিটখানি দেখিয়াই আমার গতিরোধ করিলেন । বাপার কি জিজ্ঞাসা কবায় তিনি টিকিটখানি আমাকে দেখিতে দিলেন । ও হাঁব ! গাজিয়াবাদের টিকিট-সংগ্রাহক শেষার্দ্ধখানি লইয়াছেন, আমাকে প্রথমার্দ্ধ ফিরাইয়া দিয়াছেন । তখন যে ভাড়াভাডি, তাহাতে আমিও টিকিটখানি দেখিয়া লই নাই, সে বারীও পরীক্ষা করিয়া দেখে নাই ।

এখন উপায়—সম্বল ত সেহ ছয়টি পয়সা । টিকিট-সংগ্রাহক মহাশয় মেজাজ গরম কবিয়া জানাইলেন যে, আমাকে গাজিয়াবাদ হইতে সাহারণপুর পর্য্যন্ত মধ্যম শ্রেণীর ভাড়া দিতে হইবে ; তাহার পর ট্রাফিক সুপারিন্টেন্ডেন্ট মহাশয়ের নিকট আবেদন করিলে আমি এই ভাড়া পরে ফেরত পাইব ।

পরে ফেরত পাইব. তাহা ত বুঝিলাম, কিন্তু এখন টাকা কোথায় পাই । টিকিট সংগ্রাহক হিন্দুস্থানী মহাশয় বাললেন যে, আমাকে একটু অপেক্ষা করিতে হইবে ; তাহার উপস্থিত কার্য শেষ হইলে তিনি আফিসে যাইয়া আমার টাকা লইবেন এবং তাহার রসিদ দিবেন ।

আমি তাহাকে বলিলাম যে, আমার নিকট মোটে ছয়টি পয়সা

আছে। বারটা টাকা রুমালে বাঁধা ছিল, তাহা পথে অপহৃত হইয়াছে।

ষ্টেসনের হাকিম মহাশয় বোধ হয় আমার এজাহারে বিশ্বাস করিলেন না ; তিনি অধিকতর উদ্ধত ভাবে বলিলেন “অভি গোল মৎ করো।” বুঝিলাম অদৃষ্টে আজ বিশেষ লাঞ্ছনা-ভোগ আছে। আমি চুপ করিয়া দাঁড়াইয়া রহিলাম।

যাত্রীদিগের টিকিট সংগ্রহ শেষ হইলে তিনি বাদশাহী রকমে পদক্ষেপ করিয়া অগ্রসর হইলেন এবং আমাকে তাঁহার অনুসরণ কাগতে বলিলেন। কি করি, বিদেশ, পরিচিত কেহই সেখানে নাই—চারিদিকে চাহিয়া একটা বাঙ্গালীর মুখও দেখিতে পাইলাম না।

টিকিট-ঘরে প্রবেশ করিয়া সেই টিকিট-সংগ্রাহক আমাকে বলিলেন যে, ভাড়ার টাকা আমাকে দিতেই হইবে, নতুবা তিন আমাকে পুলিশের হস্তে সমর্পণ করিবেন।

আমি বলিলাম, আমার কোন অপরাধই নাই, গাজিয়াবাদের টিকিট-সংগ্রাহক মহাশয়ই এজন্য অপরাধী। কিন্তু, আমার কথায় কন্স-চারিপ্রবর কর্ণপাত করিলেন না ; সেখানে আরও যে দুই চারিজন কন্সচারী ছিলেন, তাঁহারাও ঐ কথারই সমর্থন করিলেন।

আমি বলিলাম, আমার নিকট ছয়টার আধক পয়সা নাই, আমি ভাড়া দিতে পারিব না। তবে তাঁহারা যদি বিশ্বাস করেন, তাহা হইলে আমি দেরাছন পৌছিয়া টাকা পাঠাইয়া দিতে পারি।

আমার এই প্রস্তাব শুনিয়া আমার বিচারক মহাশয় আমাকে যে “কম্প্লিমেন্ট” দিলেন, তাহা আর লিপিবদ্ধ করিতে পারিলাম না।

আমার তখন বড়ই রাগ হইল ; আমি বলিলাম, এত কথার

প্রয়োজন নাই ; আপনাদের আইনে যাহা বলে আপনারা তাহাই করুন । আমি আর আপনাদের সাহিত কোন কথাই বলিতে চাহি না । আমি এ কথাগুলি হিন্দীতে বলি নাই, ইংরাজীতে বলিয়াছিলাম । তাহারা কিন্তু আমার কথাব নরম হইল না ।

আমরা যখন কথাবার্তা বলিতেছিলাম, তখন দ্বারের সন্মুখে একটা ইংরাজ দাঁড়াইয়া আমাদের কথা শুনিতেছিলেন । আমার শেষ কথা শুনিয়া ইংরাজটী আফিস-ঘরের মধ্যে আসিয়া জিজ্ঞাসা করিলেন, “ব্যাপার কি ?” আমি উত্তর দিবার পূর্বেই টিকিট-সংগ্রাহক মহাশয় তাঁহাকে সমস্ত কথা বলিলেন । সাহেব তখন আমার দিকে চাহিয়া ইংরাজীতে বলিলেন “আপনাকে ও ভদ্রলোক বলিয়া মনে হইতেছে ।”

আমি বলিলাম “ধন্যবাদ মহাশয় ! আপনি সাহেব হইয়াও আমাকে চিনিয়াছেন, কিন্তু আমার স্বদেশবাসী এই মহাশয়রা বোধ হয় তাহা স্বীকার করিবেন না ।” এই বলিয়া আমার টাকা চুরির কথা বলিলাম ; টিকিটের গোলের কথা ত অভিযোগকারীই বলিয়াছিলেন ।

সাহেব তখন আমাকে জিজ্ঞাসা করিলেন, “আপনি কোথায় বাইবেন ?”

আমি বলিলাম “যাইবার ত ইচ্ছা ছিল দেরাডুন ; কিন্তু এই ভদ্রলোকদিগের যে প্রকার আগ্রহ দেখিতেছি, তাহাতে আপাততঃ আমাকে পুলিশ হাজতেই আতিথ্য গ্রহণ করিতে হইতেছে ।”

আমার এই কথা শুনিয়া সাহেব “হো হো” করিয়া হাসিয়া উঠিলেন । তাহার পর টিকিট-সংগ্রাহক মহাশয়ের দিকে ফিরিয়া জিজ্ঞাসা করিলেন, “এই ভদ্রলোককে কত টাকা ভাড়া দিতে হইবে ?”

টিকিট-সংগ্রাহক মহাশয় যেন কত বলিলেন । সাহেবটী তখন

তাঁহার পকেট হইতে টাকা বাহির করিয়া দিলেন এবং আমাকে যথারীতি বসি দিতে বলিলেন ।

আমি ত আশ্চর্য্য হইয়া গেলাম । আমায় স্বদেশবাসী কয়েকজন কর্মচারী আমাকে এই প্রকার বিপন্ন দেখিয়া সহানুভূতি প্রকাশ বা সাহায্য করা দূরে থাকুক, আমাকে পুঁজির হস্তে সমর্পণ করিতে প্রস্তুত হইয়াছিলেন, আব এই অপরিচিত সাহেবটা আমাকে সাহায্য করিতে অগ্রসর হইলেন । যাহাদিগকে আমি তাই বলিয়া সম্বোধন করিতে পারি, তাহারা আমার সহিত কি ব্যবহার করিল, আব এই সদাশয় সাহেবটা উপযাচক হইয়া আমার সাহায্য করিতে উপস্থিত হইলেন ! আমি তখন সাহেবকে কি বলিব ভাবিয়া পাইলাম না, আমি তাঁহার মুখের দিকে চাহিয়া রহিলাম । তাহার পর আমি যখন কথা বলিতে উদ্বৃত্ত হইলাম, তখন আমার মুখের ভাব দেখিয়াই সাহেবটা আমাব মনের কথা বুঝিয়া ফেলিলেন ; তিনি তাড়াতাড়ি বলিয়া উঠিলেন “No thanks Babu” ( বাবু, ধন্যবাদের প্রয়োজন নাই ) সাহেবের এই ব্যবহারে আমি সত্য-সত্যই আশ্চর্য্য বোধ করিলাম, আমি আর কথা বলিতে পারিলাম না ।

সাহেব তখন আমাকে বলিলেন “আমিও দেৱাছন হইয়া মসুরী যাইব । আমার গাড়ী প্রস্তুত ; জিনিষপত্র গাড়ীতে উঠিয়াছে । আপনি আমার সঙ্গে দেৱাছন পর্য্যন্ত যাতে পারেন ; আপনার কোন কষ্ট হইবে না ।”

আমি তখন বলিলাম “আপনাকে ধন্যবাদ না করিয়া আমি থাকতে পারিতেছি না । আপনি আমার ওপর যথেষ্ট অনুগ্রহ প্রকাশ করিয়া ছেন । আমি একখানি একা ভাড়া করিয়া দেৱাছনে যাইতে পারিব । আপনাকে আমার জন্ত অসুবিধা ভোগ করিতে দিতে পারি না । যদি



কমা করেন, তাহা হইলে আপনার পরিচয় জিজ্ঞাসা করিবার অধিকার পাইতে পারি কি ?”

সাহেব বলিলেন “আমার পরিচয়ের জ্ঞান ব্যস্ত হইবার প্রয়োজন নাই। আমরা ত এক-সঙ্গেই যাইতেছি, পথে পরিচয় করিব।” এই বলিয়া তিনি আমার হাত ধরিয়া বাহিরে লইয়া গেলেন।

বাহিরে যাইয়া দেখি দুইখান ডাকগাড়ী দাঁড়াইয়া আছে। গাড়ীর মাথার উপর একরাশ বাক্স বিছানা প্রভৃতি রহিয়াছে এবং গাড়ীর পাশে খানসামা, বেহারা প্রভৃতি চারি পাঁচ জন বহিয়াছে। তখন বুঝলাম সাহেব বিশেষ দক্ষ ব্যক্তি।

সাহেব তখন বেহারাকে ডাকিয়া কি বলিলেন, আমি একটু দূরে দাঁড়াইয়া ছিলাম, তাহা শুনিতে পাইলাম না। বেহারা সাহেবেব কথা শুনিয়া একখানি গাড়ীর মধ্য হইতে বিছানা বাহির করিয়া ফেলিল এবং গাড়ীর উপর হইতে আর একটা বিছানা লইয়া সেই গাড়ীর মধ্যে পাতিল। আমি তখন বুঝিতে পারিলাম, আমার জগুই শয়্যা প্রস্তুত হইতেছে। ভাবিলাম, কোথায় আজ আমার স্বদেশী ভ্রাতৃবৃন্দেব অনুগ্রহে হাজি-গৃহে ভূমিশয়্যার রাত্রি কাটাইবাব কথা, আর কোথায় এই ডাকগাড়ীতে দুক্ষফেননিষ্ঠ শয়্যা ! ইহারই নাম অদৃষ্ট !

আমি তখন সাহেবেব নিকটে গিয়া বাললাম, “মহাশয়, আপনার চাকরদিগের কষ্ট হইবে ; তাহারা ঐ গাড়ীর মধ্যে যাইবার ব্যবস্থা করিয়াছিল। তাহাদের কোথাও স্থান হইবে ? আমার জগু তাহারা বিশেষ কষ্ট ভোগ করিবে, ইহা বাঞ্ছনীয় নহে।”

সাহেব আমার কথায় বাধা দিয়া বলিলেন “নেতার মাইগু ! তাহারা

এই গাড়ীর মাথায় বসিয়া যাইবে। ভাল কথা, আপনার বোধ হয় আহার হয় নাই ?”

আমি বলিলাম “সে জন্তু আপনাকে ভাবিতে হইবে না। আমার এখন কিছুই আহার করিবার ইচ্ছা নাই।”

সাহেব বলিলেন “তবে গাড়ীতে উঠিয়া বসুন। আর বিলম্ব করিয়া কাজ নাই। রাত্রি নটাব মধ্যে দেরাহনে পৌঁছিতে হইবে।”

তখন আর কি করি ; গাড়ীতে উঠিয়া বসিলাম। সাহেবের গাড়ী আগে ছাড়িয়া দিল, তাহার পরই আমার গাড়ী ছাড়িল।

অর্ধেক পথ গেলে একটা ডাকবাঙ্গালা পাওয়া যায়। সন্ধ্যার কিছু পূর্বেই আমার গাড়ী সেই ডাকবাঙ্গালার নিকট পৌঁছিল। এই বাঙ্গালার নিকট গাড়ী আসিবামাত্র দেখি, সাহেব বাঙ্গালার বারান্দায় দাঁড়াইয়া আছেন। আমাকে দেখিয়াই তিনি বলিলেন “ওয়েল, আপনার জন্তু আমি এখানে অপেক্ষা করিতেছি। একটু চায়ের আয়োজন করা গিয়াছে ; আপনার অপেক্ষায় তাহার সদ্যবহার করিতে পারিতেছি না।”

সাহেবের এই উদারতা ও সহৃদয়তায় আমি একেবারে মুগ্ধ হইয়া গেলাম। ইংরাজ যে আমার মত কৃষ্ণকায় বাঙ্গালীর সহিত এমন ব্যবহার করিতে পারেন, ইহা আমি জানিতাম না—ইহা আমি কখনও দেখি নাই—কখন শুনিও নাহি।

আমি তখন সাহেবকে ধন্যবাদ করিয়া বারান্দায় যাইয়া বসিলাম। চা আসিল, রুটী আসিল, নানা প্রকার ফল আসিল। বলা বাহুল্য, আমার সারাদিন আনাহার, আমি সেগুলির যথেষ্ট সদ্যবহার করিলাম।

তখন আমি পুনরায় সাহেবের পরিচয় জিজ্ঞাসা করিলাম। তিনি ত কিছুতেই পরিচয় দিতে चाहিলেন না ; অবশেষে অনেক অনুরোধ করার পর আমাকে তাঁহার পরিচয় দিলেন, কিন্তু আমাকে বলিয়া দিলেন যে, সে দিনের ঘটনা স্মরণে আমি অণ্ডের নিকট গল্প করিতে পাবি, কিন্তু তাঁহার নাম যেন কাহাকেও না বলি। তিনি বলিলেন যে, তিনি আত্মপ্রকাশ করিতে ভালবাসেন না।

এতদিন পরেও, তাঁহার নাম বলিব না ; এইটুকু বলিতে পারি যে তিনি একজন সিবিলিয়ান ; সে সময়ে তিনি উত্তর পশ্চিম প্রদেশের ছোটলাটের দপ্তরে খুব একটা বড় কাজ করিতেন।

সাহেবের পরিচয় পাইয়া আমার বিশ্বয়ের সীমা রহিল না। কোথায় আমি পথের ভিখারী, আব কোথায় উত্তর পশ্চিম প্রদেশের গবর্নমেন্টের বড় সাহেব ! তখন বুঝিলাম, এই প্রকার মহানুভব ব্যক্তি আছেন বলিয়াই ইংরাজ আজ সমাগরা পৃথিবীর অধিপতি।

রাত্রি প্রায় নয়টার সময় আমাদের গাড়ী দেরাডুনে পৌঁছিল। সাহেব ঐ গাড়ীতেই রাজপুর যাইয়া হোটেলের অবস্থান করিবেন ; তিনি দেরাডুনে অপেক্ষা করিলেন না।

আমি গাড়ী হইতে নামিয়া সাহেবের গাড়ীর নিকট গেলাম। তিনি ভাড়াভাড়া বাহরে আসিয়া আমার করমর্দন করিলেন এবং বলিলেন, তিনি একমাস মসুরীতে হিমালয়ান হোটেলের থাকিবেন। যদি এই সময়ের মধ্যে কোন দিন মসুরী যাই, তাহা হইলে যেন তাঁহার সহিত সাক্ষাৎ করিতে বিশ্বস্ত না হই। আমি তাঁহাকে অভিবাদন করিলাম। তাহার গাড়ী চলিয়া গেল।

সেই সপ্তাহের শনিবারেই আমি মসুরীতে যাইয়া সাহেবের সহিত

সাক্ষাৎ করি। তিনি আমাকে দেখিয়া যে কত আনন্দ প্রকাশ করিলেন, তাহা বলিতে পারি না। আমাকে সেদিন মসুরীতেই থাকিবার জ্ঞয় অস্বরোধ করিলেন; কিন্তু আমি আর সেখানে থাকিলাম না, সেই দিন অপরাহ্নকালেই দেরাহনে ফিরিয়া আসিলাম। সাহেব আমার দেরাহনের ঠিকানা লিখিয়া লইলেন।

পরদিন বেলা একটার সময়ে একজন কুলী আমার বাসায় আসিয়া উপস্থিত হইল। সে আমাকে সাহেবের লিখিত একখানি পত্র দিল, এবং তাহার পৃষ্ঠের বোঝা নামায়া বসিল। তাহার পর সেই বোঝা খুলিয়া আমার সম্মুখে সাজাইতে লাগিল।

সাহেবের পত্রে অবগত হইলাম যে, আমি পূর্বদিন তাঁহার আতিথ্য স্বীকার না করায় তিনি আমার জ্ঞয় কিছু জিনিস পাঠাইলেন, আমি যেন দয়া করিয়া তাহা গ্রহণ কর। চাহিয়া দেখি, সাহেব নানা প্রকার ফল, বিস্কুট, চাটনী প্রভৃতি পাঠাইয়াছেন।

সাহেব যেদিন এলাহাবাদ ফিরিয়া যান, সে দিনে দেরাহনে আমিও তাঁহাকে ফলমূলাদি দিয়াছিলাম। তাহাব পরও দুই তিনমাস তিনিও আমাকে পত্র লিখিতেন, আমিও তাঁহাকে পত্র লিখিতাম। তাহার পরই আমি হিমালয়ের জঙ্গলে ডুবিয়া যাই।

## এবং

( : )

কিশোর ঘোষ জাতিতে গোয়াল , কিন্তু সে রাগ করিয়া জাতি-ব্যবসায় ছাড়িয়া দিয়াছিল । তাহার পিতা ও তন্ত্র পিতা গোয়ালার ব্যবসায়েই জীবন-যাপন করিয়াছিল ;—ঘৃত, দধি, ক্ষীর বিক্রয় করিত—গ্রামের বাজারে দুগ্ধ বিক্রয় করিত—ভদ্রলোকের বাড়ীতে দুগ্ধ যোগান দিত এবং সেরকে অস্ত্রতঃ একপোষা জলও দুগ্ধের সহিত মিশাইয়া খাঁটি দুগ্ধ বলিয়া মা-ঠাকুরাণীদিগের নিকট চালাইত । কিশোর প্রথমে এই পৈতৃক ব্যবসায়েই নিযুক্ত হইয়াছিল এবং কোন গোল না হইলে, ঐ কার্যেই গোপ-জীবন কাটাইয়া দিত ।

গোল এমন কিছু নহে । একদিন তাহার পিতা নবীন ঘোষ নিকটের এক গ্রামের এক ধনী-গৃহস্থের বাড়ীর কোন ব্যাপার উপলক্ষে একবারে আড়াই মন দুগ্ধের বায়না লইয়া আসিল । কিশোরের বয়স তখন উনিশ বৎসর । কিশোর যখন আড়াই মন দুগ্ধের বায়নার কথা শুনিল, তখন একেবারে অবাক হইয়া গেল,—আড়াই মন দুগ্ধ ! “বাবা, এত দুগ্ধ কেমন করিয়া জোগাড় হইবে ?”

নবীন বলিল, “যে ক’রেই হোক, বায়নার বুর দিতেই হইবে ।”

দুগ্ধে যে একটু-আধটুকু জল দেওয়া হয়, তাহা কিশোর জানিত এবং তাহা তাহাদের কৌলিক প্রথা বলিয়া মনে মনে একটু স্তম্ভ হইলেও কোন কথা বলিত না ; কিন্তু কি জানি কেন, কোন দিনই

হুঙ্কে জল মিশাইতে তাহার হাত সরিত না, তাহার পিতা ও মাতাই সে পবিত্র কার্য শেষ করিত।

বাবুদের বাড়ীতে যে দিন আড়াই মন দুধ দিবার কথা, সেদিন প্রাতঃকালে সাতটার মধ্যে নবীন ঘোষের বাড়ীতে যে হুঙ্কের আমদানী হইল, তাহা মাপিয়া দেখা গেল—দেড় মন দুই মন। নবীন ঘোষ তখন নিঃশব্দে পুষ্কারণী হইতে এক কলসী জল আনিয়া, মাপিয়া মাপিয়া হুঙ্কের সঙ্গে মিশাইতে লাগিল। কিশোরের এ প্রতারণা আর সহ হইল না; সে বলিল, “বাবা, এ কি করছ?”

নবীন পুষ্কার দিকে চাহিয়া বলিল “আড়াই মন ত হওয়া চাই!”

“হওয়া চাই ব’লে কি এমন কাজই করতে হবে?”

নবীন রাগিয়া বলিল “তাই হয় রে বেটা! তুই দেখছি ধর্মপুত্র বুদ্ধিষ্টির। যা, যা, সরে যা।”

কিশোরের রাগ হইল; সে বলিল, “এ দুধের ঝাঁক আমি কাঁধে করছি নে!”

“তুই করবি নে, তবে কি লোক ভাড়া করে আনতে হবে?”

কিশোর বলিল, “এমন অধর্ম আমি করতে পারব না।”

নবীন ভারী চট্টয়া গেল; বলিল, “পারবি নে, ত খাবি কি? তোর বৌ খাবে কি?”

কিশোর বলিল, “সারা-জন্ম মোট খেটে খাব, সেও ভাল, তবুও এমন দিনে-ডাকাত করব না।”

“তবে রে হারামজাদা, আমি ডাকাত! এত বড় কথা! বেরো আমার বাড়ী থেকে, নিয়ে যা তোর বৌকে। মোট খেটেই খাস,— আমার বড় দিকি, তুই যদি আর ঝাঁক ঘাড়ে করিস।”

নব্বীনের স্ত্রী গোলমাল শুনিয়াই বাহিরে আসিয়াছিল ; নব্বীন যখন এত বড় একটা দিকি গালিতে গেল, তখন সে বলিল “আরে, কর কি ? অমন দিকি কি করতে আছে ? তোমার কি বুদ্ধিগুণ্ডি উড়ে গেল !

কিশোর দৃপ্তসিংহের ঞায় গর্জন করিয়া বলিয়া উঠিল, “বেশ, তাই হবে, আমি যদি নব্বীন ঘোষের ব্যাটা হই, তাহ’লে মোট বয়েই খাবো, গয়লার ব্যবসা আর করব না। গয়লার ভাত আর খাবো না।” এই বলিয়া কিশোর বাড়ী হইতে বাহির হইয়া গেল।

( ২ )

কতজন কত সাধিল, গ্রামের গোপবৃন্দ মজলিস করিয়া কিশোরকে কত অল্পরোধ করিল, মাতা কত কাঁদিল ; অবশেষে পিতা নব্বীন ঘোষও বলিল, “ওরে ব্যাটা, রাগের মাথায় একটা কথা বলে ফেলেছি, আর তুই একমাত্র ছেলে, তুই সেই কথাটাই ধরে বসলি। বাবা আমার, রাগ করিস্নে, আমার কথা আমি ফিরিয়ে নিচ্ছি। তুই ঘরে ফিরে আয় ঐম্ন ক’রে পথে-পথে বেড়ান কি ভাল।”

কিশোর কিন্তু কোন কথাতেই গলিল না, তাহার সেই একই কথা—বাপের আজ্ঞা সে কিছুতেই মজ্বন করিতে পারিবে না,—বাপের দিকি কি আর ফেরে।

তাহার মা একদিন পথের মধ্যে তাহাকে ধরিয়া কাঁদিতে লাগিল, হাত চাপিয়া ধরিল ; কিন্তু কিশোরের মন কিছুতেই নরম হইল না ; সে বলিল, “নব্বীন ঘোষের ব্যাটার যে কথা, সেই কাজ। এ কাজে আমি মোট বয়েই খাব। বাপের কথা রক্ষা করে রামচন্দ্র বনে গিরে-ছিলেন, আর আমি মোট বয়ে ছোটো পেটের ভাত ছোটাতে পারব না ?”

মা বলিল, “তুই যেন ছোটালি, কিন্তু আর একজন যে আছে ; আবার দুদিন পরে যখন কাচা-বাচা হবে, তখন কি করুনি?”

কিশোর বলিল, “সে কথা তুমি ভেব না মা ! জীব দিয়াছেন যিনি, আহার দেবেন তিনি । আমি সে কথা একটুও ভাবি নে—একেবারেই না । বউয়ের কথা বলছ ? তার ভাইকে ধবর দিয়েছি ; তুই একদিনের মধ্যেই তারা এসে নিয়ে যাবে । তার পর—যা করেন হরি !”

মা বলিল “সে কি হয় বাবা ! আমরা ঘর করব কাকে নিয়ে ? তোদের বনবাস দিয়ে কি ক’রে ঘরে মাথা দেব ?”

কিশোর বলিল, “সে আর হয় না মা ! আমাদের পেটের ভাতের জন্তে মোট বইতেই হবে । তুমি আর কিছু বলো না । মনে কর না কেন, তোমার ছেলে নেই, তোমার ছেলে মরে গেছে ।”

“খাট, খাট, বাবা, অমন কথা বলতে নেই । দেখ্ কিশোর, এরই জন্ত কি তোকে মানুষ করেছিলাম । তুই কি আমাদের মুখের দিকে চাইবি নি ?”

কিশোর কাতর বচনে বলিল, “সব করব মা । তোমাকে কি কেলতে পারি, বাবাকেই কি ফেলব । কিন্তু সেই এক কথা—মাথায় মোট বয়ে এনে তোমাদের ধাওয়াব । ও-বাড়ীতে আর মাথা দেব না—বাগের আজ্ঞা ।”

মাতা আর কিছু বলিল না, কাঁদিতে কাঁদিতে ঘরে গেল । কিশোর বাড়ী ছাড়িয়া, গ্রাম ত্যাগ করিয়া কোথায় চলিয়া গেল । তাহার স্ত্রী পিত্রালয়ে আশ্রয় লইল । নবীন ঘোষ মাথায় হাত দিয়া বলিল ; তাহার স্ত্রী পুত্রশোকে খ্যাশায়িনী হইল ; কিন্তু একদিনও সে স্বামীকে একটা কটু কথা বলিল না,—বলিতে পারিল না ;—নবীনের



মুখের দিকে চাহিয়াই সাধ্বী বুকিতে পারিত, কি প্রলয়ের অগ্নি তাহার বকের মধ্যে অহরহ জলিতেছে !

নবীন বসিয়া বসিয়া ভাবিত, বাপে ঠিক ছেলেকে বকে না, গালাগালি দেয় না, দূর-ছাই করে না। কিন্তু তাহার এ কি হইল। হায় ঠাকুর ! এ কি করিলে ! কি পাপে আয়ায় এমন শাস্তি দিলে দয়াল ! নবীনের বুক ফাটিয়া যাইত।—ঐ বুকি তাহার কিশোর কিরিয়া আসিল—ঐ বুকি তাহার পায়ের শব্দ। কিন্তু কোথায় কিশোর ! সে যে কোথায় গেল, কেহই তাহার সন্ধান দিতে পারিল না।

(৩)

কিশোরের মাতা শয্যাগতা হইল ; তাহার আর উঠিবার শক্তি রহিল না। নবীন ঘোষ মহা বিপদে পড়িল। কান্ন-কর্ন শু ঘায়-ঘায় হইল ; পীড়িতা স্ত্রীর গুশ্রবা কে করে ? সে তখন কিশোরের খণ্ডর-বাড়ীতে সংবাদ পাঠাইল। কিশোরের খণ্ডর-শাণ্ডী মেয়েকে পাঠাইতে প্রথমে অস্বীকার করিল ;—তাহারা সকল কথাই গুনিয়াছিল। নবীন ঘোষের কথান্তেই কিশোর বিবাগী হইয়াছে ; সেই নবীন ঘোষের বিপদের সময় তাহার সাহায্য করা তাহারা কর্তব্য মনে করিল না ! কিন্তু কিশোরের স্ত্রী কাঁদিয়া আকুল হইল। তাহার স্বামীই না হয় রাগ করিয়া দেশান্তরে গিয়াছে ; কিন্তু তাই বলিয়া এই অসময়ে সে খণ্ডর-শাণ্ডীর সেবা করিবে না কেন ? কিশোরই কি দেশে থাকিলে এ সময় রাগ করিয়া থাকিতে পারিত। না—তাহা হইতে পারে না। কিশোরের স্ত্রী জেদ করিয়া, তাহার হোট ভাইকে সঙ্গে লইয়া খণ্ডরালয়ে আসিয়া উপস্থিত হইল। পুত্রবধূকে পাইয়া কিশোরের মা কিঞ্চিৎ শান্তিলাভ করিল ; কিন্তু তাহার শরীর আর ভাল হইল না ;—ক্রমেই

সে অবসন্ন হইয়া পড়িতে লাগিল। গ্রামের কবিরাজ মহাশয় অনেক ঔষধ দিলেন ; কিছুতেই কিছু হইল না। শেষে একদিন তিনি বলিলেন, “কি করিব, এ রোগ ত ঔষধে সারিবে না, এ যে মনের রোগ—ইহার চিকিৎসা নাই।”

তাহাই হইল ;—দেড় মাস রোগে কষ্ট পাইয়া কিশোরের মা সকল দুঃখের হস্ত হইতে পরিত্রাণ লাভ করিল। নবীন ঘোষ কাঁদিয়া বলিল, “ওরে কিশোর, একবার এসে দেখে যা ; তোরা মা তোরাই শোকে চ’লে গেল। গিন্নি, আমারও আর দেবী নেই, তুমি যাও, আমিও যাচ্ছি। কিশোর, বাবা তোরা মনে কি এই ছিল!”

নবীন ঘোষের কথাই ফলিল। সাত দিনও গেল না ;—নবীন বিছানায় পড়িল। চিকিৎসাপত্রের ক্রটি হইল না ; কিশোরের শ্বশুর এই বিপদের সময় অভিমান করিয়া থাকিতে পারিল না। সে বেহাই-বাড়ী আসিল। তাহার পরই একদিন তুলসীতলায় কিশোরের নাম করিতে-করিতেই নবীন ঘোষের দেহাবসান হইল। মরিবার পূর্ব-মুহুর্ত্তেও নবীন ঘোষ প্রাণপণে চীৎকার করিয়া বলিল, “ওরে কিশোর, আমি আমার দিকি ফিরিয়ে নিলাম বাবা !” তাহার পরই সব শেষ !

( ২ )

ইহার পর পাঁচ বৎসর চলিয়া গিয়াছে। নবীন ঘোষের বাড়ীতে যে কয়খানি ঘর ছিল, তাহা ভূমিসাৎ হইয়াছে ; আসবাবপত্র যাহা ছিল, তাহা গ্রামের দশজনে যে দিক দিয়া পাইয়াছে লইয়া গিয়াছে, নবীন ঘোষের ভিটা এখন জঙ্গলে পরিপূর্ণ। কিশোরের স্ত্রীও বছরখানেক পূর্বে মারা গিয়াছে। গ্রামের লোক কিশোরের কথা এক প্রকার ভুলিয়া গিয়াছে বলিলেই হয়।

পাঁচ বৎসর পরে এক দিন কিশোর গ্রামে আসিয়া উপস্থিত হইল। সে প্রথমেই তাহাদের বাড়ীর দিকে গেল। বাড়ীর সম্মুখে রাস্তার উপর দাঁড়াইয়া দেখিল ঘরদ্বার কিছুই নাই; গুটি-তিনেক ভিটা পড়িয়া আছে, আর সমস্ত স্থানটা জঙ্গলে ভরিয়া গিয়াছে। রাস্তার পাশ্বেই একটা বটগাছ ছিল; কিশোর মাথায় হাত দিয়া সেই বটগাছের ছায়ায় বসিল, তাহার পুঁটুলিটি তাহার পার্শ্বে পড়িয়া রহিল।

কিশোর মনে করে নাই যে, তাহার বাড়ীর এই অবস্থা হইয়াছে। পাঁচ বৎসরের মধ্যেই এত পরিবর্তন হইয়া গিয়াছে। তাহার বাবা কোথায় গেল? তাহার মা কোথায়? সে যে পিতামাতার চরণ দর্শন করিবার জন্য দেশে আসিয়াছে। তবে কি তাহারা বাঁচিয়া নাই? নিশ্চয়ই নাই, নতুবা বাড়ীর এ অবস্থা হইবে কেন? কিশোর একটা দীর্ঘ-নিঃশ্বাস ফেলিল। তাহার মনে হইল, তাহারই জন্য গৃহের আজ এ অবস্থা! তাহারই শোকে তাহার পিতামাতা অকালে দেহত্যাগ করিয়াছে। তাহার ইচ্ছা হইতে লাগিল, একবার উচ্চৈঃস্বরে বাবা, মা বলিয়া প্রাণ ভরিয়া কান্দে। কিন্তু তখন তাহার কথা বলিবার শক্তি ছিল না; তাহার চক্ষের জল শুকাইয়া গেল। সে সেই জঙ্গলাকীর্ণ বাড়ীর দিকে এক দৃষ্টিতে চাহিয়া বসিয়া রহিল।

কিছুক্ষণ পরে একজন লোক সেই বৃক্ষতলে আসিয়া উপস্থিত হইলেন। ইনি আর কেহই নহেন, কিশোরদিগেরই পুরোহিত বৃদ্ধ রামতনু ভট্টাচার্য্য। পুরোহিত মহাশয় কিশোরের দিকে চাহিয়াই তাহাকে চিনিতে পারিলেন; সবিস্ময়ে বলিলেন, “কে ও, কিশোর না?”

এই সম্বোধন শুনিয়া কিশোর পুরোহিত মহাশয়ের দিকে শূন্য দৃষ্টিতে চাহিল, কোন উত্তরই দিতে পারিল না।

পুরোহিত মহাশয় বলিলেন, “কিশোর, কখন এলে? এমন কোরে এখানে বসে কেন?”

এইবার কিশোর উঠিয়া দাঁড়াইল; তাহার পর পুরোহিত মহাশয়কে প্রণাম করিয়া তাঁহার পদধূলি গ্রহণ করিল। তাহার পর বলিল, “ঠাকুর-মশাই, বাবা কেমন আছে, মা কোথায়? বাড়ীর এ হাল কেন?”

পুরোহিত বলিলেন, “তুমি বুঝি কোন সংবাদই রাখ না। তোমার পিতা এবং তোমার মাতা এবং——”

তাঁহার কথায় বাধা দিয়া নিতান্ত উন্মত্তের ন্যায় চাৎকার করিয়া কিশোর বলিয়া উঠিল “ঠাকুর মশাই, এবং এরও সেই পথে যাওয়াই ঠিক ছিল; হাঁ, হাঁ, এবং-এরও সেই পথে যাওয়াই ঠিক ছিল।”

পুরোহিত মহাশয় বলিলেন, “কিশোর অধীর হোয়ো না, পিতামাতা কাহারও চিরকাল বাঁচিয়া থাকে না; তবে তোমার সঙ্গে তাদের শেষ সময় সাক্ষাৎ হইল না এটা, বিশেষ পরিতাপের কথা বটে। তা কি করবে বল। শাস্ত্রেই আছে—নিয়তি কে ন বাধ্যতে। তাদের নিয়তি ছিল এবং——”

কিশোর পুনরায় বাধা দিয়া বলিল, “ঠাকুরমশাই, আপনার নিয়তি এবং-কে রেখে গেল কেন?”

পুরোহিত মহাশয় বলিলেন, “সে কথা পরে হবে, এখন চল, আমার বাড়ীতেই চল। তোমার নিশ্চয়ই স্নান-আহার হয় নাই; চল, বাড়ীতে চল। আগে স্নানাহার কোরে স্থির হও, তার পর সব কথা হবে, ওঠ।”

কিশোর আর কোন কথা না বলিয়া তাহার পুঁটুলিটা তুলিয়া লইয়া পুরোহিত-মহাশয়ের অনুসরণ করিল।

পুরোহিত মহাশয় বাড়ীতে পৌঁছিয়া কিশোরকে বলিলেন “কিশোর, বেলা প্রায় তৃতীয় প্রহর পার, বিলম্ব করো না, স্নান ক’রে এস।”

কিশোর বলিল, “ঠাকুর-মশাই, এবং-এর ত আজ স্নান-আহার নেই। বাপ-মায়ের কোন কাজই ত এবং করে নাই, সে খবরও ত এবং—”

পুরোহিত-মহাশয় বলিলেন, “ও কি তুমি এবং-এবং করছ ; পাগল হ’লে না কি ?”

কিশোর বলিল, “যে পিতামাতাকে হত্যা করেছে, সে পাগল বই কি ! তবে এবং-এর কথা এই যে, তার বাপ-মায়ের কোন কাজই তা হ’লে হয় নাই।”

পুরোহিত মহাশয় বলিলেন, “ত। আর হয়েছে কৈ ! কে করে ? তোমার স্ত্রী যথাশাস্ত্র য-হয় তা না কি তার পিত্রালয়ে করেছিল। সেও ত বাচিয়া নাই ; গত বৎসর সংবাদ পাইয়াছিলাম, তাহার মৃত্যু হইয়াছে।”

কিশোর বলিল, “তাহা হইলে ঠাকুর-মশাই, এবং একেবারে নিশ্চিত—একেবারে কোথাও কেউ নেই। যাক, বাচা গেল, এবং তা হলে আজ উপবাসই করবে ; কাল একটা শ্রাদ্ধশাস্তি করাই চাই।”

পুরোহিত মহাশয় বলিলেন, “সে অতি উত্তম প্রস্তাব, পুত্রের উপযুক্ত কথাই বটে। তা হলে তুমি এখন বিশ্রাম কর, আমি স্নান-আহ্নিক শেষ করিয়া লই, তার পর একটা ফর্দ করা যাবে।” এই বলিয়া পুরোহিত-মহাশয় বাড়ীর মধ্যে চলিয়া গেলেন ; কিশোর সেখানেই বসিয়া রহিল।

( ৫ )

কিশোর নানা স্থানে কাজ করিয়া কিছু অর্থ সংগ্রহ করিয়াছিল ; পাঁচ বৎসর পরে একবার জন্মভূমি, বাপমা, দুঃখিনী পত্নাকে দেখিবার ইচ্ছা হয়। তাই সে বাড়ী আসিয়াছিল। বাড়ীতে আসিয়া বাহা ওনিল, তাহাতে তাহার সকল বন্ধনই ছিঁড়িয়া গেল।

কিশোর পুরোহিত-মহাশয়ের হস্তে তাহার সমস্ত সঞ্চিত অর্থ দিয়া বলিল, “ঠাকুর-মশাই এবং-এর কাছে আর কিছু নেই। এই দিয়েই বাপমায়ের কাজটা শেষ করে দিন ; আর যদি পারেন, তাহলে সে পরের মেয়েটারও একটা পিণ্ডি দেবার যোগাড় করুন।”

পুরোহিত মহাশয় বলিলেন, “কিশোর, সব টাকা যদি শ্রাদ্ধেই ব্যয় কর, তাহলে পরে কি হবে, সে কথা ত ভাবতে হয়! আমি বলি কি, কিছু খরচ ক’রে শ্রাদ্ধটা শেষ কর, আর বাকী টাকা দিয়ে বাড়ীতে দুই-একখানি ঘর তোল, আবার একটা ববাহ কর, সুখে-স্বচ্ছন্দে বরকরণা কর। বাপের নাম বজায় থাক !”

কিশোর বলিল, “ঠাকুর-মশাই তা আর হয় না, এবং সে পথে আর যাবে না। যে কয় দিন দেবতা বাঁচিয়ে রাখবেন, কোন মতে দিন কেটে গেলেই হয়। ও সব আদেশ আর করবেন না। এবং ও-পথে আর যাচ্ছে না।”

পুরোহিত মহাশয় বলিলেন, “তুমি ও কি এবং আরম্ভ করলে। মাথা খারাপ হ’লে গেল না কি ?”

কিশোর বলিল, “না, ঠাকুর, বাপমায়ের নামও নেওয়া হবে না, বাপমায়ের দেওয়া নামও আর না ; এ দাস এখন এবং।”

পুরোহিত মহাশয় বুঝিলেন, কিশোরের মাথা খারাপ হইয়া গিয়াছে, তিনি আর কিছু বলিলেন না। পরদিন যথারীতি কিশোর তাহার বাপমায়ের এবং তাহার স্ত্রীর শ্রদ্ধ করিল।

( ৬ )

গ্রামের লোক আর কিশোরের নাম ধরিয়া ডাকে না, সকলেই বলে ‘এবং’। কিশোর পুরোহিত মহাশয়ের বাহিরের ঘরের এক পাশে থাকে ; সে মুঠের কাজ করে। কিন্তু সে তাহার প্রয়োজনের অতিরিক্ত একটি পয়সাও উপার্জন করে না।

প্রতিদিন প্রাতঃকালে উঠিয়া সে নিকটবর্তী হাটে যায়। হাটের অনতিদূরে একটা খাল। হাটে যাহারা জিনিষপত্র বিক্রয় করিতে আসে, তাহাদের অনেকেই দূরস্থান হইতে নৌকার বোঝাই দিয়া জিনিষপত্র লইয়া আসে। কিশোর নৌকা হইতে তাহাদের বোঝাগুলি হাটে পৌঁছাইয়া দেয় ; কিন্তু সে অধিকক্ষণ বোঝা বহে না ; আটটা কি দশটা পয়সার মত কাজ হইলেই সে আর বোঝা মাথায় করে না, বলে “এবং আর বোঝা বইছে না ; এই পেটের বোঝা নামে না, তাই বোঝা বইতে হয়।”

কেহ যদি বলে “বিপদ-আপদ ; রোগ-ভোগ ত আছে, তখন কি হবে ?”

কিশোর হাসিয়া উত্তর দেয়, “তখন এবং-এর বোঝা বইবার লোক আছে গো—লোক আছে। এবং আর বোঝা ভার করছে না।”

আট দশটি পয়সা পাইলেই সে হাট হইতে যাহা ইচ্ছা হয় কিনিয়া লইয়া পুরোহিত-মহাশয়ের বাড়ীতে যায় ! কোন দিন বা রান্না করিয়া খায়, কোন দিন বা চিড়া-মুড়কি কিনিয়া আনিয়া তাহাই

আহার করিয়া দিন কাটায়। পুরোহিত মহাশয় কতদিন কিশোরকে প্রসাদ পাইতে বলিয়াছেন ; কিন্তু সে কিছুতেই প্রসাদ গ্রহণ করিত না ; বলিত “এবং বোঝা বইতে এসেছে, বোঝা বইবে আর থাকে—বসে-বসে থাকে না।”

সারাদিন কিশোর পুরোহিত মহাশয়ের বাহিরের ঘরের এক প্রান্তে শয়ন করিয়া থাকে ; কিন্তু প্রতিদিন সন্ধ্যার সময় সে একবার তাহার সেই পরিত্যক্ত, জঙ্গলাকীর্ণ বাড়ীর সম্মুখে দাঁড়াইবেই ;—কিছুতেই তাহার সে কার্যে বাধা দিতে পারিত না ; ঝড় হউক, বৃষ্টি হউক, কিশোর একবার সেই তাহার পৈতৃক বাড়ীর সম্মুখে যাইয়া দাঁড়াইত এবং করযোড়ে কি ভাবিত ; তাহার পর আভূমি প্রণত হইয়া সে গান ধরিত—

“ওরে দিন ত গেল, সন্ধ্যা হোলো,

পার কর আমারে ।

ভূমি পারের কর্তা, শুনে বার্তা,

ডাকছি হে তোমারে ।”

সন্ধ্যার অন্ধকার যখন ঘনাইয়া উঠিত, তখন প্রতিদিন প্রতিবেশীরা কিশোরের কণ্ঠনিঃসৃত এই সুন্দর গান শুনিয়া তৃপ্তিলাভ করিত। কিন্তু তাহার পর, অল্প সময়ে যদি কেহ তাহাকে গান গায়িতে বলিত, তাহা হইলে সে বলিত, “এবং কি গান জানে ? ঐ একটাই সে জানে—তা তোমরা শুনে কি করবে ?”

কিশোরকে গ্রামের সকলেই ভালবাসিত। পুরোহিত মহাশয় ও তাহার বাড়ীর সকলে বলিত, কিশোর রাত্ৰিতে মোটেই নিদ্রা যায় না, সমস্ত রাত্ৰি বসিয়া জপ করে ; কখন হামে, কখন কাঁদে ; কেহ যদি



সেই সময় ডাকে, অমনই সে আত্ম-সংবরণ করে—কিছুতেই সে তাহার সাধন-ভঙ্গনের কথা কাহাকেও বলে না। পুরোহিত মহাশয় সকলের নিকটই গল্প করিতেন যে, কিশোরের সঙ্গে দেবতাদের কথা হয়, তাই কিশোর অমন হয়ে গিয়েছে। কিশোরকে জিজ্ঞাসা করিলে সে হাসিয়া বলে, “এবং মোট খাটতে এসেছে, মোট খাটে; দেবতার সঙ্গে তার কি? তবে বোঝা বইবার কথা বলচ। তা এবং-য়ের বোঝা বইতে হবে না? খুব হবে—আলুবৎ হবে!”

এমনই ভাবে অনেকদিন চলিয়া গেল; গ্রামের সকলে কিশোরকে শুধু ভালবাসে না, শ্রদ্ধা করে। গ্রামে কাহারও কোন বিপদ হইলে কিশোর বুক দিয়া পড়ে প্রাণপণে যত্ন চেষ্টা করে; সকলেই সেইজন্য তাহার অনুগত। কিন্তু কিশোর কোন দিন কাহারও নিকট কোন প্রকার সাহায্য গ্রহণ করে না।

(৭)

একদিন প্রাতঃকালে কিশোর যথানিয়মে হাটে গেল, কিন্তু সেদিন আর সে মোট মাথায় করিল না। দোকানদারেরা যখন কিশোরকে মোট লইয়া যাইবার জন্য অনুরোধ করিল, তখন সে হাসিয়া বলিল, “এবং আর মোট বইবে না; সে আজ বোঝা নামিয়েছে।”

একজন বলিল “সেকি কিশোর!”

কিশোর বলিল, “আজ এবং-য়ের বোঝা বওয়া শেষ হয়েছে। অনেক দিনের বোঝা আজ নেমে গেছে গো! তোমরা আজ বেলা বারটার সময় ঘাটে এস, তোমাদের নিমন্ত্রণ রইল।”

আর একজন দোকানদার হাসিয়া বলিল “হ্যাঁ কিশোর, আজ বারটার সময় কিসের নিমন্ত্রণ?”

কিশোর বলিল, “ওগো, বুঝতে পারছ না, আজ এবং বোঝা নামিয়েছে ; বেলা বারটার সময় এবং বোঝা বিসর্জন দেবে, তোমরা সবাই এস গো !”

সকলেই মনে করিল, কিশোর তামাসা করিতেছে ; দুই একজন সে কথা বলিল। কিশোর বলিল, “তামাসা নয় ভাই, তামাসা নয়, এবং আজ তার সব বোঝা ঘুচিয়ে দিয়ে চ’লে যাবে ; আর কি সে বোঝা বয়। তার যে ডাক পড়েছে।” কেহই কিছু কথাটা বিশ্বাস করিল না।

এদিকে কিশোর পুরোহিত মহাশয়ের বাড়ীতে যাইয়া তাঁহাকে বলিল, “ঠাকুর, আজ দুপুর বেলা আপনাকে একবার খালের ধারে যেতে হবে।”

পুরোহিত মহাশয় বলিলেন, “দুপুর বেলা খালের ধারে কেন কিশোর ?”

কিশোর বলিল, “একবার পায়ের ধুলো দিতে হবে ঠাকুর। এবং আজ বোঝা নামাবে।”

পুরোহিত মহাশয় বলিলেন, “তোমার কথা ত কিছুই বুঝতে পারলাম না কিশোর।”

কিশোর বলিল, “সেখানে গেলেই বুঝতে পারবেন ঠাকুর-মশাই।” এই বলিয়া কিশোর সেই স্থানেই বসিয়া পড়িল এবং অল্পস্বরে কি বলিতে লাগিল। পুরোহিত-মহাশয় কিশোরের এ ভাব জানিতেন ; সুতরাং তিনি কার্যান্তবে চলিয়া গেলেন।

বারটা বাজিবার কিঞ্চিৎ পূর্বেই কিশোরের ধ্যান ভঙ্গ হইল। সে তাড়াতাড়ি উঠিয়া পুরোহিত মহাশয়ের বাড়ীর মধ্যে যাইয়া ডাকিল, “ঠাকুর মশাই, আসুন ; বেলা যে হয়ে এল।”

পুরোহিত-মহাশয় বলিলেন, “কিসের বেলা কিশোর ?”

কিশোর বলিল, “এবং-য়ের বোঝা নামাবার সময় যে হয়ে এল, আপনি আসুন, একটু পায়ের ধুলো যে দিতে হবে ঠাকুর !”

পুরোহিত ঠাকুর আব কি করেন ; ধীরে ধীরে অগ্রসর হইলেন, কিশোর তাঁহার পশ্চাতে চলিল ।

তাহারা খালের ধারে উপস্থিত হইল । তখনও হাট ভাঙ্গে নাই । কিশোর তখন বলিল, “ঠাকুর মশাই, তবে এবং বোঝা নামাক ?”

পুরোহিত ঠাকুর বলিলেন “তোমার অভিপ্রায় কি, তাহা ত বুঝতে পারছি নে কিশোর !”

কিশোর আর কোন কথা বলিল না ; ধীরে ধীরে পুরোহিত ঠাকুরের পদধূলি গ্রহণ করিল । তাহার পর সে জলে নামিল । তাহারা দেখিবার জন্ত হাটের লোক তখন খালের ধারে কাতার দিয়া দাঁড়াইল । কিশোর জলে দাঁড়াইয়া এক গণ্ডুষ জল মাথায় দিল । তাহার পর একবার সে চীৎকার করিয়া বলিল, “হরিবোল”—তাহার পরই একে-বারে চূপ !

তখন সকলে ধরাধরি করিয়া কিশোরের দেহ তীরে তুলিল ;—দেখিল সব শেষ হইয়া গিয়াছে,—কিশোর সাধনোচিত ধাৰে চলিয়া গিয়াছে ।

এখনও লোকে সেই ঘাটের নাম ‘এবং ঘাট’ বলিয়া থাকে ।



## মোহিতের পরিণাম ।

মোহিত আর আমি একই বৎসরে আমাদের গ্রামের ইংরাজী স্কুল হইতে প্রবেশিকা পরীক্ষা দিই । পরীক্ষার ফল যখন বাহির হইল, তখন দেখা গেল, মোহিত তৃতীয় বিভাগে গিয়াছে এবং আমি প্রথম বিভাগে পাশ হইয়াছি । মাষ্টার-পণ্ডিত সকলেই বলিলেন, আমি নিশ্চয়ই একটা স্থিতি পাইব ; আমার মনে কিন্তু সে আশার উদয় হয় নাই । আমার মতন হতভাগ্যের অদৃষ্ট কি এত প্রসন্ন হইবে ?

আমার অদৃষ্ট যদি মন্দ না হইবে, তাহা হইলে যখন আমি দ্বিতীয় শ্রেণীতে পড়ি, যখন আমার বয়স ১৫ বৎসর, যখন সংসারে আমার আশা কেহ ছিল না, সেই সময় হঠাৎ বাবা মারা যাইবেন কেন ? জ্যাঠা নাই, খুড়ী নাই, মামা নাই, বড় ভাই নাই, এমন কি একজন ভগ্নীপতিও নাই, এমন অবস্থায় মা, বিধবা দিদি এবং আমাকে ফেলিয়া বাবা অকালে স্বর্গে চলিয়া যাইবেন কেন ?

তবে এ কথাও বলি, বাবা আমাদের সামান্য একেবারে পথে বসাইয়া যান নাই । আমাদের সামান্য যে জোতজমা ছিল এবং এখনও আছে, তাহাতে এই ছোট পরিবারের মোটা ভাত মোটা কাপড় চলিয়া যাইতে পারে ; কিন্তু তাহা হইতে আমার ভবিষ্যৎ পড়াশুনার ব্যয় নির্বাহ হইবার কোনই সম্ভাবনা ছিল না ।

বাবার মৃত্যু হইলে আমি মনে করিয়াছিলাম, আর আমার পড়া চলিবে না । কিন্তু মা বলিলেন, “তোমার ভয় কি ? তোমার

লেখাপড়ার ভাবনা নাই। না হয় ভিক্ষা করিব, তবুও তোকে পড়াইব।” মায়ের হাতে কিছু টাকা ছিল, সেই সাহসেই তিনি এ কথা বলিয়াছিলেন।

যাহা হউক প্রথম বিভাগে পাশ হইয়া আমার উৎসাহ খুব বৃদ্ধি হইল। হেড মাষ্টার বলিলেন “বৃত্তি পাইলে তুমি প্রেসিডেন্সি কলেজে ভর্তি হইও।” আমি বলিলাম “যদি না পাই।” তিনি বলিলেন “পাবে হে, পাবে।” আমি ঠিক জানিতাম যে, আমার অদৃষ্টে বৃত্তি পাওয়া নাই।

তাহাই হইল; আমি বৃত্তি পাইলাম না। মা বলিলেন “না পেলি টাকা, আমি তোকে মাসে-মাসে কুড়ি টাকা ক’বে দেব, তুই কলেজে পড়তে যা।”

আমি বলিলাম “পড়ব ত ঠিক, কিন্তু কলেজে নয়; আমি ডাক্তারী পড়ব।”

বন্ধুবান্ধব আমার এই কথা শুনিয়া ছি. ছি, করিতে লাগিলেন; তাঁহার সকলেই বলিলেন “ফাষ্ট ডিবিসনে পাশ ক’রে কি না ক্যাথেলের ডাক্তার হ’তে যাবে।” ক্যাথেলের ডাক্তার যেন মানুষ নয়!

আমি মাকে বলিলাম “দেখ. কলেজে অনেক দিন পড়তে হবে, তাতে খরচও অনেক। তার পর পাশ হব, না হব, তার ঠিক নেই। আর ধর যদি বি-এ এম-এই হই, তা হলেই বা কি হবে? এখনকার দিনে মুক্কী না থাকলে শুধু পাশে কিছু হয় না। তোমার হাতে ত রাজার ভাণ্ডার নাই যে, দুহাতে দুদশ বছর খরচ করবে। তার থেকে আমি ক্যাথলে ডাক্তারি পড়ি, তিন বছরেই পড়া শেষ হবে। পাশ যদি করতে পারি, তা হ’লে ত ডাক্তারই হয়ে পড়ব; আর পাশ যদি না

করি, তা হ'লেও চিকিৎসাপত্র করে ছুপয়সা আন্তে পারবই। কলেজে পড়ে তা হবার যো নেই।” মা আমার কথা বুঝিলেন, আমার ক্যাষেলে পড়াই স্থির হইল।

মোহিত আর আমি এক-বয়সী ; কিন্তু বয়স সমান হইলে কি হয়, মোহিত আমার অপেক্ষা চালাক-চতুর ; মোহিত দশমুখে কথা বলিতে পারিত ; মোহিত ধবরের কাগজ পড়িত ; মোহিত বুয়ার যুদ্ধের সমস্ত সংবাদ বলিতে পারিত ; মোহিত না কি কবিতাও লিখিতে পারিত। আর আমি,—আমি না হয় পরীক্ষায় প্রথম বিভাগেই পাশ হইয়াছিলাম, কিন্তু উপরিউক্ত বিষয়গুলির পরীক্ষা লইয়া যদি পাশ-ফেল হইত, তাহা হইলে মোহিত প্রথম বিভাগে, এমন কি প্রথম দশজনের একজন হইত, আর আমি সমস্ত বিষয়ে ঢেঁড়া-সহি হইতাম। আমি একে বাঙ্গাল, তাঁহা পাড়ার্গেয়ে, তার উপর আবার মুখচোরা—একেবারে সোণায় সোহাগা !

( ২ )

মোহিতের সঙ্গে যখন আমার কলিকাতায় যাওয়া স্থির হইল, তখন সে আমাকে তালিম দিতে আরম্ভ করিল। সে বলিল, “দেখ, কোল্-কাতার গিয়ে এমন অসত্যের মত থাকলে তুই সেখানে টিকতেও পারবি নে। এখন থেকেই কথাবার্তা কোল্কাতার মত বলতে অভ্যাস কর। আমি তোকে কতদিন বলিনি যে, ‘করতাম’ ‘খাতাম’ বলিস্নে, ‘কর্তুম’ ‘খেতুম’ বলা অভ্যাস কর। তুই তখন হেসেই উড়িয়ে দিতিস। এখন কোল্কাতায় গিয়ে যদি ঐ রকম কথা বলিস্ন, কোঁচার কাপড় কোমরে ছড়িয়ে, খালি গায়ে থাকিস্ন, তা-হলে কোন মেসেই তোকে স্থান দেবে না ; আমি ও তা-হ'লে তোর সঙ্গে এক মেসে থাকতে

পারব না। কোলকাতায় খুব ফিট্কাট হ'য়ে থাকতে হয়, নইলে ভারি বিপদ; সে কথা কিন্তু আগেই ব'লে রাখছি। তুই ত আগে আর কখন কোলকাতায় যাসনি, আমি কতবার গিইছি; তাই আমার কথা শুধরে গেছে, আমি সেখানকার চাল-চলন সব শিখে নিইছি; এত দিন যারা আমায় ঠাট্টা করত, কলকাতাই ব'লত, তারা এখন গিয়ে যেন দেখে নেয়, আমার কেমন সুবিধে হয়েছে, আর তোর কত অসুবিধা পোয়াতে হচ্ছে।”

মোহিতের কথা শুনিয়া সত্যসত্যই আমার হৃদয়ে ভয়ের সঞ্চার হইয়াছিল। একে কখন দেশ ছাড়িয়া বিদেশে যাই নাই, তাহার পর মোহিত যে প্রকার ভয় দেখাইয়াছিল, তাহাতে মনে হইয়াছিল, হয় ত আমাকে কলিকাতা হইতে ফিরিয়াই আসিতে হইবে, সেখানে পড়া-শুনা আমার পক্ষে অসম্ভব হইবে। শেষে মনে হইল, আমার মত বাঙ্গাল কি কেহ কলিকাতায় পড়িতে যায় না? আমি তখন মোহিতকে বলিলাম “তাই, তোর সঙ্গেই ত যাইব, তুই আমাকে যেমন-যেমন করতে বলবি, আমি তাই করব।”

মোহিতকে যে আমি যুরুকী ধরিলাম, ইহাতে সে বড়ই আনন্দিত হইল। সে বলিল “তা, তোর কোন ভয় নেই, তোর সব ক্রটি আমি সেরে নেব।”

যথাসময়ে মা ও দিদিকে প্রণাম করিয়া, তাঁহাদের আশীর্বাদ গ্রহণ করিয়া মোহিতের সহিত কলিকাতায় যাত্রা করিলাম। মোহিতের মামা সিটি কলেজে বি-এ পড়িতেন, তিনি ষ্টেশন হইতে আমাদেরকে তাঁহার মেসে লইয়া গেলেন।

তাহার পর বহুবাজার অঞ্চলে আমাদের জন্য একটা মেসের

অনুসন্ধান আরম্ভ হইল। আমি বলিলাম, “যে মেসে আমাদের দেশের ছেলে বেশী আছে, সেই রকম একটা মেসে গেলে ভাল হয়।” আমার কথা শুনিয়া মোহিত রাগিয়া উঠিল; সে বলিল “বাঙ্গালদের সঙ্গে এক মেসে আমরা থাকব না।”

আমি বুঝিলাম, কলিকাতায়, ত্রিরাত্রি না যেতেই মোহিত কলিকাতাওয়ালার সহরে হইয়া গিয়াছে, আর আমরা সবাই বাঙ্গাল হইয়া গিয়াছি। কি করিব, তাহাকে কর্ণধার কবিতা যখন কলিকাতা-রূপ আটলান্টিক মহাশায়ের খেয়ায় উঠিয়াছি, তখন সে যদি গায়ে একটু জল ছিটাইয়াই দেয়, তাহা অবশ্যই সহ্য করিতে হইবে।

মোহিত ও তাহার মামা মেস খুজিতে বাহির হইত, আমাকে সঙ্গে লইত না; যাইতে চাহিলে বলিত “তুই ছেলেমানুষ, পাড়াগেঁয়ে, তুই সহরের কি জানিস্।” ব্যস, চুপ। মোহিত একবারে ভুলিয়া গিয়াছিল যে, সে আমার তিন মাসের ছোট, এবং সে তৃতীয় বিভাগে প্রবেশিকা পরীক্ষায় উত্তীর্ণ হইয়াছে, আর আমি প্রথম বিভাগে। সে আমাকে নিতান্ত নাবালক ও নালায়েকের দলে ফেরিয়া দিল। স্কুলে পড়িবার সময় পণ্ডিত মহাশয় যখন-তখন বলিতেন ‘বয়সেতে বৃদ্ধ হয় না, বুদ্ধ হয় জানে।’ এ ক্ষেত্রে তাহার বিশেষ প্রমাণ পাইলাম।

অনেক অনুসন্ধানের পর হুজুরিমলের ট্যাঙ্ক লেনে একটা মেস পাওয়া গেল। সেই মেসের একটা ঘরই খালি ছিল; তাহাতে দুইজনের থাকিবার কথা। মোহিত না কি প্রথমে আপত্তি করিয়াছিল যে, সে আমার সঙ্গে এক ঘরে থাকিবে না; এক মেসে সে থাকিতে সম্মত হইয়াছে, সে কেবল আমি তাহার সঙ্গে কলিকাতায় আসিয়াছিলাম বলিয়া। কিন্তু সে মেসে অল্প ঘরে কোন স্থান খালি ছিল না, অগত্যা



তাহাকে আমার সঙ্গে একমুহুরে একই ঘরে থাকিতে হইল। মোহিত বঙ্গবাসীতে ভর্তি হইল, আমি শিয়ালদহের ক্যাথোলিক মেডিকেল স্কুলে প্রবিষ্ট হইলাম।

মা তাঁহার সঞ্চিত অর্থ হইতে প্রতি মাসে আমাকে কুড়িটা টাকা পাঠাইতেন। প্রথম আদিবার সময় পুস্তক ও জিনিসপত্রাদি কিনিবার জন্য অতিরিক্ত ৫০টা টাকা দিয়াছিলেন। স্কুলের বই কিনিতেই তাহার অর্ধেকের অধিক ব্যয় হইয়া গিয়াছিল। আমি যখন বই কিনিতে আরম্ভ করিলাম, তখন মোহিত একদিন আমাকে বলিল “এক-সঙ্গে এত বই কেন কিন্চিস্ ; যখন যে বই পড়া আরম্ভ হবে, তখন সেইখানি কিন্লেই হবে। এখন অগ্ৰাণ্য অনেক খরচ আছে।”

আমি বলিলাম “অগ্ৰাণ্য আর কি ? কাপড়-চোপড় যা বাড়ী থেকে আনিয়াছি, তাহাতেই চলিয়া যাইবে, বিছানাপত্রও আনিয়াছি, খালা-গ্লাসও আনিয়াছি। এখন আর চোকা কিনিব না ; দোস্তলার ঘর, একটা মাদুর কিনিয়া লইলেই হইবে।”

আমার কথা শুনিয়া মোহিত রাগিয়া অস্থির হইল ; সে বলিল, “ঐ জন্মই ত তোর সঙ্গে এক ঘরে, এক মুহুরে থাকিব না ব’লোছলাম। বাড়ী থেকে যে কাপড়-জামা এনেছিস্, তা যদি এখানে ব্যবহার করিস্, তা হ’লে তোকে স্কুলে বসিতেই দেবে না। ঐ চটি জুতো পায়ে দিয়ে বুঝি স্কুলে যাবি। কোলকাতায় যদি থাকিতে হয়, তা হ’লে আমি যা বলি, তাই কর। আমার সঙ্গে চল, ভাল দেখে জামা কিনে দিই, কোট কিনে দিই, বুট জুতো কিনে দিই। তার পর আয়না, বুকস, চিরুণী কিনিতে হবে, তোয়ালে কিনিতে হবে, সাবান কিনিতে হবে, কুমাল কিনিতে হবে। এ সব চাই ; কোলকাতায়

থেকে পড়াশুনা কোরতে হ'লে এ সব আগে চাই ; বই দুই একখানা চেয়ে-চিন্তেও চলে, এ সব ত আর চেয়ে পাওয়া যায় না। তারপর, জানিস্, একটু চালাক-চতুর হ'তে হবে, থিয়েটার দেখতে যেতে হবে ; যেখানে-যেখানে সভা হবে, লেকচার হবে, তা সব শুনতে যেতে হবে। এ সব না ক'রলে লেখাপড়াই হয় না। এই ত কয় দিন এসেছি, এর মধ্যে ছেলেদের চাল-চলন দেখেও কি বুঝতে পারলি না ?”

আমি সাহসে নির্ভর করিয়া বলিলাম “ভাই মোহিত, তোমাদের অবস্থা ভাল, তোমরা ও-সবে খরচ করতে পার। আমি গরিব মানুষ ; আমার কি ও-সমস্ত পোষায়। তা, তোমাদের যদি অশুবিধা বোধ হয়, তাহা হইলে আমি দেখে-শুনে আমার মত গরিবের ছেলেরা যেখানে থাকে, সেই রকম একটা মেসে যাব।”

মোহিত রাগিয়া বলিল “বেশ, সেই ভাল। আমি তা হ'লে বাঁচি।”

তাহার পর কুড়ি বাইশ দিন মোহিতের সঙ্গে এক মেসে ছিলাম, পরে শিরালদহের অতি নিকটে আর একটা মেসে গিয়াছিলাম। সেখানে আমাদের অঞ্চলের কয়েকটা ছাত্র ছিলেন ; সকলেই ডাক্তারী পড়িতেছেন, এবং সকলেই প্রায় আমার মত গরিব। আমি যে তিন বৎসর কলিকাতায় ছিলাম, এই এক মেসেই কাটাইয়াছিলাম।

মোহিতের সঙ্গ ছাড়িয়া আসিবার পর সে যদিও কোনদিন আমার সংবাদ লয় নাই, আমি কিন্তু সৰ্বদাই তাহার খোজ লইতাম। তাহার সহিত দেখা হইলে সে মুকুন্দীগিরি করিতে ছাড়িত না। বিশেষ সে তখন নাকি দশজনের একজন হইয়াছিল। মাথায় লম্বা চুল রাখিয়াছিল, (তখন তাহাই ফ্যানান ছিল) চসমা পরিয়াছিল, সিঁথি কাটিত, এসে

মাখিত ;—এক-কথায় বাবু হইবার জন্ত যাহা কিছু সরঞ্জাম, তাহা সমস্তই সে সংগ্রহ করিয়াছিল। শনিবার ও রবিবারে যথানিয়মে থিয়েটারে যাইত, আকাশ ভাঙ্গিয়া বজ্রপাত হইলেও তাহার থিয়েটারে যাওয়া বন্ধ হইত না। যেখানে যখন যে লুজুগ হইত, মোহিত তাহাতেই যোগ দিত। সে আর সবই করিত, কিন্তু যে জন্ত কালকাতায় গিয়াছিল, সেই পড়াশুনাই করিত না।

তখন কলেজে উপস্থিত-অনুপস্থিতের কোন হাঙ্গামা ছিল না ; দুই বৎসর রেজেন্টেরী-বহিতে নাম রাখিতে পারিলেই এল-এ পরীক্ষা দেওয়া যাইত। মোহিত কলেজে যাক্ অর নাই যাক্, পড়ুক আর না পড়ুক, দুই বৎসর কলেজে বেতন যোগাইয়াছিল, সুতরাং দুই বৎসর পরে তাহার পরীক্ষা-প্রদানের কোন প্রতিবন্ধক হইল না ; তাহার পিতা তাহাকে মাসে মাসে যে টাকা পাঠাইতেন, তাহাতে কি মোহিতের মত বাবু লোকের কলিকাতার খরচ চলে ? সে মধ্য-মধ্যে নানা কথা বলিয়া বাড়ী হইতে কিছু কিছু অতিরিক্ত আনাহত, কিন্তু তাহাতেও তাহার কুলাইত না। আমার নিকট সে কোন দিন টাকা ধার করিতে আসে নাই, কারণ সে জানিত, আমার বাড়ী হইতে যাহা আসে, তাহার একটী পরসাত্ত বাচে না। সে অন্যান্য ছাত্রের নিকট ধার করিত, মেসের ঝির নিকট তাহার অনেক টাকা ধার হইয়াছিল, যে লোকটা জলখাবার দিত তাহার নিকটও ধার হইয়াছিল। সে কাহারও টাকা সহজে শোধ দিত না, সেই জন্ত একস্থানে দুইবাব ধার করা তাহার পক্ষে সহজ হইত না।

পরীক্ষার পর আমার সঙ্গে যখন তাহার দেখা হইল, তখন তাহাকে বাড়ী যাওয়ার কথা জিজ্ঞাসা করিলাম ; সে বলিল “বাবা, ঐ ম্যালোরিয়ার

মধ্যে যাইয়া কি প্রাণ হারাইব ?” মোহিত বাড়ীতে গেল না ! পরীক্ষার কল বাহির হইলে, গেজেট খুঁজিয়াও তাহার নাম পাওয়া গেল না ;— পড়াশুনা করিলে ত পাশ হইবে ?

আমি মনে করিয়াছিলাম, একবার ফেল হইয়া হয় ত মোহিতের জ্ঞান হইয়াছে, সে হয় ত পুনরায় পরীক্ষার জন্ম প্রস্তুত হইবে। বাহিরে আমার কথাই ঠিক থাকিল ; মোহিতের পিতা আর এক বৎসর তাহার পড়ার খরচ চালাইতে লাগিলেন। কিন্তু মোহিত আর কলেজে নাম লিখাইল না ; বাড়ীতে সকলে জানিতে লাগিল মোহিত পড়াশুনাই করিতেছে, কিন্তু মোহিত কলেজ ছাড়িয়া দিল। মাসে মাসে বাড়ী হইতে টাকা আসে, মোহিত বাবুগিরিতে সে টাকা উড়াইয়া দেয়। সত্য মিথ্যা বলিতে পারি না, মোহিতের না কি স্বভাবচরিত্রও বিগড়াইয়া গিয়াছিল।

এই সময়ে একদিন মোহিতের সহিত আমার দেখা হইয়াছিল। সে শুনিয়াছিল যে, আমি দ্বিতীয় বার্ষিক শ্রেণীর পরীক্ষায় কয়েকটি বিষয়ে প্রথম স্থান অধিকার করিয়া মাসিক ১৫ টাকা বৃত্তি পাইয়াছি এবং আমাকে কলেজের বেতনও দিতে হয় না। মোহিত আমাকে দেখিয়া বলিল “ওরে, তুই নাকি বৃত্তি পেয়েছিস, বেশ—বেশ ! আর একটা বছর গেলেই ডাক্তার আর কি ! তা দেখ্ এখন ত তোর টাকাকড়ির অভাব নেই, আমাকে দশটি টাকা হাওলাত দিতে পারিস্, আমি মাইনে পেলেই তোর টাকা দিয়ে যাব।”

আমি বলিলাম “মাইনে কি ? তুমি চাকুরী কোরছ না কি ?”

মোহিত বলিল “ওহো ! সে খবর তোকে বুঝি দিই নেই, আমি যে বেঙ্গল থিয়েটারের এসিষ্ট্যান্ট ম্যানেজার হয়েছি ; মাসে ৬০ টাকা

পাই ; দু'চার মাস পরেই ম্যানেজার হব আর কি । তখন ১০০১ টাকা মাইনে হবে, আর ঘণ্টা পাব । তুই একদিন থিয়েটারে যাস, তোকে 'বক্সে' বসিয়ে প্লে দেখাব ।”

আমি বলিলাম “আজ দুই বছর হ'য়ে গেল, কোন আয়োজ দেখতে যাই নাই ; শেষ পরীক্ষাটা হ'য়ে যাক্, তাপর সে সব দেখা যাবে ; এখন কি আব সময় আছে ?”

মোহিত বলিল “তা বেশ, বেশ, তাই হবে । চল্ তোর সঙ্গে যাই, আমার দশটা টাকার খুবই দরকাব । যেদিন মাইনের টাকা পাব, সেই দিনই তোর টাকা আগে দিয়ে যাব, বড় বেশী হয় ত আট নয় দিন ।”

আমি বলিলাম “তাই, আমার অবস্থা ত জান, যা তাঁর জমা টাকা ভেঙ্গে আমার খরচ দিতেন । এবার বৃত্তি পাওয়ার পর হইতে মার নিকট থেকে আব খরচ আনাই নে । বৃত্তির টাকা পাই, তাই দিয়েই চালাই । কাজেই আমার হাতে একটা পয়সাও থাকে না ।”

মোহিত ছাড়িবার পাত্র নয় ; সে বলিল “তোর কাছে না থাকে, মেসের কোন ছেলের কাছ থেকে ধার ক'রে দে, আমি ঠিক আট দশদিন পরে দিয়ে যাব ।”

আমি বলিলাম “সে হবে না তাই, ধারকে আমি বাধের মত ভয় করি । আমি কোন দিন ধার করি নাই, কখন ধার কোরবো না, ভিক্ষা করতে হয়, সেও ভাল ।”

মোহিত অসন্তুষ্ট হইয়া বলিল “দিবিনে তাই বল, অত কথার দরকার কি ?” এই বলিয়াই সে চলিয়া গেল ।

আমাদের মেসে আমার সতীর্থ একটা ছাত্র ছিলেন । তাঁহার

থিয়েটার দেখিবার খুব বাতিক ছিল। তাঁহাকে মোহিতের কথা বলিলাম। তিনি হাসিয়াই অস্থির ; শেষে বলিলেন “তুমিও যেমন, মোহিত বাবু ম্যানেজার না আরও কি ! তিনি থিয়েটারের টিকিট কালেক্টর। যে কয়দিন থিয়েটার হয়, সেই কয়দিন ছুয়ারে দাঁড়াইয়া টিকিট লন। শুনিয়াছি, এই কাজের জন্ত তিনি সপ্তাহের ঐ তিন দিন আট আনা হিসাবে পারিশ্রমিক পান, আর থিয়েটার দেখা উপবিলাভ। আর যা কবেন, তা আর শুনে কাজ নাই।” এই কথা শুনিয়া আমি শু অবাক ! মোহিতের যে এতদূর অধঃপতন হইবে, তাহা কোন দিনই ভাবি নাই ; তাহার জন্ত বড়ই দুঃখ হইল।

মাস দুইয়ের মধ্যে মোহিতের আর কোন সংবাদ পাইলাম না। একদিন রবিবার রাত্রি প্রায় একটার সময় আমার উপরিউক্ত বন্ধুটি থিয়েটার হইতে ফিরিয়া আসিয়া আমাকে জাগাইয়া বলিলেন “শুনেছ, তোমাদের মোহিত আজ কি কীর্তি করেছে ?”

আমি বলিলাম “ব্যাপার কি ?”

তিনি বলিলেন “আর ব্যাপার ! একেবারে পিক-পকেট ( pick pocket )। একটা ভদ্রলোক থিয়েটার দেখতে এসেছিলেন। তিনি যখন ছুয়ার দিয়া ভিতরে ষাইতেছিলেন, মোহিত তখন তাঁহার পকেট হইতে টাকশুদ্ধ রুমালখানি তুলিয়া লইয়াছিল। আর একটা লোক তাহা দেখিতে পাইয়া তখনই মোহিতকে ধরিয়া ফেলেন। মহা গণ্ডগোল ! আমরা সকলে গিয়ে তাকে ছাড়িয়ে দিবার জন্ত কত অনুরোধ করিলাম ; ভদ্রলোকটিও সন্মত হইলেন, ; কিন্তু থিয়েটারের কর্তারা সে কথা শুনিলেন না। তাঁহারা মোহিতকে পুলিশের জিহ্বা করিয়া দিলেন। তাহাকে তখনই থানায় লইয়া গিয়াছে।”

মোহিতের এই কুকার্যের কথা শুনিয়া বড়ই মর্মান্তিত হইলাম। সে রাত্রিতে আর কি করিব? পরদিন সকাল-সকাল লালবাজ্রাব পুলিশ কোর্টে গেলাম, সঙ্গে কিছু টাকাও লইয়া গেলাম; যদি তাহার বিশ পঁচিশ টাকা জরিমানা হয়, তাহা হইলে তাহা দিয়া তাহাকে খালাস করিয়া আনিব।

পুলিশ-কোর্টে যাইয়া চারি টাকা দিয়া দিয়া একজন উকিল নিযুক্ত করিলাম। যথাসময়ে মোহিতের মোকদ্দমা উঠিল। সে যে পকেট মারিয়াছিল, তাহা সপ্রমাণ হইয়া গেল। উকিল বাবু মোহিতের প্রতি দয়া করিবার জন্ত বক্তৃতা করিলেন। কিন্তু কিছুতেই কিছু হইল না। বিচারক মহাশয় তাহার প্রতি ছয়মাস সশ্রম কারাদণ্ডের আদেশ প্রদান করিলেন। মোহিত ছলছল নেবে একবার আমার দিকে চাহিল। তাহার পরই আদালতের লোকেরা তাহাকে গারদে লইয়া গেল।

সে আজ দশ বৎসরের কথা। কারাগার হইতে বাহির হইয়া মোহিত যে কোথায় চলিয়া গেল, তাহার আর সন্ধান পাওয়া গেল না। সে বাঁচিয়া আছে কি মরিয়া গিয়াছে, তাহাও আজ পর্য্যন্ত কেহ বলিতে পারে না।

## বড়-দিদি ।

তোমাদের মা আছে, বাপ আছে, স্ত্রী আছে, পুত্র আছে, বন্ধুবান্ধব আছে ;—তোমাদিগকে কেমন করিয়া বুঝাইব বড়-দিদি আমার কে ?

এ সংসারে আমি শ্রী গননাথবন্ধু মিত্র, আমার কেহ নাই—সত্যসত্যই কেহ নাই—আছেন কেবল এক বড়দিদি । তুমি যখন মা বলিয়া বাড়ীতে গিয়া উপস্থিত হও, আমি তখন ভাবি মা আবার কে ? মা ত বড়-দিদি । তোমরা মা বলিয়া যে আনন্দ পাও, আমি দিনান্তে পরিশ্রান্ত দেহে বাড়ীতে আসিয়া “বড়দি” বলিয়া তাহার অধিক আনন্দ, ততোধিক শান্তি পাই । বড়-দিদি আমার সব ; এ সংসারে আমি জ্ঞানী এক বড়-দিদি । আর কাহারও অভাব কোন দিন আমার মনে হয় নাই ।

আমার বয়স এই ২৩ বৎসর । কলিকাতা সহরে আমাদের বাড়ী । বাড়ীতে থাকেন বড়-দিদি, আর থাকি আমি । বুদ্ধি হইয়া অবধিই বড়-দিদিকে দেখিতেছি ; তোমরা মায়ের নিকট যে স্নেহ, আদর পাও, ভাইয়ের নিকট যে ভালবাসা পাও, ভগিনীর নিকট যে আনন্দ পাও, আমি এক বড়দিদির নিকট সে সমস্তই পাই । আমার এই ক্ষুদ্র সংসার বড়-দিদিময় । বড়-দিদির কথা ব্যতীত আর কোন কথা আমার নিকট বড় বলিয়া মনে হয় না । আমার বড়-দিদির কথা তোমরা শুনিবে ?

বড়-দিদির মুখে গল্প শুনিয়াছি, বিবাহের তিন মাস পরে তিনি



বিধবা হন। তখন তাঁহার বয়স ১৩ বৎসর; আমার তখন জন্ম হয় নাই। তাহার তিন বৎসর পরে আমি যখন মাতৃগর্ভে, তখন আমার পিতা স্বর্গে যান। তাহার পর আমার জন্মের এগার দিন পরেই মাতাঠাকুরাণী পিতার নিকট চলিয়া যান। সংসারে ১৬ বৎসরের মেঘের নিকট এগাব দিনের ছেলেকে বাঁথিয়া মা চলিয়া গেলেন।

বাবার বড়বাজারে একটা ছোট কাপড়ের দোকান ছিল। কাপড়ের দোকানের আয় যাহা ছিল, তাহাতে আমাদের সংসারমাত্রা অনায়াসে নির্বাহিত হত। বাবা কিছু টাকাও জমাইয়াছিলেন। চোর-বাগানের বাড়ীখানিতে আমরা বাস করিতেছি; ইটালীতে আর একখানি বাড়ী আছে, তাহার ভাড়া মাসে ত্রিশ টাকা পাওয়া যায়।

বাবার মৃত্যুর পরেই বড়-দিদির দেবর আসিয়া আমাদের বিষয়-কন্সের ব্যবস্থা করিতে চান। কিন্তু বড়-দিদির বয়স তখন ১৬ বৎসর হইলেও তিনি সেই অযাচিত অনুগ্রহ প্রত্যাখ্যান করিয়াছিলেন, নিজেই চেষ্টা করিয়া দোকান-খানি বিক্রয় করিয়া ফেলেন। দোকানের বিক্রয়লব্ধ অর্থ আর ইটালীর বাড়ীর ভাড়া আমাদের দুইটি মানুষের এই সংসার-যাত্রার পাত্থ্য ছিল। এ সকল কথা আমি দিদির মুখে শুনিয়াছি।

তাহার পর আমি এই এত বড় হইয়াছি, প্রেসিডেন্সি কলেজ হইতে বি, এ পাশ করিয়াছি, জন মর্লিংটন কোম্পানীর বাড়ীতে ৮০০ টাকা বেতনে চাকরী করি, এ সমস্তই বড়-দিদির রূপায়।

আমার জীবন-কাহিনী বলিবার জন্ত বসি নাই; আমার জীবনে এমন কিছু ঘটে নাই, যাহা বলিতে পারি। বড়-দিদির জীবনের একটি কথা বলিবার প্রয়োজন আছে। বড়-দিদির মুখেই কথাটি শুনিয়া-ছিলাম। তিনি কেন যে সে কথা আমাকে বলিয়াছিলেন, তাহা জানি না।

বড়দিদির বয়স যখন ১৮ বৎসর, তখন আমাদের পাশের বাড়ীতে কতকগুলি আফিসের বাবু একটা মেস খুলিয়াছিলেন। একে মেস, তাহাতে অল্প-বেতনভোগী আফিসের বাবুদের আড্ডা, সুতরাং সেটাকে কি নামে অভিহিত করা যায় ভাবিয়া পাইতেছি না। বড়দিদি কিন্তু পাশের বাড়ীটির নাম রাখিয়াছিলেন “মুক্তিমণ্ডপ”।

মেসের বাবুদের জ্বালায় আমাদেরকে অতিষ্ঠ হইতে হইয়াছিল। আমি তখন ছেলেমানুষ। আমি আর কি বুঝি; আমি মনের আনন্দে ছাতে খেলা করিয়া বেড়াইতাম; দিদিকে কতদিন ছাতে যাইবার জন্য অনুরোধ করিয়াছি, কিন্তু তিনি যাইতেন না। যখন অনেক দিন পরে তিনি ঐ মেসের বাড়ীর গল্প করিয়াছিলেন, তখন আমি সমস্ত কথা বুঝিতে পারিয়াছিলাম।

কলিকাতায় বাড়ী, পুরুষ অভিভাবক নাই। বাড়ীতে দিদি আর আমি। দিদির বয়স তখন আঠারো বৎসর। দিদি যে পরমা সুন্দরী ছিলেন—তাহা না বলিলেও চলে। এ অবস্থায় পাশের বাড়ীর সেই মুক্তিমণ্ডপ আমাদের উপর বিশেষ অনুগ্রহ করিতে কৃতসঙ্কল্প হইয়াছিলেন।

আমাদের একজন চাকর ছিল, তাহার নাম রামকৃষ্ণ। রামকৃষ্ণ আমার বাবার আমলের চাকর। সে আমাদেরকে ছাড়িয়া যায় নাই। বাহিরের যাহা কিছু দরকার, সমস্তই রামকৃষ্ণ নির্বাহ করিত। সে প্রত্যহ আমাকে লইয়া বেড়াইতে যাইত, আমার সহস্র আবদার সে দিদির সহিত ভাগ করিয়া বহন করিত।

একদিন দিদি রামকৃষ্ণকে বলিলেন যে, আমাদের এই বাড়ী ভাড়া দিতে হইবে। রামকৃষ্ণ ত কথা শুনিয়াই অবাক! দিদির নিকট

শুনিয়াছি, বুড়া রামকৃষ্ণ এই প্রস্তাব শুনিয়া একেবারে স্তম্ভিত হইয়া গিয়াছিল। পৈত্রিক বাড়ী, কি দুঃখে ছাড়িব! দিদি রামকৃষ্ণকে তাহার সন্তোষজনক কাবণ দেখাইতে পারেন নাই। কিন্তু আমার নিকট যেদিন প্রকৃত ঘটনা বলিয়াছিলেন, সেদিন আমি বুঝিতে পারিয়াছিলাম, দিদি কেন পৈত্রিক গৃহ ত্যাগ করিবার অন্ত কৃতসঙ্কল্প হইয়াছিলেন।

মেসের বাড়ীতে তেব চৌদ্দ জন বাবু থাকিতেন; সকলেই নানা আফিসে কাজ করিতেন। তাঁহাদের মধ্যে অধিক বয়সের কেহই ছিলেন না। বোধ হয় মূল্যমণ্ডপের আনন্দের বিঘ্ন হইবে মনে করিয়াই একদল নব্য বাবু মেস করিয়াছিলেন।

পাশের বাড়ী; ইচ্ছা কবি আর নাই করি, সে বাড়ীর লোকের গতিবিধি সর্বদাই দৃষ্টিগোচর হইবেই হইবে। গৃহস্থের বাড়ী হইলেও কথা ছিল; আফিসের বাবুদিগের মেস, সন্ধ্যার পর যেন বাড়ীতে ডাকাত পড়িত; অথবা হঠাৎ কেহ দৌঁথলে মনে করিত, যাত্রা বা থিয়েটারের আড্ডা। রাত্রি দ্বিপ্রহর পর্যন্ত ঘরে-ঘরে আমোদ-আহ্লাদ, ছাতে জটলা লাগিয়াই থাকিত।

এতগুলি বাবুর মধ্যে একটি বাবুকে বেশ একটু সভ্য বলিয়া দিদির মনে হইত। তিনি দেখিয়াছিলেন যে, ঐ দলের মধ্যে ঐ বাবুটি একটু স্বতন্ত্র প্রকৃতির লোক। তিনি কোন আমোদ-আনন্দে যোগদান করিতেন না; মেসের অন্তিম সকলে যখন নৌচের ঘরে হল্পা জুড়িয়া দিত, বাবুটি তখন ধীরে ধীরে ছাতে আসিতেন এবং অতি বিষণ্ণবদনে বেড়াইয়া বেড়াইতেন। দিদির মুখে শুনিয়াছি, তিনি কোন দিনও আমাদের বাড়ীর দিকেও চাহিতেন না।

এই বাবুটীকে দেখিয়া দিদির মনে কেমন একটা করুণার সঞ্চার হইয়াছিল। দিদি মনে করিতেন, বাবুটীর বোধ হয় অবস্থা ভাল নহে, কলিকাতায় হয় ত অতি অল্প বেতনে চাকুরী করেন। তাঁহার আয়ের দ্বারা হয় ত তাঁহার বৃহৎ পরিবারের ব্যয় নিব্বাহ হয় না। সেই জন্যই হয় ত বাবুটী এই প্রকার বিষমভাবে সময় অতিবাহিত করেন।

স্নেহময়ী, করুণাময়ী হিন্দু-বিধবা পরের দুঃখে গলিয়া যান, পরের ক্ষিঞ্চিৎ উপকার করিতে পারিলে কৃতার্থা হন। দিদিরও ঐ বাবুটীর উপর করুণার সঞ্চার হইয়াছিল। দিদি প্রায়ই অবসর-সময়ে বাবুটীর গতিবিধি লক্ষ্য করিতেন। দিদির এই ভাব বাবুটীও অতি অল্প দিনের মধ্যে বুঝিতে পারিয়াছিলেন; কিন্তু তিনি যাহা বুঝিয়াছিলেন, তাহা সম্পূর্ণ বিপরীত কথা।

দিদির মুখের দিকে চাহিয়া যে কাহারও প্রাণে কৃত্যবের সঞ্চার হইতে পারে, তাহা আমি কিছুতেই স্বীকার করিতে পারি না। কিন্তু ঐ বাবুটীর স্বন্ধে অপদেবতা ভর করিয়াছিল; নতুবা যে দিদির করুণা-পূর্ণ পবিত্র মুখশ্রী দেখিলে মানুষের মস্তক ভক্তিতে অবনত হয়, সেই দিদির মুখে তিনি অপবিত্র চক্ষু দেখিয়াছিলেন। তিনি মনে করিয়াছিলেন দিদি হয় ত তাঁহার রূপ দেখিয়া মুগ্ধ হইয়াছেন। হায় অন্ধ!

দিদি কিন্তু এ ভাব মোটেই বুঝিতে পারেন নাই; সুতরাং তিনি পূর্বের মতই ছাতে যাইতেন, বাবুটীর দিকেও অন্তের অলক্ষ্যে চাহিতেন। দিদির মুখে শুনিয়াছি যে, এক-এক সময় তাঁহার ইচ্ছা হইত রামকৃষ্ণকে পাঠাইয়া বাবুটীর খোঁজ লইবেন, তাঁহার যদি কোন অভাব থাকে, তাহার পরিপূরণের চেষ্টা করিবেন। সৌভাগক্রমে রামকৃষ্ণকে

এ কার্যে প্রেরণ করিবার সময় উপস্থিত হইবার পূর্বেই দিদির ভুল ভাবিয়া গিয়াছিল।

একদিন সন্ধ্যার একটু পূর্বে দিদি কি জন্তু ছাতে গিয়াছেন, এমন সময় ঐ বাবুটীও তাঁহাদের ছাতে উঠিলেন। দিদিকে একাকিনী ছাতে দেখিয়া বাবুটা একটা মোড়ক আমাদের বাড়ীর ছাতে ফেলিয়া দিলেন। দিদি কিন্তু তখন তাহা দেখিতে পান নাই। বাবুটা যখন দেখিলেন দিদি সে মোড়কটা কুড়াইয়া লইলেন না, তখন তিনি মনে করিলেন, দিদি হয়, উহা লক্ষ্য করেন নাই। বাবুটা তখন সহাস্ত্রমুখে বলিলেন “ঐ চিঠি!”

দিদি এই কথা শুনিয়াই বাবুটার দিকে চাহিলেন। তিনি তখন আরও সাহস পাইলেন, তিনি বলিলেন “রাত্রি আটটার সময় ছাতে থাকিব; সেই সময় উত্তর চাই।” এই কথা শুনিয়া দিদির আপাদ-মস্তক ঘুরিয়া গেল; তিনি কি বলিবেন, কি করিবেন স্থির করতে পারিলেন না; কিছুক্ষণ স্তম্ভিত হইয়া দাঁড়াইয়া রহিলেন। তাহার পর তিনি চিঠিখানি কুড়াইয়া লইয়া না-প ড়য়াহ শত খণ্ড করিয়া ছিঁড়িয়া ফেলিলেন এবং বাবুটার দিকে স্নগাপূর্ণ দৃষ্টি নিক্ষেপ করিয়া নীচে চলিয়া গেলেন। তাহার পর এককাল চলিয়া গিয়াছে, ইহার মধ্যে একদিনও দিদি ছাতে উঠেন নাই। যেদিন দিদি এই ঘটনা আমার নিকট বর্ণনা করেন, সেই দিন আমি ইহার কারণ বুঝিতে পারি নাই।

এই গল্পের উপসংহার-কালে দিদি যাহা বলিয়াছিলেন, তাহা আমার বেশ মনে আছে। তিনি বলিয়াছিলেন “আমার এক-একবার মনে হইতে লাগিল রামকৃষ্ণকে সমস্ত কথা খুলিয়া বলি; সে লোকটাকে ভাল করিয়া শিক্ষা দিয়া আসুক। কিন্তু পরক্ষণেই মনে হইল, তাহার

অপরাধ কি ? অপরাধ ত আমারই । আমার ব্যবহার যদি সে কুভাবে গ্রহণ করিয়া থাকে, তাহাতে তাহার হৃদয়ের নীচতা প্রকাশ পায় বটে, কিন্তু তাহাকে অপরাধী বলা যায় না । আমিই অন্টার কাজ করিয়া-ছিলাম—আমার ব্যবহার সঙ্গত হয় নাই । তাহার দুই দিন পরে প্রাতঃকালে সাতটায় সময় দেখি পুলিশের দারোগা ও কয়েকজন কনেষ্টেবল ঐ মেসের বাড়ীতে প্রবেশ করিল । কলিকাতা-সহবে এ প্রকার ব্যাপার ঘটিলে দেখিতে-দেখিতে রাস্তায় লোক জমিয়া যায় । ব্যাপার কি দেখিবার জ্ঞান রামকৃষ্ণও ঐ বাড়ীর দ্বারে গেল ; আমিও জানালার কাছে দাঁড়াইয়া রহিলাম । একটু পরেই দেখি, কনেষ্টেবলেরা সেই বাবুটির হাতে হাতকড়া লাগাইয়া বাড়ীর বাহির করিল । আমি কিছুই বুঝিতে পারিলাম না । একটু পরেই রামকৃষ্ণ ফিরিয়া আসিলে তাহাকে জিজ্ঞাসা করিলে সে বলিল ‘ঐ যে বাবুটিকে ধ’রে নিয়ে গেল, ও কা’ল রাত্ৰিতে কোন কুস্থানে যাইয়া অলঙ্কার চুরি করিয়াছিল । অলঙ্কার-শুদ্ধ ধরা পড়িয়াছে । অহা, ভদ্রলোকের ছেলে ! ওর এ দুস্ম্যাত হোলো কেন ? বাবুটিকে কিন্তু বড় ভাল বলিয়া আমাদের মনে হইত ’ আমি মনে মনে বলিলাম, আমিও তাহাই বুঝিয়াছিলাম ।”

দিদি এই গল্পটা কি মনে করিয়া আমার নিকট বলিয়াছিলেন, তাহা আমি এখনও বুঝিতে পারি নাই । কিন্তু এই গল্পটা শুনিবার পর হইতে আমি দিদিকে স্বর্গের দেবী বলিয়া বুঝিতে পারিয়াছিলাম । আর বুঝিয়াছিলাম বঙ্গ রমণী, বঙ্গ-বিধবার হৃদয় কি স্বর্গীয় উপাদানে গঠিত ! এই মহিমময়ী স্বর্গের দেবীদিগের সম্মুখে যে পাপ-প্রলোভন উপস্থিত করে, তাহাদিগকে পথভ্রষ্টে করিবার চেষ্টা করে, হে ইন্দ্র ! তাহাদিগের মস্তকে তোমার বজ্র পতিত হয় না কেন ?

## অস্তিম প্রার্থনা

তিন দিনের জ্বরে, বিনা চিকিৎসায় ভবতারণ সরকার ৬৫ বৎসর বয়সে কোন্ এক অজানা দেশে চলিয়া গেলেন। রেজেষ্ট্রারী অফিসের কেরানীগরি, প্রিয়তমা গৃহিণী, আদরিণী কন্যা, কেহু তাহাকে বাঁধিয়া বাঁধিতে পারিল না। ডাক্তার কবিরাজ ডাকিবারও সময় পাওয়া গেল না; সামান্য জ্ববে কে আবার ডাক্তার ডাকে? প্রথম দিন যখন কাটিয়া গেল, জ্বর ছাড়িল না, তখন তাহার গৃহিণী বলিলেন, “একবার হরিশকে ডাকিয়া দেখাইলে হয় না?”

ভবতারণ বলিল, “সামান্য একটু জ্বর, তা আবার ডাক্তার ডেকে কি হবে? দুই দিন লজ্বন দিলেই সেরে যাবে।” গৃহিণী তাহাই বুঝিলেন।

দ্বিতীয় দিন রাত্রিতে জ্বর বাড়িয়া উঠিল। কোন রকমে রাত্রি কাটিয়া গেল। গ্রামে হরিশ মিত্র ছাড়া ডাক্তার বা কবিরাজ ছিল না। ভবতারণের গৃহিণী প্রাতঃকালে মিত্রদের বাড়ীতে গেলেন। সেখানে শুনিলেন, পূর্ব রাত্রিতে হরিশ কলিকাতায় গিয়াছে, সেইদিন অপরাহ্ন-কালেই বাড়ী আসিবে। ভবতারণের স্ত্রী কি করিবেন, অপরাহ্ন-কাল পর্যন্ত অপেক্ষা করাই স্থির করিলেন। সন্ধ্যার সময়ে আবার তিনি মিত্রদিগের বাড়ীতে গেলেন, হরিশ তখনও ফেরে নাই। বাড়ীর লোকেরা বলিল, হরিশ এলেই পাঠাইয়া দিবে। স্নানোচনা ঘরে ফিরিয়া আসিলেন। রাত্রিতে জ্বর আরও বাড়িল; হরিশের বাড়ীতে কন্যা

মোহিনীকে পাঠাইয়া দিয়া সুলোচনা পথের দিকে চাহিয়া বসিয়া রহিলেন। মোহিনী ফিরিয়া আসিয়া বলিল, “হরিশ কাকা এখনও আসে নাই।”

এদিকে জরের সঙ্গে প্রলাপ আরম্ভ হইল। সুলোচনা কি কারবে? প্রতিবেশী রায়মহাশয়কে সংবাদ দিলেন। রায়মহাশয় আসিয়া রোগীর নাড়ী দেখিলেন, তাহার পর বলিলেন, “তাই ত, দেখতে দেখতে জ্বরটা কেমন বেরোখা হোয়ে পড়েছে। তাই ত! ও, ভয় নেই, মাথায় ঠাণ্ডা জল দিতে থাক।”

মোহিনী বলিল, “জেঠামশাই, আপনি একটু বসুন, আমাদের বড় ভয় হচ্ছে।”

রায়মহাশয় কি করিবেন, বাহিরে বারান্দায় বসিয়া রহিলেন। একটু পরেই পরেই মোহিনী তাড়াতাড়ি ডাকিল, “জেঠামশাই, একবার দেখুন, বাণা যে কেমন করেন।”

রায়মহাশয় ঘরের মধ্যে আসিয়া দেখিলেন, ভবতারণ অস্তিম খাস টানিতেছে। দেখিতে দেখিতে সব শেষ হইয়া গেল। সময়মত বাহিরে আনাও হইল না, অন্তর্জ্বলি করাও হইল না। অনাথা বিধবা ও কণ্ঠার ক্রন্দনে পাষণ ফাটিয়া যাঠিতে লাগল।

পাড়ার মেয়েরা আসিয়া তাহাদিগকে সান্ত্বনা দিতে লাগিলেন। রায় মহাশয় মৃতদেহের সংকার করিবার আয়োজন করিতে গেলেন। তাহার ইচ্ছা বাসিমড়া না করিয়া রাত্রিতেই দাহকার্য শেষ করিবেন। কিন্তু প্রতিবেশী কেহই সম্মত হইল না। ভবতারণ যদি অবস্থাপন্ন লোক হইত, তাহা হইলে হয় ত লোকের অভাব হইত না; কিন্তু সে রেজে-ষ্ট্রী আফিসের সামান্য কেরানী, দিন আনিত, দিন খাইত, কোন কোন



দিন তাহার অর্কশনেও কাটিয়া যাইত। এমন দরিদ্র লোকের শব দাহ করিবার জন্য এই রাত্রিতে গ্রামের লোক কেহ অগ্রসর হইল না। পরদিন অনেক চেষ্টা করিয়া, অনেক অনুরোধ উপরোধ করিয়া রায় মহাশয় কয়েকটা লোক সংগ্রহ করিলেন। যথারীতি ভবতারণের শব-দেহ শ্মশানে ছাই করা হইল। সকলে হরিবোল দিয়া ঘরে ফিরিল।

( ২ )

পূর্বেই বলিয়াছি, ভবতারণ রেজেষ্ট্রারী আফিসের কেবলীগিরি করিত। রেজেষ্ট্রারী আফিসে বেতন কম হইলেও দুপয়সা পাওনা আছে, ইহা সকলেই জানেন। কিন্তু ভবতারণ লোকটা নিভাস্তই বোকা ; তাহার বিষয়বুদ্ধি মোটেই ছিল না। কেমন করিয়া বলিতে পারি না, তাহার মাথার মধ্যে এই কথা প্রবেশ-লাভ করিয়াছিল যে, বেতনের অতিরিক্ত কিছু গ্রহণ করা অপরাধ, তাহাতে পাপ হয়। এই পাপের ভয়ে বোকা ভবতারণ মাসিক ১২ টাকা বেতনেই অতি কষ্টে সংসার চালাইত।

সংসারেও বড় বেশী লোক ছিল না। ভবতারণ নিজে, তাহার স্ত্রী ও একটা কন্যা। বাড়ীতে একটা বিও ছিল না। গরিব মানুষ, চাকর বা দাসী রাখিবার মত অবস্থা নয়। ভবতারণ নিজেই হাটবাজার করিত ; তাহার স্ত্রী সুলোচনা ও কন্যা মোহিনী গৃহস্থালীর সমস্ত কাজ করিত।

ভবতারণের মৃত্যুর পরদিন প্রতিবেশী রায়মহাশয় আসিয়া উপস্থিত হইলেন। মোহিনী তাঁহাকে দেখিয়া বলিল, “জেঠা মশাই, যা জিজ্ঞাসা কোরছেন, এখন আমাদের কি উপায় হবে ?”

রায় মহাশয় বলিলেন, “সেই কথাই শু ভাবছি যা। ভবতারণকে

কতদিন বোলেছি যে, ভবিষ্যতের ভাবনা ভাবতে হয়, ছপয়সা গোছাতে হয়। তা, তার যে মাধায় কি খেয়াল ঢুকেছিল, সে কিছুতেই অল্প রকমে একটি পয়সা উপার্জন কোরতে চাইত না। রেজেটরী আফিসের কাজ, দেখে-শুনে করতে পারলে, চাই কি আজ সে বিলক্ষণ দশ-টাকা রেখে যেতে পারতো। তোমার মাকে জিজ্ঞাসা কর, কিছু হাতে আছে কি না?”

মোহিনী ঘরের মধ্যে যাইয়া মাকে জিজ্ঞাসা করিল; তাহার পর বাহিরে আসিয়া বলিল, “জেঠামশাই, মা বোলেন তাঁর কাছে একটাকা তের আনা পয়সা আছে। তা ছাড়া আফিসে মাইনের টাকা কিছু পাওনা থাকতে পারে। আর ত কিছু নেই।”

রায়মহাশয় তখন বড়ই চিন্তায় পড়িলেন; এই অনাথা বিধবাকে কি বলিবেন, ভাবিয়া পাইলেন না। অনেক ভাবিয়া-চিন্তিয়া বলিলেন, “মা, ভেবো না। জীব দিয়েছেন যিনি আহার দিবেন তিনি। এক কাজ কর, কাল ত তোমাদের মুখে ভাতও ওঠে নাই। আজ হবিষ্যের ত আয়োজন কোরতে হবে। সে জন্ত ভাবনা নেই, আমি সব পাঠিয়ে দিচ্ছি। তারপর যা হয় দেখা যাবে। ভগবানের রাজ্যে কি লোকে না খেয়ে মারা যায়?”

এই বলিয়া রায় মহাশয় চলিয়া গেলেন। সুলোচনা তখন বাহিরে আসিয়া মেয়েটাকে কোলের কাছে টানিয়া বসাইলেন। তাহার আর কাঁদিবার শক্তি ছিল না, তিনি চারি দিকে অন্ধকার দেখিতে লাগিলেন। তিনি বুঝিতে পারিলেন, দুইটা অন্তের জন্ত মেয়েটির হাত ধরিয়া পথে-পথে ভিক্ষা করিতে হইবে। আর ত কোন উপায় নাই।

সুলোচনা সারাদিন জলটুকুও খাইলেন না। রায় মহাশয়দের

বাড়ীর মেয়েরা আসিয়া কত বলিলেন, কত প্রবোধ দিলেন, কিন্তু সুলোচনা কোন মতেই জলটুকুও খাইতে চাহিলেন না। তাঁহারা তখন মোহিনীকে তাঁহাদের বাড়ীতে লইয়া গেলেন। সেখানে অনেক কষ্টে তাহাকে কিছু আহার করাইলেন। মোহিনী আহারান্তে বাড়ীতে আসিয়া দেখে, তাহার মা শয়ন করিয়া আছেন। মোহিনী ডাকিল “মা।”

সুলোচনা কোন উত্তর দিলেন না। মোহিনী মনে করিল, তাহার মা বুঝি ধুমাইয়াছেন। সে তখন মায়ের পাশ বসিয়া রহিল।

কিছুক্ষণ পরে সুলোচনা চাহিয়া দেখিলেন, মোহিনী তাঁহার পাশে বসিয়া আছে। তিনি তখন অতি কষ্টে মৃদুস্বরে বলিলেন “মা, তোমার জেঠাই-মাকে একবার ডেকে আনতে পার?”

মোহিনী বলিল “মা, তুমি অমন কোরুছো কেন?”

সুলোচনা বলিলেন “মা, আমার বুকটা যেন কেমন কোরুছে, আমি কথা বোলতে পারছি না। তুমি একটু শীঘ্র কোরে তোমার জেঠাই-মাকে ডেকে নিয়ে এস।”

মোহিনী তাড়াতাড়ি রায় মহাশয়দিগের বাড়ীতে গেল এবং রায়গিন্নিকে দেখিয়া বলিল “জেঠাই মা, শীঘ্র এসো, মা তোমাকে ডাকছেন। মা কথা বোলতে পারছেন না। আমার বড় ভয় হয়েছে।”

মোহিনীর কথা শুনিয়া রায়-বাড়ীর মেয়ে। সকলে তাড়াতাড়ি আসিলেন; রায়মহাশয় তখন বাড়ীতে ছিলেন না। তাঁহারা আসিয়া দেখিলেন সুলোচনার দুই চক্ষু লাল হইয়া গিয়াছে, তারকাহয় উর্দ্ধে উঠিয়াছে। গায়ে হাত দিয়া দেখিলেন, শরীর বরফের মত শীতল।

রায়-গিনী তখন সুলোচনাকে ডাকিয়া বলিলেন “ও বোঁ,

তোর কি হয়েছে। অমন করছিস কেন? কথা বোলতে পারছিস না কেন?”

সুলোচনার তখন জ্ঞান হইল। তিনি দেখিলেন রায়-বাড়ীর মেয়েরা সকলে আসিয়াছেন। তিনি রায়-গিন্নীকে তাহার কাছে বসিবার জন্ত হাত নাড়িয়া ইঙ্গিত করিলেন। রায়-গিন্নী তখন সুলোচনার কাছে বসিলেন। সুলোচনা কি বলিবার জন্ত চেষ্টা করিতে লাগিলেন, কিন্তু তাঁহার কণ্ঠরোধ হইয়া গিয়াছে।

এই অবস্থা দেখিয়া রায়-গিন্নী বলিলেন “ওরে, তোরা একজন শীগির যা, হরিশকে ডেকে নিয়ে আয়। মণি, কর্তাকে খবর দে। তারা, তুই দৌড়ে আমাদের বাড়ী থেকে একটু গঙ্গাজল নিয়ে আয় ত। মুখে একটু গঙ্গাজল দিই।”

মোহিনী বলিল “ঘরেই গঙ্গাজল আছে।” এই বলিয়া সে ঘরের মধ্য হইতে গঙ্গাজলের ঘটী বাহির করিয়া দিল। রায়-গিন্নী বলিলেন “গঙ্গাজল, একটু খা।” সুলোচনা অতি কষ্টে গঙ্গাজল খাইলেন। তাহার পর তাঁহার শরীর যেন একটু ভাল বোধ হইল, তাঁহার কথা বলিবার শক্তি ফিরিয়া আসিল। তখন তিনি মোহিনীকে নিকটে ডাকিলেন। মোহিনী তাঁহার কোলের কাছে বসিয়া কাঁদিতে লাগিল।

সুলোচনা বলিলেন “কাঁদিস্নে মা, কাঁদিস্নে। আমার দিন ফুরিয়ে এসেচে, আমি তাঁর কাছে যাচ্ছি। তাঁকে ছেড়ে আমি থাকতে পারলাম না।” এই বলিয়াই আবার চুপ করিলেন।

রায়-গিন্নী তখন সুলোচনার মুখে আর একটু গঙ্গাজল দিয়া বলিলেন “ও কি কথা বো! তোর কি হয়েছে। অমন করছিস কেন? মেয়েটা কেঁদে খুন হলো যে!”

সুলোচনা তখন রায়-গিন্নীর হাতখানি ব্যাকুলভাবে চাপিয়া ধরিয়া তাঁহার মুখের দিকে চাহিলেন ; রায়-গিন্নী বৃষ্ণিতে পারিলেন, সুলোচনা যেন তাঁহাকে কি বলিবার চেষ্টা করিতেছেন। তিনি বলিলেন “বৌ, অমন করছিস্ কেন ? কি বলবি বলু ?”

সুলোচনা ধীরে ধীরে বলিলেন “দিদি, আমার আর সময় নাই। আমার সব শেষ হয়ে এসেছে। যঁার জন্ম সংসার, তিনি আমায় রেখে চোলে গেলেন। আমি কি আর থাকতে পারি। কিন্তু ভাবনা এই মেয়েটার জন্মে। এর কি হবে দিদি ! সংসারে যে এর কেউ নেই।” সুলোচনা আর কথা বলিতে পারলেন না, তাঁহার চক্ষু দিয়া জল পড়িতে লাগিল। রায়-গিন্নী ও অন্নাণ্ড সকলের চক্ষুও জলভারাক্রান্ত হইল ; কাহারও মুখ দিয়া কথা সরিল না।

সুলোচনা একটু অশ্রু-সংবরণ করিয়া বলিলেন “দিদি, তোমার কাছে একটা প্রার্থনা। আমার কাছে যদি সত্য কর, তবে বলি।”

রায়-গিন্নী বলিলেন “কি কথা বৌ, বল না। এত ভাবাছিস্ কেন ? তোর মনের কথা কি ?”

সুলোচনা বলিলেন “দিদি, আমার কাছে আগে সত্য কর, আমি যা বোলুবো তা তুমি কোরবে, তবে বলি ; নতুবা মনেই থাকুক। দিদি ! আর আমার সময় নাই।”

সুলোচনার ব্যাকুলতা দেখিয়া রায়-গিন্নীর প্রাণ কেমন করিতে লাগিল। তিনি আর স্থির থাকিতে পারিলেন না ; বলিলেন “বৌ, তুই ভাবাছিস্ কেন ? বলু তোর মনের কথা কি ; আমি সত্য কোরছি তুই যা বোলবি আমি তাই কোরবো।”

তখন সুলোচনার মলিন মুখে হাসির রেখাপাত হইল, তাঁহার চক্ষু

হুইটী আনন্দে নাচিয়া উঠিল, তাঁহার জীবনীশক্তি যেন ক্রমকালের জগু ফিরিয়া আসিল। তিনি বলিলেন “দিদি, কি বলব। আজ আমার মরিয়াও সুখ। আমার শেষ অনুরোধ, এই অভাগিনী মেয়েটাকে তোমার ছেলে সুবোধের সঙ্গে বিয়ে দিও দিদি, আমার এই প্রার্থনা। বল দিদি, তুমি আমার এই অনুরোধ রক্ষা কোরবে। বল, আমি হাস্তে হাস্তে তাঁর কাছে চোলে যাই।”

রায়-গিন্নী একটুমাত্রও সঙ্কুচিত না হইয়া বলিলেন “দেখ্ বৌ, তোর মত সতী-লক্ষ্মীর মেয়েকে মাথায় কোরে ঘরে তুলে নেবো। তোব কাছে শপথ কোরছি, মোহিনীর সঙ্গে আমার সুবোধের বিয়ে দেবো।”

রায়-গিন্নী আর কথা বলিতে পারিলেন না। সুলোচনার সহাস্র বদন দেখিয়া সকলে অবাক্ হইয়া গেলেন। ধীরে ধীরে তাঁহার মুখে আবার কালিমার সঞ্চার হইল, ধীরে ধীরে তাঁহার জীবনশ্রোত মন্দীভূত হইতে লাগিল। তখন সকলে ধরাধরি করিয়া সেই সতীর দেহ বাহিবে লইয়া আসিলেন। তাহার পরই সব শেষ!

সেই রাত্রিতে গ্রাহণীর মুখে রায় মহাশয় সমস্ত কথা শুনিলেন। বৃদ্ধ রায় মহাশয় আনন্দে অধার হইয়া বলিলেন “দেখ, আজ আমি যে আনন্দলাভ করলাম, জীবনে কোন দিন এমন আনন্দ আমি ভোগ করি নাই। তুমি উপযুক্ত কাজই কোরেছ। এমন সতীলক্ষ্মীর মেয়েকে সত্যসত্যই আমি মাথায় কোরে ঘরে তুলবো। কালকালে যে এমন সতী থাকতে পারে, তা আমি জান্তাম না। যদি কেউ আমাকে লক্ষ টাকা ষোড়ক দিয়ে তার মেয়ের সঙ্গে সুবোধের বিয়ে দিতে চাইত, তা হোলেও আমি তাতে সম্মত হোতাম না। তুমি জ্ঞার উপযুক্ত কাজই কোরেছ। তোমার শপথ আমি রক্ষা কোতে বাধ্য।”

তারপর যথাসময়ে মহা আড়ম্বর করিয়া রাম-মহাশয় পিতৃ-মাতৃ-  
হীনা মোহিনীর সহিত তাঁহার একমাত্র পুত্র সুবোধের বিবাহ দিলেন।  
মোহিনী মায়ের মৃত্যুকালের সেই প্রসন্ন বদন যখন-তখনই চক্ষুর সম্মুখে  
দেখিতে পাইত, আর তাহার প্রাণে শাস্তিধারা বর্ষিত হইত।



## শ্রীযুক্ত জলধর সেন মহাশয়ের পুস্তকাবলী

১।	হিমালয়—( ৫ম সংস্করণ )	২।০
২।	প্রবাস চিত্র—( ৩য় সংস্করণ )	২।
৩।	পথিক—( ২য় সংস্করণ )	২।
৪।	নৈবেদ্য—( ২য় সংস্করণ )	১।০
৫।	কাজাল হরিনাথ—( ১ম খণ্ড )	২।০
৬।	করিমসেখ—( ২য় সংস্করণ )	৫০
৭।	ছোট কাকী—( ২য় সংস্করণ )	৫০
৮।	নূতন গিন্নী—( ২য় সংস্করণ )	৫০
৯।	দুঃখিনী—( ২য় সংস্করণ )	৫০
১০।	পুরাতন পঞ্জিকা—	২।
১১।	বিশুদ্ধাদা—( তৃতীয় সংস্করণ )	২।০
১২।	সীতাদেবী—( ৩য় সংস্করণ )	২।
১৩।	হিমাজি	৫০
১৪।	কাজাল হরিনাথ—( ২য় খণ্ড )	২।০
১৫।	পরাগ মণ্ডল—( ২য় সংস্করণ )	২।০
১৬।	আমার বয়—( ২য় সংস্করণ )	২।০
১৭।	কিশোর—( ২য় সংস্করণ )	২।
১৮।	দশদিন	২।০
১৯।	আশীর্বাদ—( ২য় সংস্করণ )	২।০
২০।	বড়বাড়ী—( ৫ম সংস্করণ )	১।০
২১।	ঈশানী	২।০
২২।	পাগল	২।০
২৩।	চোখের জল	২।০
২৪।	হরিশ ভাগুরী—( ৩য় সংস্করণ )	১।০
২৫।	কাজালের ঠাকুর	১।০
২৬।	ষোল আনি	২।০
২৭।	অভাগী—( ৬ষ্ঠ সংস্করণ )	১।০

প্রাপ্তিস্থান—গুরুদাস চট্টোপাধ্যায় এণ্ড সন্স ;

২০১ নং কর্ণওয়ালিস্ ট্রীট, কলিকাতা ।







